



ქართული
ლიბრთეკა

ოჯანო სჰ. სოც.-დემ. პარტიის საზღვარ-გარეთელ ბიუროს ორგანო

Organe du Bureau à l'Étranger du parti Social-démocrate de Géorgie.

832

1954

რვაენი

ფრთვა

“ NOTRE DRAPEAU ”

Directeur: MICHEL STOUROUA.

N° 17

პაროზო

მ ა ო ხ ო

Paris.

1954

26 მაისის თვის.

ოცდა თექვსმეტი წელიწადი სრულდება მას შემდეგ, რაც ქართველ ერმა უცხოელთა ერთი საუკუნის ბატონობას თავი დააღწია და საკუთარი დამოუკიდებელი პოლიტიკური ცხოვრება აღადგინა.

ხელახლა შემოსულმა მტერმა, მეტად ბოროტმა და დაუხდობელმა, კიდევ უფრო გააღვივა ჩვენს ხალხში სიყვარული თავისუფლების, სიყვარული ეროვნულ თავისუფლების, მას რომ მუდამ ასულდგმულედა. ამიტომ იქ, ჩვენს ქვეყანაში, 1918 წლის 26 მაისის მომსწრენი ახლა უსიტყვოთ, მაგრამ სიყვარულით სავსე გულით, მოიგონებენ ამ დღეს: ეს დღე იყო დღე ფართო გზის მაჩვენებელი ქართველ ხალხის ეროვნულ და კულტურულ, სოციალურ, ეკონომიურ და პოლიტიკურ განვითარებისთვის.

არც ჩვენ, უცხოეთში გადმოხვეწილებს, შეგვიძლია 26 მაისი არ მოვიგონოთ: იგი ჩვენი ნუგეშია, მთელი ქართველი ერის შეურყეველ ნებისყოფის გამომხატველი თავისუფლათ არსებობისთვის.

ამ დღეს ყველა ქართველი უდიდეს სასოებით და პატივისცემით მოიგონებს, უპირველეს ყოვლისა, მათ, ვინც ეროვნულ თავისუფლებისთვის ბრძოლაში დაეცა: ბრძოლის ველზე დაღუპულ მამულიშვილებს. შემდეგ, მწუხარებით და ტანჯვით აღსავსე მის გულში ადგილს მათ მისცემს, ვინც, ციმბირის ტუნდრებში და აზიის უდაბნოებში გადასახლებულნი, უდანაშაულოთ განაწამები არიან. დასასრულ, ყოველდღიურ სიცხადით გულდაჩაგრული ქართველი დედა თავის ოცნებაში ეალერსება იმათაც, ვინც, სამშობლოდან შორეულ ქვეყნებში გადახვეწილნი, მოკლებული არიან ყოველივე იმას, რითაც ცხოვრობს ადამიანი: ნივთიერ კეთილყოფას და სულიერ სიმშვიდით შრომას და მოქმედებას სამშობლო ქვეყნის შეჩვეულ პირობებში. ეს ჩვენ ვართ, ახლა დედა-მიწის ყველა კუთხეში გაბნეული ემიგრაცია.

ჩვენ არ გვივიწყებს დედა იმ იმედით, რომ მაზედ ფიქრობს შორს გადახვეწილი შვილიც!..

მიუხედავად მას სამაგიერო და 26 მაისს, ჩვენი ერთობის ამ უდიდეს და უბრწყინვალეს დღეს, ჩვენც ჩავიხედოთ ჩვენს გულში და გულწრფელათ დავეკითხოთ ჩვენს თავს: რა გავა-

კეთე წლიდან წლამდის, 26 მაისიდან 26 მაისამდის, ჩვენი ქვეყნის სასარგებლოთ, თითოეულ ჩვენგანმა და ჩვენი შესაძლებლობის ფარგლებში? დიდმა და პატარამ, მოხუცმა და ახალგაზრდამ, ვსთესეთ ურთიერთ შორის თესლი ერთობის, ჩვენი რაზმების მტრის წინააღმდეგ გასამჭიდროებლათ, თუ ჩვენს დაბნევას და დაქსაქსულობას შევუწყვეთ ხელი? რით ვუპასუხეთ დედის, ყველასკენ ერთნაირათ მიმართულს, ცრემლიან თვალებს?

ამაზედ გემართებს ჩვენ დაფიქრება. ერთი მეორის ძმურათ მხილებით და არა ერთი მეორისადმი ღვარძლით თუ შურისძიებით, ჩვენი ძალების სისუსტის გათვალისწინებით—როცა მრავალ კეცათ ვართ გათიშული—და ამ ძალების გაერთიანების საჭიროების შეგნებით ჩვენ, ემიგრაცია, შევქმნით სამშობლოსთვის გამოსადეგ და დამხმარე ძალას: კულტურულს, მორალურს და პოლიტიკურს. «ერთობა ჩვენთვის ტახტია». ტახტია თავისუფლების!


26 მაისის მოგონება უნდა იყოს მოგონება ქართველი ერის გაერთიანების, როგორც 1918 წლის 26 მაისის ზეიმში, ისე 1921 წლის მარტის და 1924 წლის აგვისტოს უდიდეს მწუხარებაში.

26 მაისი უადრესად დამაფიქრებელი წუთია, ისე, როგორც ჩვენი ხანგრძლივი ისტორიის სხვა ასეთივე მაგალითები: ურთიერთ გაგება, კავშირი და გაერთიანება მისი და ყოფილ ნაწილებისა ამაგრებდა საქართველოს დასერილ სხეულს და მისი თავისუფლების აუცილებელი პირობა იყო ურთიერთ შორის უთანხმოება და შური კი საქართველოს დამასუსტებელი და დამლუპავი გარემოება იყო ყოველთვის.

26 მაისის ემიგრაცია ღირსეულათ მაშინ სცემს პატივს, თუ იგი შესძლებს, თუ ემიგრაციის შემადგენელი სხვადასხვა ნაწილები შესძლებენ, ერთსულოვნათ მუშაობას ყველა იმ ქვეყნებში, სადაც ცხოვრება მათ არგუნა ბედმა; მუშაობას იმისთვის, რათა ქართველ ერს მხარი დაუჭიროს ყველამ მის ბრძოლაში უდავო უფლებათა და სამართლიან მოთხოვნისებრთა აღდგენისთვის. სხვა საქმე ჩვენ არაფერი გვაქვს, საქმე მნიშვნელოვანი.

გაუმარჯოს ქართველ ერის, ყველა მის შემადგენელ ნაწილების ერთსულოვან ბრძოლას თავისუფლებისთვის!

გაუმარჯოს 26 მაისს!



ნოე ჟორღანიას ნაწიკბილან;

26 მაისი არის ჩაჭედელი თვითული ქართველის სულსა და გულში, მთელ ქართველ ერში და უცდის შესაფერ დროს მის აღსადგენათ.

26 მაისის განხორციელება მოხდა ქართველობის ერთხმით, მისი ყველა კლასის და წოდების თანხმობით.

26 მაისი არის გამოხატულება ერის ერთობის, მტრის წინააღმდეგ აღმართული ერთად ერთი სიმაგრე. დიდი ნაციონალური საქმე არ გაკეთდება შინაგანი ბრძოლის გაჩაღებით.

26 მაისი განხორციელდა მრავალნაირი საქმიანობით, მოხდა ცვლილება ცხოვრების ყველა დარგში. შეიქმნა ახალი თავისუფალი საქართველო თანხმობით ერთად დგომით.

დრონი მირბიან, გარემოებანი იცვლებიან, აზროვნებანი სხვაედებიან. არ იცვლება მხოლოდ ერთი გარემოება, ერთი აზროვნება, ერთი მახსოვრობა: ეს არის 26 მაისი.

26 მაისის ქართველობა დაეპატრონა თავის თავს, როგორც ერთი მთლიანი ერი, გამოკვეთა ერთი ხალხი ჭირში და ლხინში განუყრელი, მან სთქვა თავის საკუთარი სიტყვა ცხოვრების ყველა დარგში: პოლიტიკაში, ეკონომიკაში, სოციალურ და ნაციონალურ ურთიერთობაში.

26 მაისი არის მორალური ძალა, სულიერი სიმტკიცე, ურყევი იდეალი, აუღებელი სიმაგრე. მას შეასკდება მტერთა იერიშები; ის გადალახავს ყველა დაბრკოლებებს, ისევ აღსდგება, ისევ უმეთაურებს ერის ცხოვრებას.

იმედი არ უნდა დაგვეკარგოს; განთიადის აჩრდილი მოახლოვებულია. დასანგრევის დანგრევა აუცილებელია და მას უნდა შევხვდეთ მხნეთ და თავდადებულათ. ამ არეულ-დარეულ ხანაში ქართველი ერის პატარა ნავი გასცურავს სამშვიდობოზე მხოლოდ მისი მთლიანობის შენახვით, მისი თავისთავის ერთგულებით, მისი 26 მაისით.

26 მაისი ბუდობს თვითეულ ქართველში; ის ფრიალებს გამოუჩენლათ იქ, საქართველოში.

26 მაისის ფესვები ღრმათ არის გადგმული ქართველი ერის სულსა და გულში. მან სამუდამოთ დაიპყრო მთელი ხალხი. ის რჩება იქ სადაც დაიბადა უცვლელად, შეუდრეკელათ, ამაყათ.

26 მაისი ქართველი ერის ერთადერთი თაიგულია. ის მას შეინახავს სამუდამოთ.

ქ ე ნ ე ვ ი ს თ ა თ ბ ი რ ი.

ბერლინში მომხდარ «ოთხ დიდთა» თათბირის ერთადერთი შედეგი იყო მოწვევა ახალი თათბირის ენევაში. ენევის თათბირისათვის დიდ წინასწარ მზადებას ჰქონდა ადგილი. ჯერ იყო და ამერიკის საგარეო საქმეთა მინისტრმა დოლესმა წარმოსთქვა დიდი სიტყვა, უმთავრესად ინდოჩინეთის და ჩინეთის შესახებ. ამას მოჰყვა მოლოტოვის ახალი ნოტა, უმთავრესად ევროპის შესახებ.

ბერლინის თათბირზე, როგორც ვიცით, მოლოტოვი ევროპის უშიშროების ხელშეკრულების დადებას მოითხოვდა, მარა ამაში არ უნდა მიეღო მონაწილეობა ამერიკას, როგორც ვითომდა, არაევროპიულ სახელმწიფოს. ახალ ნოტაში კი ის თანახმაა შემოვიდეს ამერიკაც. იმავე ბერლინის თათბირზე ის სასტიკათ ესხმოდა თავს «ატლანტიკის კავშირს». («ნეიტო»), აცხადებდა მას აგრესიულად და სთვლიდა ერთავად საბჭოთა კავშირის წინააღმდეგ მიმართულად. ახლა კი მზათა თვით შემოვიდეს ამ კავშირში.

ყოველივე ამის შემდეგ არაა გასაკვირი თუ ბევრი დიდ რამეს გამოელიან ამ თათბირიდან; მით უფრო, რომ მასში პირველად იღებს მონაწილეობას წითელი ჩინეთი და ინდოჩინეთი. ამ ორი ქვეყნის მონაწილეობა ამ თათბირში დიდათ აძლიერებს მომენტის მნიშვნელობას.

ინდოჩინეთს უდიდესი მნიშვნელობა აქვს მთელი თავისუფალი ქვეყნებისათვის. ქვეყანა უაღრესად მდიდარი ყოველგვარი ნედლი მასალით და სტრატეგიულათ ბევრათ უფრო მეტი მნიშვნელობის, ვინემ ჩინეთი. ვის ხელშიც იქნება ინდოჩინეთი, ის იქნება ბატონ-პატრონი მთელი აზიის. ამიტომაა რომ წითლები ასე ცდილობენ იქიდან ფრანგების გამორეკას.

მაღე რვა წელი შესრულდება, რაც ინდოჩინეთის ომი გრძელდება. პირველ ხანებში ადგილობრივი წითლების წინააღმდეგობა სუსტი და უმნიშვნელო იყო. მაგრამ როცა მათ ზურგს უკან საბჭოთა კავშირი დადგა, მდგომარეობა მეტად გართულდა.

ამერიკა თავდაპირველად აღმაცერად შეხვდა ინდოჩინეთის ამბებს. მათ ეს ომი ჩასთვალეს დამოუკიდებლობისათვის ბრძოლათ. ფრანგები, მათი აზრით, იყვენ კოლონიზატორები, წითლები კი დამოუკიდებლობისათვის მებრძოლნი. ამიტომ აიღეს პოზიცია ნეიტრალური. მაგრამ თანდათან, განსაკუთრებით კორეას შემდეგ, ეს შეხედულება სავსებით გაქრა. კორეაში დაზავების დროს აიხუნაურმა საჯარო განაცხადა, რომ «ზავი კორეაში უშედეგო იქნება თუ აგრესიული წითლები გადატყორცნილი იქნებიან «სხვა ადგილზე»». მაღე გამოიჩვენა რომ ეს «სხვა ადგილი» იყო ინდოჩინეთი. ამ დღიდან ამერიკა დიდ დახმარებას უწევს საფრანგეთს. ცნობილია, რომ ამ ომის სამხედრო ხარჯების 80 პროც. ფარავს ამერიკის ხაზინა. ეზმარებიან სხვა მხრივაც—ავიონები, მექანიკოსები და სხ. მართალია, ამ დახმარებამ დაიგვიანა, მაგრამ ომი, ასე თუ ისე, მაინც გრძელდება.

ასეთ მომენტში და პირობებში შეკრებილი თათბირი, თათბირი სადაც თავმოყრილია სრულიად ერთიმეორისადმი მტრულად განწყობილი მონაწილენი, რომელთა პოლიტიკური მიზნები თავიდან ბოლომდე ერთიმეორეს ეწინააღმდეგება, ერთიმეორეს უარყოფს—გასაკვირი არ იქნება თუ არც ამ თათბირს მოჰყვეს რაიმე მნიშვნელოვანი დადებითი შედეგი.

ამ თათბირს თან ახლავს ერთი მეტად რთული და თავსამტვრევი საკითხი, რომელიც მას დიდათ ანსხვავებს წინეთ მომხდარ სხვა ასეთი თათბირებისაგან. ესაა საკითხი ევროპის ჯარის შექმნის.

თათბირზე, როგორც ვიცით, ერთ მხარეზეა საბჭო-ჩინელთა მონოლიტური ბლოკი, ბლოკი რომლის ერთად ერთი მიზანია დასავლეთის დემოკრატიის განადგურება, როგორც «იმპერიალისტების». მაგრამ მათ კარგად იციან, რომ ეს არც ისე ადვილი საქმეა. დასავლეთის დემოკრატია ჯერ კიდევ იმდენად ძლიერია, რომ მისი განადგურება სამხედრო ძალით, ამ ეჰმად მაინც, შეუძლებელია. ამიტომ, მათი აზრით, ის უნდა დასუსტდეს თანდათანობით, სისტემატიური დიპლომატიური დამარცხებით გარედან და თავის მეხუთე კოლონის მუშაობით—შიგნიდან. და როცა ასეთი მუშაობა თავის მისიას დაასრულებს—საქმეში ჩამოერევა სამხედრო ძალა. ამიტომ წითლებისათვის ეენევის თათბირი არის მხოლოდ ეტა-

პი, ეტაპი განსაზღვრული მიზნით. ეს მიზანია ევროპიული არმიის ჩაშლა. და რადგან დასავლეთის დელეგაცია არ არის მოლოტიური, არ არის ერთი რომელიმეს ბრძანების მორჩილი—მოლოტოვი ეძებს მათ შორის სუსტ და ადვილად გასარღვევ ადგილს. ასეთ ადგილად უნდა ჩაითვალოს საფრანგეთი. და მოლოტოვის ყოველივე ცდაც მიმართულია იმ მხრივ, რომ როგორმე საფრანგეთი დასავლეთის დემოკრატიის ფრონტს გამოთიშოს.

რით შეუძლია მას ამ მიზანს მიაღწიოს? რა საფასური უნდა გაიღოს მან რომ საფრანგეთმა უარი სთქვას ევროპის არმიის შექმნაზე? და თუ ეს მოხდა—როგორ შეხვედებიან მას საფრანგეთის დასავლეთის პარტნიორები?

აი ის თავსატეხი საკითხები, რომელიც ქენევის თათბირს განსაკუთრებულ საპასუხისმგებლო ხასიათს აძლევს.

დასავლეთის დელეგაციისათვის ევროპის არმიის შექმნაზე უარის თქმა—ეს იქნებოდა ის, რომ მან თვითონ, თავისი ნებით დასდოს თავი გილიოტინის ქვეშ და უცადას თუ როდის ჩამოჰკარავს ბაწარს ჯალათი. ასე ესმის ეს ამერიკას.

ასე ესმის ეს ინგლისსაც, მარა ვერ ახერხებს, თუ არ ახერხებს, დაახწიოს თავი ძველ, თანშეზრდილ პოლიტიკას. მან ერთხელ უკვე იხსნა საბჭოთა კავშირი დალუპვისაგან და ამით ვინ იცის რამდენი ცოდვა აიღო თავისთავზე. ის ახლაც თავის პოლიტიკით ხელს უშლის იმ ძალებს, რომლებიც ცდილობენ, სხვა თუ არაფერი, საზღვარი მაინც დაუდონ საბჭოების ექსპანსიას. ბოლშევიკურ ბლოკთან თავის ურთიერთობის აწყობით და თავის შუამავალის როლის თამაშით—ის სხვების ანტიბოლშევიკურ პოლიტიკის აქტივობასაც ადუნებს და ასუსტებს. მან ერთხელაც არ განაცხადა, რომ თუ ევროპის ჯარების შექმნით საფრანგეთს საფრთხე დაუდგებოდა, ის მასთან იქნებოდა. ასეთი განცხადებით მას შეეძლო დიდათ გაეადვილებია საფრანგეთისათვის ევროპის ჯარების იღვის გაზიარება. ამიტომ, მართალი არიან როცა ამბობენ—ინგლისმა თავის ორჭოფული პოლიტიკით დიდათ გააძლიერა საფრანგეთის ოპოზიცია ევროპის ჯარების შექმნის წინააღმდეგ.

სულ სხვა მდგომარეობაა საფრანგეთში. აქ ქენევის თათბირამდეც დიდი ოპოზიცია იყო ევროპის არმიის წინააღმდეგ. და ასეთ ოპოზიციას აწარმოებდენ არა მხოლოდ კომუნისტები, არამედ მთელი მემარჯვენე სექტორი. ფრანგების დიდი უმეტესობა ასეთი არმიის შექმნაში, მიუხედავად ადენაუერის მრავალჯერ განცხადებული მშვიდობიანი წინადადებისა, ხედავს გერმანიის ჰეგემონიის აღდგენას. გარდა ამ

პეგემონის აჩრდილისა, აქ დიდ როლს თამაშობს ეს დაუსრულებელი ომი ინდოჩინეთში, რომელიც მეტად მძიმედ აწვება ფრანგის ფსიქოლოგიას და ეკონომიკას. და აი ასეთ პირობებში რომ მოლოტოვმა შესთავაზოს «ზაფხუნი ინდოჩინეთში»—რას იზამს საფრანგეთი? ყოველივე იმის მიხედვით, რაც ხდება ამ ომის ირგვლივ საფრანგეთში—სრულიად არაა გამორიცხული, რომ ფრანგები ასეთ «დათმობაზე» არ წავლენ. რა მოჰყვება ამას—ძნელია გადაჭრილი რაიმეს თქმა. მარა ის კი უდავოა, რომ ამერიკა იძულებული იქნება გადასინჯოს თავის საგარეო პოლიტიკა: შერჩეს კონტინენტალურ პოლიტიკას, დაუბრუნდეს იზოლიაციონიზმს, თუ დაეყრდნოს პერიფერიების სტრატეგიას.

საფრანგეთის უარის თქმა ევროპის ჯარის შედგენაზე, ეჭვი არაა, დიდად შეუწყობს ხელს იზოლიაციონისტების პოზიციის გაძლიერებას. მაგრამ ავტორიტეტული პირების განცხადებით, ამერიკა ამ გზას არ დაადგება. არ დაადგება თუგინდ იმიტომ, რომ ევროპიდან წასვლა მას უშრობს მთელი რიგი სამხედრო მასალების მიღების წყაროს, ართმევს ფრიად მნიშვნელოვან სტრატეგიულ პუნქტებს და უკარგავს აშკარა თუ პოტენციალურ მოკავშირეებს. ამიტომ, მართლაც რომ საეჭვოა, მან ხელი აიღოს კონტინენტალურ პოლიტიკაზე და თავის საკუთარ ციხე-სიმაგრეში ჩაიკეტოს. უფრო დასაჯერებელია რომ ის გადავა პერიფერიების სტრატეგიულ პოზიციაზე—ისპანია, საბერძნეთი, თურქეთი, პაკისტანი, რაც ნიშნავს ფაქტიურად ევროპიდან გასვლას.

ასეთ პირობებში ევროპის დაცვა უნდა მოხდეს დარჩენილი ძალებით. ამავე დროს საფრანგეთმა უნდა იცოდეს, რომ გერმანიის შეიარაღება, ევროპის არმიის ფარგლებში თუ მის გარეშე, მაინც მოხდება. უნდა იცოდეს ისიც რომ სამხრეთი აზია გახდება იმ «ცარიელ ადგილათ», საითკენაც გაემუშრება წითლების იმპერიალიზმი და ამის შედეგი არც ისე ძნელი გამოსაცნობია.

ყოველივე ამებების გამო, დასავლეთის დელეგაციის მდგომარეობა ქუჩევის კონფერენციაზე არაა ადვილი. მაგრამ, თუ მათ შესძლეს იმის მიხწევა მაინც, რომ, რაიმე დიდი დათმობის გარეშე, შეინარჩუნონ თავის პროგრამამ ევროპის არმიის შექმნისა და ამავე დროს არ გასწირეს თავიანთი მოკავშირენი კორეაში და ფორმოზაზე,—წამხდარ საქმეზე ესეც დიდი გამარჯვება იქნება...

გრ. ურატამე.

ა ს ე ი მ ლ, ა ს ე ი ძ ნ ე მ ბ ა

(საბჭოთა კავშირის ვითომ ახალ კვანძს. პოლიტიკის გამოც)

ვინ იტყვის, რომ საბჭოთა კავშირი არ დაწინაურდა საერთაშორისო პოლიტიკაში?

თუ მეორე ომის წინ დიდი სახელმწიფოები მას თითქმის არავეითარ ანგარიშს უწევდნენ, ახლა უიშისოთ არც ერთი დიდი მნიშვნელობის საქმე არ ეწყობა მსოფლიოში და საბჭოთა კავშირის ყოფაქცევა გადამწყვეტ როლს თამაშობს მრავალ საერთაშორისო საკითხში.

ამ მდგომარეობას საბჭოთა კავშირმა მიაღწია თავის გაიძვერობით, პოლიტიკაში წინათ გაუგონარ ზომებით, თავის მიზნებისთვის ყოველგვარ საშვალეებათა გამოყენებით; ხოლო მისი სამხედრო ძლიერების ზრდამ აქ უდიდესი გავლენა იქონია. სპეციალისტების ცნობით, საბჭოთა კავშირი სამხედრო მომზადებით თითქმის ამერიკის შეერთებულ შტატებს უთანასწორდება. თავაშვებულ იმპერიალისტების ხელში ასეთი ძალის დაგროვება კი ძალიან საშიშარია.

დღიდან ხელისუფლების დაპატრონებისა, საბჭოთა კავშირის ხელმძღვანელი სამხედრო შეიარაღებას აქცევდნენ უმთავრეს ყურადღებას; ხალხს აშინებდნენ «თავს გვესხმინან»-თ, მას ზუკანასკნელ ლუქმას ართმევდნენ და ტანკების დამზადებას და ნატოზხნების ჩამოსხმას აძლიერებდნენ.

საბჭოთა კავშირის სწრაფი ინდუსტრიალიზაცია უმთავრესად სამხედრო დანიშნულებას ემსახურებოდა და არა ხალხის კეთილდღეობას. საბჭოთა ხელისუფლებამ კარგათ იცოდა, რომ თანამედროვე ომი ტექნიკაზე არის დამოკიდებული; რომ რკინა, ფოლადი, სათფობი მასალა და სხვა ამ გვარი საგანი, და არა ჯარის რაოდენობა, თამაშობს ახლა უმთავრეს როლს ბრძოლის ველზე. ამისთვის თავი და თავი ყურადღება ინდუსტრიაში ზევით დასახელებულ საგნების დამზადებას ჰქონდა მიქცეული.

გლეხობის დიდი ნაწილი გუთნანს მოხსნეს და ქარხანას მიიბეს, ხოლო პოლიტიკურათ არა-საიმედოთ გამოცხადებულნი მოსახლეობა—მილიონობით ითვლება მათი რაოდენობა—მალაროებში ჩაყარეს სამუშაოთ. ძალიან ძვირათ უჯდებოდა ხაზინას ასეთი აჩქარებული ინდუსტრიალიზაცია, რადგან თაობები არის საჭირო, რომ სოფლის უბრალო კაცი ქარხნის ცხოვრებას შეეჩვიოს, დახელოვანდეს და ქალაქის სამრეწველო მუშის ადგილზე სასარგებლო გამოდგეს; საბჭოთა კავშირში კი სულ რაღაც ორი ათეული წლის განმავლობაში მოინდომეს უაღრესათ სასოფლო-სამეურნეო ქვეყნის სამრეწველო ქვეყნათ გადაქცევა.

რუსეთში მოგზაური უცხოელები განცვიფრებაში მოდიოდნენ, როცა ხედავდნენ, თუ როგორ—უცოდინარობისა და მოუვლელობის გამო—ფუტულებოდა უცხოეთიდან გამოწერილი საუკეთესო მანქანები და რამდენს გამოუდგებარ საგანს, «ბრაკს», უშვებდნენ ქარხნებიდან გამოუცდელი მუშები და ტექნიკოსები. ამ მოვლენას საბჭოები თვითონაც ხედავდნენ და «თვითკრიტიკას» აწარმოებდნენ. ხოლო ნამდვილ მდგომარეობას ანგაოიშს მაინც არ უწევდნენ: რათაც უნდა დამჯდარიყყო, რუსეთში მძიმე ინდუსტრია უნდა მოწყობილიყოს!... სახელმწიფო ბიუჯეტში და ხუთ-წლიან გეგმებში უმთავრესი ადგილი მძიმე ინდუსტრიას ჰქონდა დათმობილი, იმას ხმარდებოდა სახელმწიფოს შემოსავლის დიდი ნაწილი, იმაში იყო ჩაბმული შრომის ასაკში მყოფ მოსახლეობის დიდი ნაწილი.

ამიტომ მძიმე მრეწველობა საბჭოთა კავშირში ძალიან გაიზარდა: ფოლადის დამზადებაში, მაგალითად, მან წინ გაუსწრო ინგლისს, გერმანიას, საფრანგეთს და მსოფლიოში მეორე ადგილი დაიჭირა (პირველი ადგილი ამერიკის შეერთებულ შტატებს უჭირავს)*. მძიმე ინდუსტრიის განვითარების მიხედვით გაიზარდა იქ ზარბაზნების, ტანკების, ჰაეროპლანების რიცხვი. ამათი ნამდვილ რაოდენობას კაცი ვერსად გაიგებს, მაგრამ დრო-და-დრო გამოქვეყნებული ციფრები მაინც შიშს ჰგვრის კაცობრიობას. აი რამ განარდა საბჭოთა კავშირის გავლენა საერთაშორისო პოლიტიკაში.

ამავე დროს, შეიძლება ითქვას, რომ საბჭოთა კავშირი თითქმის მართლაც ინდუსტრიალურ ქვეყნათ გადაიქცა. თუ 1913 წელს მრეწველობის ნაწარმოები რუსეთში უდრიდა 42,1 პროცენტს საერთო ნაწარმოებისას, ხოლო სოფლის მეურნეობის ნაწარმოები 57,9 პროცენტს, 1938 წელს სოფლის მეურნეობის ნაწარმოების რაოდენობა 22,6 პროცენტამდის ჩამოვიდა, სამრეწველო კი 77,4 პროცენტამდის ავიდა (საბჭოთა გამოცემების ცნობების თანახმად).

საბჭოთა კავშირის წარმომადგენელი მრეწველობის განვითარების ასეთი შედეგებით ძალიან ამაყობენ. ხოლო მათ დაავიწყდათ ერთი გარემოება: რადგან მძიმე ინდუსტრიაზე გაწეული ხარჯი უმთავრესად სამხედრო სამზადისს ხმარდებოდა, ეს ხარჯი მატერიალურათ უსარგებლოა, უნაყოფო, სიმდიდრის შთანთქმელი და არა მწარმოებელი და ქონების შემქნელი. ასეთი მდგომარეობა სამუდამოთ ვერ გასტანდა.

მძიმე მრეწველობა მაშინ არის სასარგებლო, როცა იგი ხელს უწყობს მრეწველობის სხვა დარგების, და სახელდობ. მსუბუქ მრეწველობის განვითარებას და საზოგადოების ყო-

* სულ სხვა არის, თუ რამდენი უწევს მოსახლეობის ერთ თავზე ეს საგანი სხვადასხვა ქვეყანაში.

ველ დღიურ მოთხოვნილებათა დასაკმაყოფილებელ საგნების წარმოებას. უამისოთ იგი მახინჯი ქმნილებაა, ჯუჯა სხეულზე გამობმულ უზომოთ გაბერილ თავით; ასეთი შეუსაბამობა ვნებს და აავათმყოფებს მთელ სხეულს.

და აი სწორეთ ამ გარემოებამ იჩინა თავი საბჭოთა კავშირში. არც მსუბუქი მრეწველობა, ე. ი. საზოგადოების ფართო ნაწილისთვის საჭირო საგნების დამზადება, და არც სოფლის მეურნეობა აღარ შეეფერება იქაურს, მძიმე მრეწველობის სახით, არა ნორმალურათ «გაბერილ თავს» მთელი სახალხო მეურნეობისას. მძიმე მრეწველობა «გაჩაღდა», მაგრამ აუცილებელ საჭიროების საქონელი ვეღარ აკმაყოფილებს საზოგადოების მოთხოვნილებას, იგი ძალიან დაბალი ხარისხის არის და საშინელ ძვირათ ფასობს. დამახასიათებელი ის არის, რომ ფასებს მძიმე მრეწველობაში, ე. ი. მრეწველობის იმ დარგში, რომელიც მოსახლეობის მოთხოვნილებას პირდაპირ არ ემსახურება, უფრო ნაკლები ზრდა ეტყობა, ვინემ ფასებს პირველ მოთხოვნილებების საგნებისას.

ძიულებული ვარ აქ მკითხველისთვის არა-საყვარელ ციფრებს მივმართო, რადგან ისინი ძალიან დამახასიათებელი არიან.

ასე, ფასების ზრდა საკვებ საგნების გაცილებით უფრო დიდია, ვინემ მსხვილ მრეწველობის ნაწარმოების სახელდობ, საფუძვლათ რომ 1927 წლის ფასები ავიღოთ და იგი გამოვხატოთ 100 პროცენტით, 1950 წლის 1 მარტს ფასები უდრიდა *):

მრეწველობაში:	კვების საგნები
	(ფასების დაკლების შემდეგ):
ქვანახშირის . . . 1.038,0	პურის . . . 2.500,0
მაწუთის . . . 738,0	პურის ფქვილის . 3.150,0
ბენზინის . . . 339,1	შაქრის . . . 1.841,0
ფოლადის (სააღმშენებლო) . . . 593,6	ხორცის . . . 2.323,9
სპილენძის . . . 529,4	რძის . . . 1.173,9
ცემენტის . . . 656,2	საშემლი ზეთის . 5.172,4
	კვერცხის . . . 2.011,8
და სხვ.	და სხვ.

გაჰქრა ის მდგომარეობა, როცა რუსეთი პურს აწოდებდა ევროპას და აწოდებდა იაფ ფასათ; ახლა პურით და საზოგადოთ ხორბლეულობით იგი საკუთარ მოსახლეობის მოთხოვნილებასაც ვეღარ აკმაყოფილებს. ამ გარემოებამ ცუდი გავლენა იქონია საერთოდ სოფლის მეურნეობაზე და განსაკუთრებით ცუდი მესაქონლეობაზე, რომელიც სოფლის მეურნეობის ძლიერ თვალსაჩინო დარგს წარმოადგენდა.

*) ვსარგებლობ ცნობებით: P. Brière «Salaires et niveau de vie en U.R.S.S.», Paris. გვ. 98—99.

მაშინ, როცა მოსახლეობის რაოდენობა საბჭოთა კავშირში ძალიან გაიზარდა, ბ. ხრუშჩევის მიერ მოყვანილ ცნობების მიხედვით, მსხვილფეხა რქიან პირუტყვის რაოდენობა ამ 37 წლის განმავლობაში (1916 წლის შემდეგ) 58,4 მილიონ სულიდან ჩამოსულა 56,6 მილიონ სულამდის; მათ შორის ძროხის რაოდენობა 28,8 მილიონიდან 24,3 მილიონამდის; ცხენის—38,2 მილიონიდან 15 მილიონამდის (იხ. გაზეთი «კომუნისტი» №№ 217 და 218. 13—15 სექტემ. 1953 წ.). პირუტყვს საკვები არ ყოფნის, ხან საკვების უქონლობის და ხან საკვების სიძვირის გამო... საერთოთ სოფლათ დარჩენილ მოსახლეობის შრომა იმ ტექნიკასთან ერთად, რომელიც—მიუხედავათ ბოლშევიკების ტრაბახისა—დაბალ საფეხურზე იმყოფება, არ ყოფნის მთელი მოსახლეობის მოთხოვნილებათა დაკმაყოფილებას. ადამიანი მაინც დიდი გაჭირვების ამტანი ყოფილა; მესაქონლეობას უფრო დატყობია ეს გასაჭირი, ვინემ ადამიანის რიცხვობრივ გამრავლებას...

უცხოეთის გამოცემებში ხშირად შეხვდებით ცნობებს ფასებისა და ჯამაგირების შესადარებლათ საბჭოთა კავშირში და დასავლეთ ევროპის ქვეყნებში. ვისარგებლოთ ამ შემთხვევაში ინგლისელ ეკონომისტის Edw. Grankshov-ს ცნობებით. ის ადარებს ფასებს ინგლისში (ძვირი ქვეყანა) და საბჭოთა კავშირში და ორივე ქვეყნის ფასები შრომის რაოდენობაზედ გადაყავს (1951 წლის) და ისე ადარებს ერთი მეორეს; სახელდობ, რამდენი უნდა იმუშაოს კაცმა ქვემოთ—დასახელებულ საგნების შესაძენათ:

საბჭოთა კავშირში:		ინგლისში:
ერთი გირვანქა კარაქის 6 საათი 36 მინუტი.		48 მინუტი.
ხორცის 1 „ 48 „		40 „
შაქრის 2 „ 24 „		10 „
რძის (ბოთლი) 0 „ 30 „		10 „
10 ცალი კვერცხის . 4 „ 20 „		1 ს. 20 „

(იხ. Breière-ის წიგნი, გვ. 97).

დიახ, საბჭოთა კავშირის მოსახლეობა დიდ გასაჭირს იტანს და იგი დიდათ მომთმენია; მაგრამ ყველაფერს აქვს სახლვარი, დამორჩილებულ ხალხის მოთმინებასაც. როგორც ახლა ირკვევა, გასული წლის განმავლობაში მუშათა საპროტესტო გამოსვლებს ადგილი ჰქონია არა მხოლოდ აღმოსავლეთ გერმანიაში (იენისში), ჩეხოსლოვაკიაში და სხვა «სატელიტებში», არამედ ბევრ ადგილას თვით საბჭოთა კავშირში. იმ პოლიტიკურ შენძრევასთან ერთად, საბჭოთა კავშირის ოლიმპზე 1953 წელს ადგილი რომ ჰქონდა, იქ შექმნილმა ეკონომიურ მდგომარეობამ ძალიან დააფიქრა საბჭოთა კავშირის მეთაურობა. და აი ეს მეთაურობა ალაპარაკდა.

8 აგვისტოს (1953 წ.) მთავრობის თავმჯდომარემ ბ. მალენკოვმა აუწყა ქვეყნიერებას: ჩვენი საჩქარო ამოცანა ის არის, რომ მომავალ ორ-სამ წელიწადში ბლომათ დავამზა-

დღით საკვები საგნები მოსახლეობისთვის და ნედლი მასალა ჩვენი მსუბუქ მრეწველობისთვის.

ბ. ხრუშჩევმა, კომუნისტურ პარტიის მთავარ მდივანმა, ხორცი შეასხა ამ განცხადებას (3 სექტემბერს) და საბჭოთა კავშირის სასოფლო მეურნეობის მეტად შემადარწუნებელი სურათი დახატა, იმ დამატებით, რასაკვირველია, რომ მომავალ 2—3 წლის განმავლობაში სოფლის მეურნეობის ყველა დარგებს გავაძლიერებთ და ქვეყანას საკმარისი საუკმელ-სასმელი ექნებაო. ამავე დროს მან დაუმატა—ესეც, რასაკვირველია, იმედის მოსაცემათ—არც მძიმე მრეწველობაზე ზრუნვას გავანელებთო.

დასასრულ, ბ. მიკოიანმა, სავაჭრო საქმეების სულის ჩამდგმელმა, საბჭოთა კავშირის მცხოვრებთ აუწყა (17 ოქტომბერს): ორი-სამი წლის განმავლობაში საქმეს ისე მოვაწყობთ, რომ ყოველ ქალაქში და ყოველ მაზრაში საჭირო საქონელი იშოვებოდესო.

ბევრი ციფრები მოიყვანეს—მათ ძალიან უყვართ თავისი საკუთარი ციფრები—მაგრამ უციფროთ და უდავიდარაბოთ ყველასთვის გასაგები იყო, რომ საბჭოთა კავშირში მოსახლეობა მუდამ დამშეულია. ჩაუტმელ-დაუზურავია და უბინაო. ამას არ შველის მომავლის «ბრწყინვალე პერსპექტივები», თუნდაც საბჭოთა კანცელარიების ციფრებით «შელამაზებულ» ი. ჩვენზედ ყოველივე ამას არავითარი შთაბეჭდილება მოუხდენია და, ვფიქრობთ, არც საბჭოთა კავშირის მოსახლეობაზე, რადგან ასეთი «თვითკრიტიკა» და დიდი დაპირებები ხშირად გვსმენია იქიდან და ყოველთვის უნაყოფოთ სად არის იმის გარანტია, რომ სულ მალე სხვა ვინმე არ გამოვა საბჭოთა ტრიბუნაზე და ყოველივეს ახლა ნათქვამს და დაპირებულს არ გააკრიტიკებს და არ გააქარწყლებს. ამისთვის, სულ უბრალო თავის შექცევას წარმოადგენს ის ხმაურობა, რომელიც უცხოეთის პრესის ერთმა ნაწილმა, ზემოთ აღნიშნულ საბჭოთა კავშირის მეთაურთა გამოსვლების გამო ასტეხა: «ხედავთ, საბჭოთა კავშირი თავის ეკონომიურ პოლიტიკის შეცვლას პირდება ხალხს, გმობს «კოლხოზებს» მან მთელი თავისი ეკონომიური პოლიტიკის უფარვისობა აღიარა!»-ო. ზოგი ვგრეთ წოდებულ «ნეპ»-ის აღდგენასაც მოელლოდა.

სინამდვილეში, რასაკვირველია, არაფერი ამის მზგავსი არ მომხდარა და უცხოეთის პრესის ერთი ნაწილის შარშანდელი ანგარიშები, თუ რამდენი ხორცი, კარაქი, რძე და კვერცხი ექნებათ, ამ ორი-სამი წლის შემდეგ, საბჭოთა საბჭოთა მოსახლეობას, წმინდა ფანტაზიის ნაყოფია. საბჭოთა დიდმა ვაჟ-ბატონებმა გააკრიტიკეს ის, რაც ყველასთვის ადვილი დასანახია, თუ ამის დანახვას ვინმე მოისურვებს; ხოლო ოდნავათ არ შეხებიან თვით სისტემას, ახლანდელ მდგომარეობის წარმომშობ თვით ძირითად მიზეზებს. საბჭოებს არ შეუ-

ალიათ თავისი ეკონომიური პოლიტიკის შეცვლა ისე, რომ მთელი მათი პოლიტიკური სისტემა, დამყარებული ძალმომრეობაზე და ტოტალიტარულ მართველობაზე, არ შეირყეს და სასიკვდილოთ არ დაზიანდეს. ეს ძალიან კარგად ესმის საბჭოთა კავშირის ხელმძღვანელებს. ამიტომ ისინი არაერთარ დაპირებას თვით ეკონომიურ სტრუქტურის შეცვლის შესახებ არ იძლევიან, და არც შეეძლოთ ამის მოცემა, რადგან ეს მათი საქმიანობის ძირიანათ უარყოფა იქნებოდა, მათივე მხრით.

საბჭოთა კავშირის კომუნისტურ პარტიის ცენტრალურ კომიტეტის პლენუმის დადგენილებაში, ხრუშჩევის მიერ გაკეთებულ გამანადგურებელ მოხსენების გამო, ხაზგასმით არის ნათქვამი, რომ საბჭოთა კავშირის სოფლის მეურნეობა «უღაფოთ დაამტკიცა თავისი გადაწვევით უპირატესობა წვრილი სასაქონლო გლეხის მეურნეობის წინაშე, აგრედვე მსხვილი კაპიტალისტური სასოფლო სამეურნეო წარმოების წინაშე... კოლმეურნეობამ და საბჭოთა მეურნეობებმა უზრუნველყვეს სოფლის მეურნეობის პროდუქციანობის მნიშვნელოვანი ზრდა და მისი დიდი საქონლიანობა... მსხვილ სოციალისტურ სოფლის მეურნეობის უდიდესი შესაძლებლობანი ჯერ კიდევ ცუდათ არის გამოყენებული» და სხვ. (იხ. გაზ. «კომუნისტი» № № 217 და 218, 13-15 სექტ. 1953 წ.).

მართალია. «ცენტრალური კომიტეტი»-ს ასეთი დასკვნა სრულებით არ ეთანხმება სახალხო მეურნეობის იმ დგომარეობას, სამმა უმთავრეს თანამდებობის პირმა ამ «კომიტეტს» (პლენუმს) ამ რამდენიმე თვის წინათ რომ დაუხატეს; მაგრამ ასეთია ის წინააღმდეგობანი, რომლით საეყ არის საბჭოთა კავშირის სინამდვილე და მათ ჩვენ შევეჩვიეთ. ვერც «კოლხოზებზე» და «სოციალისტურ» მეურნეობაზე და ვერც მძიმე მრეწველობის და სამხედრო საგნების წარმოების უპირატესობაზე თავის სახალხო მეურნეობაში საბჭოები უარს ვერ იტყვიან.

უარს ვერ იტყვიან იმიტომ, რომ ეს იქნებოდა მათის მხრით ხელის აღება ადამიანის შრომის უსაზღვრო ექსპლუატაციაზე; ამ ექსპლუატაციაზე კი არის დაფუძნებული მთელი მათი ჯერ ეკონომიური სისტემა და შემდეგ პოლიტიკური საქმიანობა. საბჭოთა პოლიტიკა და მათი აწ არსებული ეკონომიური სტრუქტურა იძლევა საშვალებას საბჭოთა იმპერიალიზმის უსაზღვრო მოთხოვნილებათა დასაკმაყოფილებლათ. აბა, როგორ შეუძლიათ მათ ამ პოლიტიკაზე და ამ ეკონომიურ პოლიტიკაზე ხელი აიღონ?

მოხდა მხოლოდ ის, რომ ეკონომიურმა მდგომარეობამ ერთხელ კიდევ თავში ჩაკრა საბჭოთა კავშირის მმართველებს და იძულებული გახდა ისინი უკანაც მოიხედონ. ხალხისკენ. და ზარბაზნების და ტანკების მაგიერ მათ პურზე და

ხორცზე, ტანსაცმელზე და ფეხსაცმელზე ელაპარაკონ... და პირება მისცენ!

არსებითად კი საბჭოთა კავშირის მოსახლეობის მდგომარეობა ვერ გაუმჯობესდება, სანამ იქ არსებულ სახალხო მეურნეობის სტრუქტურა ძირიანათ არ შეიცვლება; ეკონომიურ სტრუქტურის შეცვლა საბჭოთა ქვეყნებში კი მათი პოლიტიკის შეცვლას მოასწავებს და უპირველეს ყოვლისა, მათ განიარაღებას და იმპერიალისტურ განზრახვებზე ხელის აღებას. ეს კი არ შედის მოსკოვის ხელისუფლების პროგრამაში.

ამიტომ ის, რაც ამ რამდენიმე თვის წინად ვისმინეთ საბჭოთა მეთაურებისაგან და შემდეგაც დრო-და-დრო გვემისი, და რამაც ნერწყვი მოგვარა ევროპის საქმის კაცებს—«დადგა დრო, როცა საბჭოთა კავშირთან დიდ სავაჭრო და სააღებ-მიცემო საქმეებს მოვაწყობთ»-ო—სიტყვები იყო, ცარიელი სიტყვები, რომლის განხორციელებას არსაიდან და არაფერში ვხედავთ. არაფერი შეცვლილა არსებითად არც პოლიტიკაში და არც ეკონომიკაში. ყოველივე «ასე იყო და ასე იქნება» საბჭოთა კავშირში მანამდის, სანამ იქაურ ხელისუფლებას ხალხზე ბატონობის ძალა შერჩება.

ილიუზიებს არ მიეცემა ის, ვინც ბოლშევიზმის ბუნებას იცნობს და ბოლშევიკების საქმიანობას უკვირდებოდა ამ 35 წლის განმავლობაში: თავის თავს ბოლშევიკები ვერ უღალატებენ.

ბ. ბ.

26 მაისი და საქართველოს მშუპ ხალხი.

ორი ათას წელზე მეტია, რაც ქართველი ხალხი დაბინავებულია დღევანდელ ჩვენს ქვეყანაში. როგორც ჩვენი ისტორიის მატრიანენი მოგვითხრობენ, ამ ხნის განმავლობაში ქართველი ერი უფრო მეტს ხანს ყოფილა უცხოთა ბატონობის ქვეშ, ვიდრე თავის პატრონი და თავისუფალი. შედარებით იმ მოკლე დროშიაც, როცა იგი თავის სახელმწიფოებრივ ცხოვრებას დამოუკიდებლათ განაგებდა, უმრავლეს შემთხვევაში ქვეყანა ყოფილა მრავალ სამეფოებათ და სამთავროებათ დაყოფილი, რომელნიც ხან ყველა ერთად არიან თავისუფალნი ხან ერთი რომ თავისუფალია, მეორე და მესამე სხვის ქვეშევრდომობაში და მორჩილებაშია.

მხოლოდ ჩვენი ისტორიის მოკლე პერიოდში მოსჩანს, როდესაც საქართველოს მთელ ტერიტორიას და მთელ ერს ფარავს ერთი მთლიანი ქართული სახელმწიფო, რასაც ასე სრულად გამოხატავს 26 მაისის დაარსებული საქართველოს რესპუბლიკა, იმ განსხვავებით, რომ წინეთ ჩვენს მეფეებს დასუირებით ხმალი, რომ ქართველ მებატონეთა ცალ-ცალკე

არსებული სამფლობელონი დაემორჩილებინათ ერთი სამეფო ტახტისთვის; რესპუბლიკა კი წარმოიშვა თავიდანვე მთლიანი ტერიტორიით და მთლიანი საქართველოს ერთი.

საქართველოს დამოუკიდებელ რესპუბლიკამ დიდხანს არ იარსება; იგი დაანგრია და მოსკო უცხო გარეშე ძალამ, მაგრამ მისი ისტორიული მნიშვნელობა იმდენათ დიდი და მრავალფეროვანია, რომ ეს ამბავი გრძელი დროის მანძილზე დარჩება, როგორც ქართველი ხალხის, ისე უცხო ერთა მხსიერებაში, რომლის შესწავლა და დაფასება არა ერთი და ორი მომავალი ისტორიკოსისათვის გახდება ძვირფასი შრომის საგნათ.

ჩვენი ქვეყანა მრავალჯერ ყოფილა უცხო ძალთაგან წაქცეული და დამონებული, დიდ ჭირში და გაჭირვებაში მყოფს ქართველს ერს მრავალჯერ გადაუგდია დამპყრობელთა მონობის უღელი, მაგრამ ქართველი ხალხის განვილი საუკუნეთა ცხოვრებაში 26 მაისი არის სრულიად ახალი მოვლენა, ჯერე უცნობი და გაუგებარი.

მეთვრამეტე საუკუნის დამლევამდე საქართველოს ერის ბატონი იყო ფეოდალური არისტოკრატია; იგი აშენებდა სახელმწიფოს, მართავდა მას, აწყობდა შინაურ და საგარეო საქმეებს. აქ ხალხი, ერი და მისი ხმა ანგარიშში არ იყო; მას არავინ ეკითხებოდა, მასთან არავინ ბუობდა. 26 მაისს კი ძველი გაბატონებული წოდების მაგივრათ საქართველოს მედროშეთ და მისი პოლიტიკური ხომალდის ხელმძღვანელათ გამოვიდა ჩვენი საზოგადოების, ეგრეთ წოდებული, დაბალი კლასი. ამ უკანასკნელმა აიღო თავის თავზე ერის მოვლა-პატრონობა, მისი მეთაურობა, მისი წინამძღოლობა, იგი აშენებს სახელმწიფოს, იგი მართავს მას, იგი განაგებს.

აი, ეს ამბავი არის ახალი, არა მარტო ჩვენი ერის ცხოვრებაში, არამედ ახალია ხალხთა მსოფლიო ისტორიაში.

26 მაისამდე სხვა ერის მუშა ხალხიც მოექცა თავის ქვეყნის სათავეში: ახალი ზელანდია, სკანდინავიის ქვეყნები და სხვა, მაგრამ იქ მუშა ხალხი მოვიდა მთავრობაში მშვიდობიან დროს, ჩაიბარა სახელმწიფო და მისი აპარატები დიდი ხნით დამკვიდრებული და საათივით აწყობილი; ჩვენი რესპუბლიკა კი შენდებოდა მსოფლიო ომის პროცესში, რუსეთის იმპერიაში მძვინვარე საშინელი ანარქიის დროს, გარშემორტყმულ ომში და ცეცხლში, და ამ პირობებში სრულიად ცარიელ ადგილზე აშენდა ასჩვიდმეტი წლის წინეთ დანგრეული ქართული ეროვნული სახელმწიფო.

26 მაისს ქართველი მშრომელი ხალხი გამოვიდა ეროვნული საქმის მეთაურათ მეტად რთულ, აწყწილ დიდ საპასუხისმგებლო ისტორიულ მომენტში, მაგრამ ეს როლი მან უმწიკვლოთ და ღირსეულათ შეასრულა და მით ჩვენი ქვეყნის ისტორიაში ერთი საუკეთესო ფურცელი კვლავ ჩაიწერა.

საქართველოს მუშა ხალხს არ ყავდა თავის ერში საზოგადოებრივი კლასი, რომელიც მას შეეცილებოდა და ჩვენს ქვეყანაში შექმნილ ახალ ეკონომიურ და პოლიტიკურ ვითარებაში ერს გასძლიაოდა მის ეროვნულ, სოციალურ, პოლიტიკურ-ეკონომიურ საკითხების მოსაწესრიგებლათ, რაც რომ ახალმა ცხოვრებამ ჩვენ წამოგვიყენა. და ის, რაც ამ მხრივ ჩვენს ქვეყანაში მოხდა, ეს იყო ბუნებრივი, ეს იყო აუცილებელი.

ქართველი მუშა ხალხის მეთაურობა ჩვენი ერის საზოგადოებრივ პოლიტიკურ ცხოვრებაში იწყება რესპუბლიკის დაარსებამდე. 26 მაისი იყო ლოდიკური დასკვნა საქართველოს უკანასკნელი ხანის ისტორიული განვითარების, მუშა ხალხის პოლიტიკურ ასპარეზზე 25 წლის განვლილი ბრძოლების.

1901 წლის 22 აპრილს ქართველმა მუშებმა პირველათ ამცნეს თავისი თავი ქვეყანას, ამცნეს შინაურ და გარეშე საზოგადოებას. ამ დღეს ასი წლის მიყუჩებული და მიძინებული ქართული საზოგადოებრივი ძალები მოულოდნელათ შეარყიეს და გამოაფხიზლეს.

საქართველოს სატახტო ქალაქში, სადაც თავმოყრილი იყო რუსეთის იმპერიის კავკასიის სამართველო დაწესებულებანი, ჯარით და პოლიციით, მეფის შოადგილის სასახლიდან ასი ნაბიჯის მოშორებით ქართველმა მუშებმა ააფრიალეს დროშა რუსეთის სამეფო ტახტის წინააღმდეგ, მის დასანგრევათ და თავისუფლების მოსაპოვებლათ. ამ ისტორიულ ამბავს მთელი საქართველო აღტაცებით და თანაგრძნობით შეხვდა; ვისაც გულში თავისუფლების სიყვარული და წყურვილი ჰქონდა, ყველას მომავლის იმედი გაუტოცხლა და გამბედაობა გაუცხოველა.

ყველასათვის ცხადი შეიქნა, რომ საქართველოს მუშათა მოძრაობა არ თავსდება მარტო თავის კლასობრივ-პროფესიონალურ ჩარჩოებში, რომ 22 აპრილის აქტი იყო აგრეთვე საერთო სახალხო მიზნისთვის აშკარა გაბედული ომის გამოცხადება რუსეთის თვითმპყრობელობის წინააღმდეგ, რაშიაც დაინტერესებული იყვენ არა მარტო მუშები, არამედ ერის ყველა პროგრესიული კლასები. ქვეყნისათვის აშკარა შეიქნა, რომ თუ არ დაიქცა მეფის რეჟიმი და იმპერიაში არ დამყარდა სახალხო თავისუფლება, არ შეიქნა ლეგალური ასპარეზი საზოგადოებრივ ძალთა თვითმოქმედებისათვის, ისე ყოველად შეუძლებელია მოქალაქეთა უბრალო ცდაც კი რომელიმე საზოგადოებრივ სამოღვაწეო სარბიელზე. იმპერიაში პოლიტიკური რეჟიმის მოსპობა და დასავლეთ ევროპის ხალხთა ცხოვრების წესების შემოღება იყო იმ დროს სადღეისო ლოზუნგი.

რომ დასავლეთ ევროპაში ბურჟუაზიამ დაამყარა დემოკრატიული მართველობა და ამ საქმის მეთაურათ კი ჩვენში

გამოვიდა მშრომელი ხალხი,—ეს ამბავი არ ეუცხოვა ჩვენი ქვეყნის ცხოვრებას და მუშა ხალხის დროშის ქვეშ და მის გვერდით დაირაზმა ჩვენი ერის ყველა სასიცოცხლო ძალები—და როცა 1905 წელში ძლიერმა რევოლუციონურმა მოძრაობამ შეარყია ნიკოლოზ მეორის ტახტი და მეფე აიძულა 17 ოქტომბრის მანიფესტით დაპირებოდა ხალხს რეჟიმის შეცვლა და თავისუფლების დამყარება, ამ ამბით გახარებულმა თბილისის მცხოვრებლებმა 18 ოქტომბერს გამართეს გრანდიოზული მანიფესტაცია და მთელი ქალაქი დაიძრა ნაძალადევისაკენ რევოლუციისადმი ერთგულობის და მუშათა მეთაურობისადმი ნდობის გამოსაცხადებლათ.

სწორედ ამ დღეს იქ კრება ჰქონდა მუშათა ხელმძღვანელ ორგანიზაციას. კრების მონაწილენი, გარდა ნოე ჟორდანიასი, ყველანი მუშები იყვნენ. არავინ არა იცოდა რა 17 ოქტომბრის მანიფესტის შესახებ. ეს ამბავი მათ გაიგეს, როცა ქალაქიდან მოსული ზღვა ხალხის მარსელიეზის და მხიარული ყიჟინის ხმა მოისმა გაღებულ კარებიდან.

მუშათა ციტადელში მოსულიყო ყველა: პროლეტარი, ბურჟუა, ვაჟარი, ხელოსანი. ინტელიგენტი, მოხელე. ეს მათი მანიფესტაცია იყო სახე და გამოხატულება მთელი საქართველოს ხალხის, მისი სულისკვეთების. ამით მათ საშუაროზე გამოიტანეს თავისი თანაგრძნობა რევოლუციისადმი. ამ დღიდან ხალხი არ ჩამოშორებია მუშათა დროშას.

1901 წლიდან 1905 წლამდის ეს იყო ხანა საქართველოს მუშათა პოლიტიკური და ორგანიზაციული ზრდის და განვითარების, ხანა მუშათა პრესტიჟის და გავლენის გაფართოების. და ამავე დროს ეს განვლილი გზა იყო მისთვის, გზა უდიდესი პოლიტიკური განცდის და ხიფათისა.

იმ ეპოქით რუსეთიდან შემოიჭრა საქართველოში ჩვენი უცხო და უცნობი იდეური ტალღა საქართველოს მუშათა სულის დასაპყრობათ, მისი საკუთარი ბუდიდან ამოსაგდებათ. ეს იყო ლენინის ახალი მცნება—ბოლშევიზმი.

რა უნდოდა ლენინის იდეებს საქართველოს მუშებში?

ლენინი პირველათ რომ მივიდა რუსის მუშებთან, მან მათ მიუტანა დასავლეთ ევროპის მუშათა მოძრაობის იდეები. მაგრამ როცა იგი დაუახლოვდა რუსის მუშათა მასას და აქტიურათ ჩაება მათ მოძრაობაში, მას ეჭვი შეეპარა მის მოტივებზე მცნებათა სისწორეში. და რამდენათაც ახლო გავცნო რუსეთის მუშათა მასის ჩამორჩენილობას, მის განუვითარებლობას და უკულტურობას, იმდენათ მეტად დარწმუნდა, რომ დასავლეთ ევროპის მუშათა იდეები ყველა ვერ მოულობს თავის გამართლებას რუსეთის სინამდვილეში. უმთავრესად მასში განმტკიცდა აზრი, რომ რუსის მუშა ხალხს არ შეუძლია თავიანთ განთავისუფლების საქმეს თვითონ მოუაროს, თუ მათ არ გაუჩნდათ პატრონათ გულშემამტკივარნი განათლებული პირნი. აი, ეს ახალი იდეა საფუძვლათ დაუდო

მუშათა განთავისუფლების საქმიანობას; ამაზე ააშენა თავისი ახალი თეორია და გადაწყვიტა რუსეთის მუშათა მოძრაობა ჩააყენოს მის თეორიასთან შეფარდებულ ორგანიზაციულ-იდეურ ჩარჩოებში, რომ მუშათა ხელმძღვანელი, მისი საქმის ამწყობ-დამწყობი, მისი ბრძოლის საკითხების გადაწყვეტი და გზის მაჩვენებელი უნდა ყოფილიყო მისთვის თავდადებული პროფესიონალური რევოლუციონერები, მუშა ხალხი კი მათი მოჩილი და მათი კარნახის შემსრულებელი.

რუსეთში ამ გეგმის განხორციელება არ წარმოდგენდა სიძნელეს, რადგან იქ მუშათა ორგანიზაციები უკვე იმ ხასიათის და იმ ნიადაგზე იყო აშენებული, რაზედაც ოცნებობდა ლენინი. საჭირო იყო მხოლოდ ამ ფაქტიური მდგომარეობის დაკანონება.

სულ სხვა ამბავი იყო საქართველოში, სადაც მუშათა ორგანიზაციები წარმოიშვა და განვითარდა თვითმოქმედების და თავის საქმის პატრონობის ნიადაგზე. აქ საჭირო იყო არა ფაქტის დაკანონება, არამედ ამ ფაქტის უკანონოთ გამოცხადება, მისი დაშლა და დანგრევა. ეს საქმე აიღეს თავის თავზე ლენინის მოციქულებმა—მათ ვინც 21 წელში აქტიური სულის ჩამდგმელნი გახდნენ მოსკოვის ჯარების შემოსევის და ჩვენი ქვეყნის თავისუფლების მოსპობის.

პირველი იერიში მათ მიიტანეს თბილისის მუშებზე, დარწმუნებული იმაში, რომ თუ თბილისის დააყენებდნენ თავიანთ გავლენის ქვეშ, ადვილი იქნებოდა მთელ საქართველოში მათი გაბატონება.

ამ მხრივ დრო მათ ხელს უწყობდა, რადგან 1901 წლის 22 აპრილის მუშათა დემონსტრაციის შემდეგ მთავრობამ გადაძლიერა რეპრესიები მუშების წინააღმდეგ. 1902 წელში ექვსი თვის განმავლობაში რიგრიგობით თბილისში მუშათა ოთხი კომიტეტი დაიჭირეს მრავალი მოწინავე მუშა და ცნობილი ინტელიგენტები ზოგი ციმბირში და რუსეთში იყვნენ გადასახლებულნი, ზოგი ციხეებში დამწყვდეულნი. არც ნოე ჟორდანი და არც სილ. ჯიბლაძე იქ არ იყვნენ. ნოე ჯერ განჯაში იყო პოლიციის მხედველობის ქვეშ და მერე სახლგარ-გარეთ გაეპარა უანდარმერიას, ს. ჯიბლაძე გადაასახლეს რუსეთში. ახლად დაარსებულ კავკასიის უმაღლეს პარტიულ ორგანოში—საკავშირო კომიტეტში კი თავი მოიყარეს ლენინის მიმდევრებმა და სწორედ ეს კომიტეტი შეუდგა მუშაობას თბილისის მუშების ლენინის შინა ყმათ გადასაქცევათ. პირველ ხანათ ვერ გაბედეს აშკარათ ქადაგება ლენინის ანტიდემოკრატიული იდეების, ეშინოდათ რომ ეს გამოიწვევდა დიდ წინააღმდეგობას მუშებში, ამიტომ არჩიეს ჩუმად და მალულად გაეტარებინათ ცხოვრებაში ის, რასაც ლენინი აშკარათ ქადაგებდა. ამ მხრივ პირველი მათი ცდა დიდი მარცხით დამთავრდა. მათი განზრახვა რომ თბილისის მუშათა არჩეული კომიტეტი ყოფილიყო სადეკორაციოთ—ფიქტიურ ხელმ-

ძღვანელათ, ნამდვილათ კი მის ზურგთ უკან მალულათ მდგარიყო საკავშირო კომიტეტი, რომელიც მუშათა მოძრაობას მისცემდა მისთვის სასურველ ხასიათს და მიმართულებას— დაეჯახა მუშათა ენერგიულ წინააღმდეგობას, მათ შეგნებულ თვითმოქმედებას და მთელი მათი გეგმა ხუხულასავით დაიშალა. ამან დიდი ფორიაქი და აურ-ზაური გამოიწვია. აზრთა უიდიო ლენინის აგენტებს და თბილისის მუშებს შორის კარგა ხანს ვერ იქნა გარკვეულათ ჩამოყალიბებული. მუშებმა არ იცოდენ თუ რა ედო საფუძვლათ სტალინის და მახარაძის ლტოლვას მუშათა თვითმოქმედების ჩასაკლავათ. მუშები ამას ხსნიდენ შემთხვევით მოვლენათ, პიროვნული ხასიათით, დირიჟორობის ტრფიალობით, ინტელიგენტების პოლიტიკური ბრძოლის ცალმხრივი გადახრით. ამ დავის საფუძველი მაშინ გახდა აშკარა, როცა მუშების ყურამდინ მოახწია პარტიის ყრილობაზე მომხდარ აზრთა სხვადასხვაობამ—ბოლშევიკ-მენშევიკობის ამბავმა. ესლა აღარც ბოლშევიკები დაედირდენ აშკარათ ლაპარაკს და დავას პარტიაში მომხდარ იდეურ განხეთქილების შესახებ.

თბილისის მუშების სიხარულს საზღვარი არა ქონდა, როცა გაიგეს, რომ ნოე ჟორდანიაც დასწრებია საზღვარ-გარეთ პარტიულ კონგრესზე და გაულაშქრია ლენინის წინააღმდეგ. ამით გამხნეებულნი უფრო მედგრათ და მხნეთ დახვდენ ბოლშევიკების შემოტევას. ამ იდეოლოგიურმა ბრძოლამ და დავამ გასტანა 1905 წლამდის, თბილისის მუშებს ფენი ვერ მოაცვლევინეს თავიანთ პოზიციებიდან. კონგრესზე გარჩეული საკითხებიდან უმთავრესათ მუშათა მსჯელობის საგანთ გახდა პარტიულ საქმიანობაში მუშათა და ინტელიგენტთა როლი. გაიძახოდენ: ლენინს სწავლულობის ცენზი შემოაქვს პარტიაშიო. თუ მუშებს არ გვენდობა შინაური ჩვენი პარტიული საქმიანობის პატრონობა და მისი ხელმძღვანელობის და მეთაურობის არჩევა, რა ლოლიკით ვთხოულობთ სახელმწიფოში უფლებას ქვეყნის საქმეების მართველობის ხელმძღვანელთა არჩევნებისას! შთამომავლობის, გვარიშვილობის და ქონების ცენზს, ესლა სწავლულობის ცენზს უმატებენო. ბოლშევიკური კავკასიის ცენტრი—საკავშირო კომიტეტი—დარჩა მუშებიდან გარიყული: მუშათა კომიტეტი განაგრძობდა ძველებურათ მუშაობას, დაფუძნებულს დემოკრატიულ არჩევნების სისტემაზე, თავის თავის ნდობაზე.

დამარცხდა რა ბოლშევიზში იდეურ ბრძოლაში, სტალინმა მიმართა შინაპარტიულ კონსტიტუციურ უფლებას და საკავშირო კომიტეტის სახელით წერილობით მოითხოვა თბილისის მუშათა ურჩი კომიტეტის გადადგომა და მის მაგიერ ზევიდან დანიშნული კომიტეტის ცნობა. ამან მუშები საშინლად ააღელვა, გააბრაზა და ყველანი ფეხზე დააყენა. დაიძახეს: უფლებას გვართმევენო.

მეორე დღესვე მოწვეულ იქნა ყველა რაიონებიდან წარმომადგენლების კრება. სწორედ ამ დროს თბილისში არაღვალატურათ ჩამოსულიყო ნოე ქორდანია და ამ კრებას ისიც დაესწრო.

კრების ამბავს ასე აგვიწერს ბოლშევიკი დ. ს.

«ყრუდ რჩებოდა მსმენელთათვის ბოლშევიკების განმარტება კავშირის კომიტეტის უფლებების, პარტიის ცენტრალური წესების». «ის ბოლშევიკები მუშებიც კი გადაიხარნენ მენშევიკებისაკენ, კრების დაწყებამდის რომ ბოლშევიკებს უჭერდნენ მხარს». «რევოლიუციაც შესაფერისი გამოიტანეს, ე. ი. თბილისის კომიტეტი არ დაიშლება, ქონებაც მას დარჩება და მოქმედებასაც განაგრძობს» («რევოლიუციის მატინე» № 3 (20) 1928 წ.).

ამით საბოლოოთ გამოირკვა და აშკარა გახდა, რომ ბოლშევიზმს არა აქვს არავითარი ნიადაგი საქართველოს მუშებში, რომ იგი უცხო ქვეყნის ხილია, ჩვენებური მუშის ფსიქოლოგიას, მის შეგნებას და მის კულტურას იგი არ ეგუება.

ასევე ყოველგან მთელ საქართველოში ქალაქად და სოფლად მშრომელმა ხალხმა თავიდანვე ზურგი შეაქცია ბოლშევიზმს, გაემიჯნა მას და მაგრათ ჩაებლაუჭა დემოკრატიულ პრინციპებს. საქართველოს მუშა ხალხი სრულიად დაცული გამოდგა ბოლშევიკური სენისაგან.

რა იქნებოდა, რომ ქართველი მუშა აყოლოდა ლენინის მოციქულებს და მათ ლაშქარში გარეუდიყო?

უნდა ვიფიქროთ, რომ ჩვენი ქვეყნის ამბები სულ სხვანაირათ დატრიალდებოდა. 26 მაისის საფუძველი ადრევე გაქრებოდა და ჩვენი ერის ისტორია დაიწერებოდა როგორც ჩუვაშების. და თუ ეს არ მოხდა, ეს უნდა მიეწეროს საქართველოს მშრომელი ხალხის პოლიტიკურ სიმწიფეს, მის სწორ და საღ აზროვნებას, მის შეგნებას. 26 მაისის ისტორია არ იწყება 1918 წლიდან, მისი ფესვები უკანაა შორს ჩამარხული.

დააკისრა რა საქართველოს ისტორიამ მუშა ხალხს ჩვენი ქვეყნის საქმეთა გაძღოლა, ამის სათანადოთ და ერისთვის სასარგებლოთ წარმართვა დამოკიდებული იყო მის შორსმჭვრეტელობაზე, მის ტაქტზე, თავის და ერის მეომბის ღრმა შეგნებაზე. ამ მხრივ ჩვენმა ხალხმა ქვეყანას აჩვენა, რომ ქართველი ერის ორი ათასი წლის კულტურას საქართველოს მშრომელი ხალხის გვერდით არ ჩაუვლია.

გ. ვერაძე.

თანამედროვე სოციალდემოკრატიზმი.

ამ 40 წლის წინეთ ვეროპის სოციალისტური პარტიები მართალია თვალსაჩინო ძალას წარმოადგენდენ და მეტად მნიშვნელოვან ოპოზიციონურ როლს თამაშობდენ, მაგრამ სახელმწიფოთა მართვა-გამგეობაში პირდაპირ მონაწილეობას ისინი არ იღებდენ. პირველი დიდი ომის და მის მომყოლო რევოლიუციების შემდეგ კი მდგომარეობა სავსებით შეიცვალა. დაინგრა მონარქიები რუსეთში და ავსტრო-უნგრეთში. განთავისუფლდენ საუკუნოებით ჩაგრული ერები. თავისუფლება მოიპოვეს პოლონეთმა, ჩეხოსლოვაკიამ და უნგრეთმა. თებერვლის რევოლიუციის შემდეგ რუსეთში იყო ხანა, როცა იქ ყველა ერები თავისუფალი იყვნენ და თვითოეულ ერს თავის საკუთარი სახელმწიფო ჰქონდა. ამ ახლად განთავისუფლებულ ქვეყნებში ყოველგან დემოკრატიული წესწყობილება შემოიღეს, სოციალისტური პარტიები მთავრობებში მრავალრიცხოვანად იყვნენ წარმოდგენილი და იქ დიდ აქტიურ მუშაობას ეწეოდენ. ჩვენ ვიცით, რომ პატარა საქართველოში სოციალდემოკრატიას ქართველი ერის 83 პროცენტი მიყვებოდა და პარლამენტში მას დიდი აბსოლუტური უმრავლესობა ყავდა. იმ დროს ვეროპაში რწმენა და დიდი იმედი იყო, რომ სოციალიზმის განხორციელებას და ერთა თავისუფლების განმტკიცებას საერთოდ მტკიცე საფუძველი ეყრებოდა. მაგრამ სამწუხაროდ ეს მოლოდინი არ გამართლდა.

ბოლშევიკებმა რუსეთში ძალაუფლება ხელთ იგდეს. თავისუფალი ერნი თანდათანობით ძალით დაიპყრეს და პირველი დიდი ომის და რევოლიუციის შემდეგ დაშლილი რუსეთის იმპერია კვლავ აღადგინეს. იქ საშინელი ტერორი და ტირანია გაამეფეს.

რუსეთში ბოლშევიკების გამარჯვებამ დემოკრატიულ სოციალიზმს საერთოდ დიდი ვნება და ზარალი მიაცენა. მთელ ვეროპაში მუშათა მოძრაობა ორგანიზაციულად, პოლიტიკურად და იდეოლოგიურად ორ მტრულ და ერთი მეორის წინააღმდეგ დაპირდაპირებულ ბანაკათ იქნა გაყოფილი. წინად ძლიერი მუშათა პარტიები ასეთი განხეთქილებით ძალზე დასუსტდენ და ვეროპის დემოკრატიამ დიდი მარცხი განიცადა.

ჩვენ ვიცით, რომ მოსკოვმა ვეროპის კომუნისტური პარტიები საბჭოთა რუსეთის საგარეო პოლიტიკის სამსახურში ჩააყენა და უმთავრესად ამ მიმართულებით აამუშავა.

ბოლშევიკების მთავარი მიზანი იყო სოციალიზმის და დემოკრატიის შესუსტება და დამარცხება, მათ ნანგრევებზე კი საბჭოთა ბატონობის დამყარება. ამ მოსაზრებით კომუნის-

სტები ევროპაში სოციალდემოკრატების წინააღმდეგ მემარ-
ჯვენებს უჭერდენ მხარს. იტალიაში და გერმანიაში კომუ-
ნისტურ პარტიებმა შეგნებულად შეუწყვეს ხელი მუსოლი-
ნის და ჰიტლერის გამარჯვებას. დღეს სულ სხვა მდგომარე-
ობა იქნებოდა ევროპაში, რომ კომუნისტები არ შეცდილი-
ყვენ ძირი გამოეთხარათ დემოკრატიისათვის და ზურგში და-
ნა არ ჩაეკათ სოციალდემოკრატიისათვის. კაცობრიობა დი-
დად დაზარალა იმ ფაქტმა, რომ 1939 წელს სტალინმა და
ჰიტლერმა შეკრეს ურთიერთ შორის პაქტი, რასაც შედეგათ
მოყვა მეორე დიდი მსოფლიო ომი და ევროპის მთელ კონ-
ტინენტზე, შვეციის და შვეიცარიის გამოკლებით, ტოტალი-
ტარული რეჟიმის გაბატონება.

თუ მოვიგონებთ, რა პირობებში უნდებოდა არსებობა
სოციალისტურ პარტიებს ამ ათი წლის წინეთ, მაგალითად
1943 წელს, გაგვახსენდება, რომ ეს პარტიები იყვნენ იმ დროს
სასტიკად დევნილი და მათი მომავალი ბნელეთით მოცული.
უბრალო მოქალაქეს, რომელიც კარგად არ იცნობდა სოცია-
ლისტური პარტიების არალეგალურ და საიდუმლო მუშაო-
ბას, შეეძლო დარწმუნებით ეფიქრა, რომ დემოკრატიული
სოციალიზმი ევროპაში სამუდამოდ განადგურებულია. ეს
იყო უდიდესი დეპრესიის ხანა ევროპის სოციალდემოკრა-
ტიის ცხოვრებაში.

მაგრამ სულ მალე სურათი სავსებით იცვლება. გერმანია
დამარცხებულ იქნა და მან უპირობოთ იარაღი დაჰყარა. გან-
თავისუფლების შემდეგ ინგლისის საპარლამენტო არჩევნებ-
ში სასტიკად დამარცხდა კონსერვატიული პარტია და მისი
ლიდერი—ჩერჩილი, რომელმაც უკანასკნელ დიდ ომში მე-
ტად დინამიური როლი ითამაშა. მთავრობაში მოვიდა უმრავ-
ლესობით მუშათა პარტია ატლის, ბეიკინის და მორისონის
ხელმძღვანელობით; საფრანგეთის და იტალიის კოალიციურ
მთავრობებში სოციალისტური პარტიები მეტად მნიშვნე-
ლოვან ძალას წარმოადგენდენ და უმათოდ ქვეყნის მართვა-
გამგეობა შეუძლებელი იყო; სკანდინავიის ქვეყნებს სოციალ-
დემოკრატები განაგებდენ, ძლიერი სოციალისტური პარტი-
ები არსებობდენ ბელგიაში, გოლანდიაში და ავსტრიაში, აგ-
რეთვე ცენტრალური ევროპის და ბალკანეთის ქვეყნებში—
პოლონეთში, ჩეხო-სლოვაკიაში, უნგრეთში, რუმინიაში და
ბულგარეთში. ხელახლად დაიბადა იმედი, რომ დემოკრატი-
ული სოციალიზმი ევროპაში გამარჯვებისაკენ მიდიოდა. მა-
გრამ დიდი ხანი არ გასულა ამის შემდეგ და ამ კარგ იმედებს
და პერსპექტივას კვლავ შავი ღრუბლები გადაეფარა. მოსკო-
ვის დირექტივებით და დახმარებით კომუნისტებმა სოციალ-
დემოკრატებს კიდევ ერთჯერ სასტიკი ომი გამოუცხადეს და
ისინი უდიდეს მათ მტრებათ დასახეს. კომუნისტები თვალ-
მაქცურად უმალავდენ მათ მიმდევრებს, რომ, თუ მათი ბა-
ტონობის ქვეშ ძველი ბურჟუაზიული წესწყობილება იცვლე-

ბოდა, ადგილი ეთმობოდა ახალ ბიუროკრატიულ კლასიურ სისტემას. კომუნისტები ყოველივე ზომას ხმარობენ და ერთდებიან ყოველგვარ კავშირს დემოკრატიულ ქვეყნებთან; ამიტომაც არის, რომ ყოველგან, სადაც მათ ძალაუფლება ხელთ იგდეს, რკინის ფარდები აღმართეს, რათა ხელი შეუშალოს საქონლის და ადამიანის თავისუფალ მოძრაობას და, რაც მთავარია, თავი დაიცვან და მათ სამფლობელოში არ შემოუშვან მათი საწინააღმდეგო აზრები და იდეები.

აღმოსავლეთ ევროპის ქვეყნებში და არა, რასაკვირველია, თვით საბჭოთა რუსეთში კომუნისტები ცდილობდნენ სოციალდემოკრატიებთან მჭიდრო კავშირში ყოფნას და მათთან ორგანიზაციულად გაერთიანებას. ესე იგი სოციალდემოკრატიას თავისი თავი თვით უნდა გაეუქმებია. ისინი თანამშრომლობენ ბურჟუაზიულ პარტიებთან, თუ კი ეს უკანასკნელნი მათ სოციალდემოკრატიის დასანგრევად ხელს შეუწყობენ. ამ მიზნით კომუნისტები ლეგალურად არსებობის საშუალებას აძლევდნენ და თავიანთ მოკავშირეებათ იხილდნენ ჩეხოსლოვაკიაში და უნგრეთში წვრილ მესაკუთრეთა პარტიას, აღმოსავლეთ გერმანიაში კი ქრისტიანულ დემოკრატებს. 1947 წელს ცხრა ევროპიული კომუნისტური პარტია გაერთიანდა კომინფორმად წოდებულ ინტერნაციონალურ ორგანიზაციაში. ამ ფაქტის გამო გამოქვეყნებულ დეკლარაციაში ბურჟუაზიულ პარტიებს სრულიად არ ეხებოდნენ, სოციალდემოკრატებს კი სასტიკად თავს ესხმოდნენ. არც ერთს ბურჟუაზიულ პოლიტიკურ მოღვაწეს აქ ცუდად არ იხსენიებდნენ, მაგრამ შეუზიგებელ მტრებათ სახადად ლონ ბლუმს საფრანგეთში; ატლის, ბევინს და მორისონს ინგლისში; კარლ რენნერს და ადოლფ შერფერს ავსტრიაში; კარლ შუმანერს გერმანიაში; სარაჯას იტალიაში. 1948 წელს კომუნისტების გავლენა თვალსაჩინო გახდა და ამ გავლენამ საგრძობლად ავნო და შეასუსტა სოციალისტური პარტიები საფრანგეთში და იტალიაში.

მოსკოვი და მისი მეხუთე კოლონები ცდილობდნენ სატელიტ ქვეყნების რუსეთის ორბიტაში შეყვანას და მისდამი მათ დამორჩილებას. რუსეთის ძველი იმპერიალისტური პოლიტიკა დღესაც სავსებით ძალაში რჩება,

ინგლისის მუშათა პარტიამ, წინააღმდეგ, მთავრობაში მისი ყოფნის დროს მიიღო ისტორიული მნიშვნელობის გადაწყვეტილება და ბრიტანეთის ბატონობისაგან გაანთავისუფლა უდიდესი ტერიტორიები. ინდოეთს, პაკისტანს და ცეილონს მან მიაკუთვნა ეროვნული დამოუკიდებლობა. თუმცა ეს დამოუკიდებელი სახელმწიფოანი მათივე სურვილით დარჩნენ ბრიტანეთის კავშირში (Commonwealth). ბირმანია გახდა დამოუკიდებელი და რჩება დღემდე ასეთივე, თუმცა ის კავშირის გარეშე იმყოფება. ამავე დროს იმპერიაში მობინადრე სხვადასხვა რასის ხალხებს მიეცათ ადგილობრივი თვით-

მართველობები. თვით ინგლისში კი მუშათა პარტიამ მშვიდობიანი გზით ჩაატარა ფართე ხასიათის სოციალური რეფორმები. დღეს კონსერვატორებიც ვეღარ ბედავენ ამ რეფორმების უკან წაღებას და წარმოების ძველ წესებისაკენ საესებით უკან დაბრუნებას.

საფრანგეთში ლეონ ბლუმის მთავრობაში ყოფნის დროს გატარებულ იქნა მნიშვნელოვანი ხასიათის წარმოებათა ნაციონალიზაცია და ფართე სოციალური კანონმდებლობა. დასავლეთ გერმანიაში ოპოზიციაში მყოფ სოციალდემოკრატიის ცდით და ინიციატივით შემოღებულ იქნა მეტად პროგრესული სოციალური კანონმდებლობა; განსაკუთრებით აღსანიშნავია ადგილობრივი მუნიციპალიტეტების მუშაობა ბინების აღმშენებლობის საკითხში. შვეციაში, დანიაში, ნორვეგიაში და ფინლიანდიაში სოციალდემოკრატიის მუშაობა ისეთი ნაყოფიერია, სოციალური უზრუნველყოფა და საზოგადოებრივი ფორმის და ხასიათის საკუთრება იმდენად წინ არის წაწეული, რომ ძველი კაპიტალისტური წესისაკენ უკან დაბრუნება ყოვლად წარმოუდგენელია. ყველა ამ ქვეყნებში სოციალდემოკრატები გლეხთა კეთილდღეობისათვის იბრძვიან და მათთან მკვიდრ კავშირში არიან.

დემოკრატიული სოციალიზმის ძლიერება ნათლად გამოჩნდა ახლად აღდგენილ სოციალისტურ ინტერნაციონალის კონგრესზე ფრანკფურტში 1951 წელს, სადაც სხვადასხვა სოციალისტური პარტიები შეთანხმდნენ მათი პრინციპების და მიზნების ცხვრებაში გასატარებლად და გვაჩვენეს მათი ფართე ხასიათის აზროვნება. ამ კონგრესზე მიღებულ პრინციპების მთავარი დებულებები შემდეგია:

«სოციალიზმის მიზანია გაანთავისუფლოს საზოგადოება უმცირესობის ბატონობისაგან და მოსპოს ამ უმცირესობის საკუთრება და კონტროლი წარმოების საშუალებებზე. ის ილწვის ეკონომიური ძლიერება ეკუთვნოდეს ხალხს, როგორც მთლიან ერთეულს და შექმნას საზოგადოება, სადაც თავისუფალი ადამიანები მუშაობენ, როგორც თანაბარნი.

«სოციალიზმი განდა მთავარი ძალა მსოფლიოს საქმიანობაში. პროპაგანდის სფეროდან ის გადავიდა პრაქტიკულ მოღვაწეობაში და ზოგ ქვეყნებში სოციალისტურ საზოგადოებას უკვე ჩაუყარა საფუძველი. სოციალისტები მუშაობენ ზავის და მშვიდობიანობის დასამყარებლად, შესაქმნელად ისეთი მდგომარეობისა, სადაც უცნობია ადამიანთა ერთი მეორის მიერ ექსპლოატაცია და დამონავება და სადაც ინდივიდუალური განვითარება არის ბაზა კაცობრიობის ნაყოფიერ განვითარებისა».

ამ დეკლარაციიდან არა სჩანს, თუ ზემოდ აღნიშნული პრინციპები რა ფილოსოფიურ და იდეოლოგიურ საფუძველზე ეყრდნობა. მარქსისტებს და არამარქსისტთა შორის ბრძოლას დღეს ინტერნაციონალში ადგილი აღარ აქვს. წარ-

სულში სასტიკი ფორმით წარმოებული ეს ბრძოლა ისტორიას ჩაბარდა. ამ მხრივ საინტერესოა აღვნიშნოთ, რომ გასული წლის გაზაფხულზე სოციალისტურ ინტერნაციონალმა მოაწყო სპეციალური კონფერენცია, სადაც ირჩეოდა საკითხი სოციალიზმის და რელიგიის შესახებ. მიღებულ იქნა რეზოლიუცია, რომელიც გადაეგზავნა ინტერნაციონალში შემავალ ყველა სოციალისტურ პარტიებს. ეს რეზოლიუცია ასეთია:

«სოციალიზმი სცნობს იმ დიდ როლს, რომელიც უთამაშნია, როგორც რელიგიას, ისე ჰუმანიზმს მსოფლიოს ცივილიზაციების და ეთიკის სისტემების შექმნაში. ის ხაზგასმით აღნიშნავს, რომ ევროპაში ქრისტიანული მოძღვრება არის სოციალისტური აზროვნების გონებრივი და მორალური ერთი წყაროთაგანი. ის ესალმება ქრისტიანთა შორის იმ შეგნების ზრდას, რომ ქრისტიანული მოძღვრება მუდროდაა დაკავშირებული სოციალისტურ საკითხებთან».

დღეს არ არსებობს მეორე მსოფლმხედველობა, რომელიც ისე ნაკლებად იყოს დამოკიდებული ყოველგვარ ტრადიციის და დოქტრინისაგან და რომელიც უფრო მეტად სარგებლობდეს და ხელმძღვანელობდეს მეცნიერული კვლევებით, როგორც ამას დემოკრატიული სოციალიზმი შვრება. დემოკრატია, თავისუფლება და სოციალური სამართლიანობა არის მისი მთავარი სახელმძღვანელო და სამოქმედო ხაზი.

1951 წლის ზაფხულის შემდეგ, როცა სოციალისტური ინტერნაციონალი აღდგენილ იქნა, მრავალ საყურადღებო მოვლენებს ქონდა ადგილი. ინგლისის მუშათა პარტია, მართალია, მმართველი პარტიის როლში აღარ არის და ის დღეს ოპოზიციაში იმყოფება, მაგრამ მან შეინარჩუნა მისი ძლიერება, ახლო მომავალში ის მოელის მმართველ პარტიათ განდომას. საფრანგეთშიაც სოციალისტები ოპოზიციაში არიან. აქ არ არის მოსალოდნელი, რომ ამ ხანად ისინი მთავრობაში მოხვდებიან, მაგრამ, როგორც მთავრობა, ისე პარლამენტი სოციალისტური პარტიის საერთო გავლენას დიდ ანგარიშს უწევენ და მისი ხმა უყურადღებოთ არსად არ რჩება. იტალიის სოციალდემოკრატიული პარტია სარაგას მეთაურობით ქრისტიანულ დემოკრატებთან ერთად კოალიციონურ მთავრობაში შედის და დემოკრატიული რეჟიმის გასამტკიცებლად და ფართე სოციალური რეფორმების ცხოვრებაში გასატარებლად დიდის ენერგიით საქმიანობს. სკანდინავიის ქვეყნებში გრძელდება სოციალდემოკრატების მმართველობა. ავსტრიაში და გოლანდიაში სოციალისტები მონაწილეობას იღებენ მთავრობებში, სადაც მათი გავლენა მეტად თვალსაჩინოა. ორივე ამ ქვეყნის, აგრეთვე დანიის და ნორვეგიის უკანასკნელ საპარლამენტო არჩევნებში სოციალისტების წარმატება ფრიად მნიშვნელოვანია.

არ იქნება სწორი, თუ ვიფიქრებთ, რომ, დამარცხდა რა დროებით სოციალდემოკრატია ცენტრალურ და აღმოსავლეთ ევროპაში, დემოკრატიული სოციალიზმის გავლენა განისაზღვრება მხოლოდ დასავლეთ ევროპის ზოგი ქვეყნებით. სინამდვილეში კი მისი გავლენა უფრო ფართე და დიდია.

თვით სატელიტ ქვეყნებში, სადაც კომუნისტები დიდად ცდილობენ სოციალდემოკრატების განადგურებას, ეს უკანასკნელნი იქ სრულიადაც მომსპარნი არ არიან. ამას მოწმობს ის, რომ ამ ქვეყნებში კომუნისტები მათ მთავარ მტრათ სოციალდემოკრატებს აცხადებენ. უკანასკნელი მოვლენები უნგრეთში, ჩეხოსლოვაკიაში და, განსაკუთრებით, იენისის დღეები აღმოსავლეთ გერმანიაში ნათლად მოწმობენ, რომ სოციალდემოკრატის გავლენა ყოველგან იქ მეტად საგრძნობია და თავისუფლებისადმი მისი თავდადება ყველას ამოძრავებს კომუნისტების ტოტალიტარიზმის წინააღმდეგ.

რასაც კიდევ მეტი მნიშვნელობა აქვს და რაც იძლევა უდიდესი იმედების საფუძველს, არის მასიური სოციალისტური პარტიების ჩამოყალიბება შორეულ აღმოსავლეთის ქვეყნებში: იაპონიაში, ინდოეთში, ბირმანიაში, ინდონეზიაში და მალაიაში. თუ კომუნისტებმა მოსკოვის წაქეზებით და დახმარებით ჩინეთი ხელში ჩაიგდეს ცეცხლის და მახვილის საშუალებით, ამ შორეულ ქვეყნებში კი სოციალისტური პარტიები მომავრდენ და ორგანიზაციულად დაირაზმენ პრეპაგანდის და დემოკრატიული არჩევნების მეოხებით. ეს აზიური სოციალისტური პარტიები დღეს მკვიდრ კავშირში არიან ევროპიულ სოციალისტებთან და მათთან თანამშრომლობენ. მეტად მნიშვნელოვან როლს თამაშობენ აგრეთვე სოციალისტური პარტიები ავსტრალიაში, აფრიკაში და ამერიკაში.

საერთოდ, თანამედროვე სოციალდემოკრატია წარმოადგენს დიდ საერთაშორისო ძალას. ეს სჩანს იმ ფაქტიდან, რომ გასული წლის დამლევს სოციალისტურ ინტერნაციონალში შემავალ პარტიების რიგებში ითვლებოდა 10 მილიონი წევრი და არჩევნებში მათ ხმას აძლევდა 64 მილიონამდე ამრჩეველი—37 მილიონი ევროპაში და 27 მილიონი კი აზიაში.

სოციალდემოკრატია წინეთ არასოდეს ყოფილა ისე ძლიერი, როგორც ის დღეს არის.

ბ. შ.

ნ ა ც ა ლ ი გ ი ი თ!

სტალინის გაქრობამ კრემლის ახალი ტაქტიკა წარმოშვა, რომლის მიზანია შინ უკმაყოფილებების შენელება. ვარეთ ზოგიერთ გულუბრყვილო უცხოელთა თვალის ახვევს; მაგიდაზე მუშუტის დაკვრა ღიმილმა შესცვალა, მუჭარა და უშვევარი სიტყვა რამოდენიმეთ ზრდილობიან ფრაზებმა, უცხოელ დიპლომატებს კილომეტრები მოუმატეს მოსკოვიდან გასასვლელად, უცხოელზე გათხოვილი რამოდენიმე რუსის დედაკაცი უცხოეთში გამოისტუმრეს, ხრუშევის სამეურნეო გეგმის გადმოშლით გლეხებში ილიუზიების შექმნას შეეცადენ; ყველა ამ სათვალმაქცო რეფორმებს ეხლა ილია ერენბურგის გამოსვლა მიემატა, სადაც ის წარსულზე კრიტიკით ამთრახებს მწერლობას და თითქოს ახალ მითითებებს აძლევს. ირკვევა, რომ მკითხველი გაუბრბის საბჭოთა მწერლობის ნაცოფს, სამკითხველოს თაროებზე უამრავი წიგნები მტვერში იფლება, ამავე დროს მოთხოვნილება ძველ კლასიკოსებზე მატულობს, მათ ხარბად ეწაფება საზოგადოება. ტოლსტოის, დოსტოევსკის, პუშკინის, ჩეხოვის თუ სხვების ნაწარმოები ხელისაღს ხელში გადადის; მკითხველი მათში ეძებს მიმდინარე ცხოვრების დუხჭირ და მძიმე პირობების გამხსნელ კვანძებს, შემამსუბუქებელ იმედის ნაპერწკლებს.

რატომ ვერ დაიმსახურა საზოგადოების ნდობა საბჭოთა მწერლობამ? განა 35 წლის მანძილზე არ გამოჩენილა ნიჭით სავსე პიროვნებები, რომელთაც დიდი ოსტატობით და მხატვრული ფორმებით ააფერადეს საბჭოთა მიღწევანი? ნამდვილი მიზეზი საბჭოთა მწერლობის დაძაბუნებისა, რომელზედაც დღეს ერენბურგი სჩივის მდგომარეობს ხელისუფლებისგან შექმნილ პირობებში, რომლის გამო ლიტერატურაში ასახული ტიპები არ წარმოადგენენ საზოგადოებრივ ცხოვრების რეალობას, გადამუშავებული თემა არ ხატავს და არ აწვდის მკითხველს მას, რასაც ეს უკანასკნელი ხედავს, გრძნობს, განიცდის, მაგრამ ვერ გამოუთქვამს. დიქტატურის საღტებით შეკრულ მწერლობას არ ძალუძს მხატვრული გაქანებით ააღვლავს მისი სული, დაიბყროს მისი გონება, ჩაუნერგოს მას მომავლის იმედები, შეუმსუბუქოს ყოველ დღიური ჭიპან-წყვეტა; მას არ ძალუძს იმოქმედოს მკითხველის მისწრაფებაზე, სურვილზე, გამოიწვიოს მასში აღტყინება, რადგან იგი ხედავს, — მწერლის კალამი, როგორ აქებს და ადიდებს იმას, ვინც მას ჩაგრავს, ავიწროებს, ადამიანურ ცხოვრების პირობებს უსპობს და მონობაში აგდებს. მწერალი გადააქციეს სახელმწიფო მოხელეთ, რომელმაც მხატვრულ რილოზე უნდა შექანიკურად გადაიტანოს ხელისუფლების თითველი პოლიტიკური, ეკონომიური და სააღმშენებ-

ლო მიღწევანი, განადიდოს ცალკეული შემთხვევა და ფერადებში ჩამოასხას. იგი სწერს არა მკითხველისათვის, არა საზოგადოებისთვის არამედ იმ უწყებისთვის, რომელმაც დანაკვეთი მისცა.

საბჭოთა მწერლობის თემატიკიდან გამორიცხულია ადამიანის პიროვნება, მისი სულიერი ვითარებისა და მოთხოვნილებების დახატვა. ადამიანში კეთილშობილურ გრძობათა და კაცთაშორის დაახლოვების იდეათა გაღვივება, ადამიანის პიროვნება დაჩრდილულია, მისი ღირსება მიწასთან გასწორებულია. მხატვრული ტიპი რკინის გულისაა, დაუნდობელი, მიუკარებელი, მასში არ არსებობს ნატამალი შებრალების, ადამიანური მოპყრობის, რადგან იგი უნდა იყვეს საბჭოთა სამშობლოს დიდებისთვის თავდადებული და არა საკუთარი მოძმის, უკეთეს საზოგადოებრივ ცხოვრების შექმნისთვის მებრძოლი.

ე. წ. «პროლეტარული მწერლობა»-ს პროზაში წარმოდგენილია სოფლის და ქარხნის ცხოვრება, სადაც ერთი გამოყვანილი ტიპი არ ჩივის საკუთარ ცხოვრების პირობებზე. დიალოგი, აღწერა, ისეა ყველაფერი შეზავებული, რომ მშრომელი გრძობს თავს სამოთხეში, ისინი აღტაცებულნი, თავდადებულნი, გიგანტიურ აღმშენებლობაში ჩაბმულნი, თითქოს საკუთარ კუჭზე, საკუთარ ოჯახურ მდგომარეობაზე აღარ ფიქრობენ.

მკითხველი ხედავს საბჭოთა რომანის ამ სიყალბეს, სიცრუეს და მას ზურგს აქცევს. ერენბურგი ფარისევლური მეტყველებით აკრიტიკებს მწერლობას, აღნიშნავს მის მორალურ დაკნინებას, მას სვამს საბრალდებულო სკამზე, ხოლო მის ბატონსა და პატრონს—ხელისუფლებას განზე სტოვებს. მას არ შეუძლია მებატონის გამათრახება, მაგრამ ურჩევს მწერლობას მიბაძონ კლასიკოსებს, განდევნონ ფლიდობა, გაიძვებონ, ეგოიზმი და სიყალბე. დაიცვან ადამიანის პიროვნება. დახეთ! ეხლა აღმოაჩინა ერენბურგმა, რომ მწერლობის დანიშნულება ადამიანის დაცვა ყოფილა. მაგრამ ვისგან უნდა იქნას იგი დაცული? ცხადია ხელისუფლებისგან, მის მიერ შექმნილ ცხოვრების პირობებისგან. მაშინ ხომ მწერლობა კონფლიქტში შედის ხელისუფლებასთან. და აი ახალი მანეთუ ერენბურგის მიერ ნაჩვენებ გზაზე შედგა რომელიმე მწერალი,—წარსულის მაგალითები წინ გვაქვს—გადახრებისთვის რისხვა და მეხი თავს დაატყდება, სამწერლო ასპარეზიდან გაქრება. იყო დრო, როცა საბჭოთა კრიტიკოსები ურჩევდნენ მწერლობას ძველთა მიმბაძველობას, ხოლო ვინილეთ ამ გზაზე შემდგართა ფიზიკური განადგურება.

კლასიკოსთა რომანი იყო ოჯახური, პიროვნული, ძიება ცხოვრების ახსნისა და გაგების. სწერდნენ მწერლის უწმინდესი მოწოდებით, რეალური ცხოვრების დახატვით. საზოგადოების სიმახინჯის გარეთ გამოტანილ. თვითმპყრობელობის

დროსაც არავის გაუბედავს ტოლსტოისთვის «ანნა-კარენინა» ისე დაეწერა როგორც ეს ხელისუფლებას სურდა, ან კიდევ ილიას—ლუარსაბ თათქარიძე ან ყაზბეგს თავის მებრძოლი გმირები. თუ დღეს სტალინ-ეჟოვის მემკვიდრეობა კოლექტიურ დიქტატურამ ჩაიბარა,—ამით უკვე მწერლობის მიმართ დაწესებული წესები არ გამქრალა. კრემლის დიქტატურა თავის ადგილზე დარჩა. ილია ერენბურგი ძველი ნაცადი გზით მწერლობას ამათრახებს, მანეს აგებს ახალი მსხვერპლის შესაძენათ. კრემლის კედლების დანგრევას შეუძლია მხოლოდ შემოქმედებითი ნიჭს თავისუფალი გასაქანი მისცეს და დაუბრუნოს იგი თავის დანიშნულებას.

რამდენი ერთი მწერალი მოიგონებს თავის გულში ჩვენი მგონის აკაკის სიტყვებს:

«თუ, რომ გული წმინდა გაქვს
თუ, რომ არ გრძობ რაღაც შიშს
მომავალთან, ვინა გთხოვს
ან რჩევას ან ანგარიშს.

რად სწუხდებით რჩევისთვის
ჩვენ ვპოვებთ ჩვენს გზას და კვალს».

ლევხვიძელი.

ინტელიგენციის ღრამა

„სახალხო დემოკრატიაში“.

ჩესლავ მილოსვი კიდევ ახალგაზდა თანამედროვე ცნობილი პოლონელი პოეტია და ითვისება ახალი სკოლის «კატასტროფის პოეტები»-ს მეთაურათ. ის არის ამასთანავე გამოჩენილი კრიტიკოსი და უცხო ავტორთა და კერძოთ შექსპირის მთარგმნელია.

გერმანელების ოკუპაციის დროს ის იბრძოდა ვარშავაში არალეგალურ სოციალისტურ და ინტერნაციონალურ ორგანიზაციებში. პოლონეთის «განთავისუფლების» შემდეგ მან, როგორც მწერლამა დაიჭირა რუსის ოკუპაციისა და სტალინის რეჟიმში პრივილეგიური ადგილი. შემდეგ ის იყო «ატაშე» და კულტურის წარმომადგენელი პოლონეთის საელჩოში ვაშინგტონში; ბოლო ხანებში კი ის დაინიშნა იმავე თანამდებობაზე პარიზში. მიუხედავად მისი მდგომარეობისა, მან გასწყვიტა კავშირი თავის სამშობლოსთან, ირჩია—როგორც ვხლა ამბობენ—თავისუფლება და გახდა ემიგრანტი.

მან ვერ შესძლო—მისი ინტიმური ბუნება ასეთი იყო, როგორც თვითონ ამბობს—ერთი რამ ჩაედინა: სავალდებულოთ გუნდრუკი ეკმია ახალ კერპ სტალინისთვის და ექადა-

ვა სტალინური ვერსიის დიალექტიკა და «სოციალისტური რეალიზმი».

«მე მივატოვე პოლონეთი არა სიხარულით, მარა სხვა გამოსავალი ვერ ვიპოვეო, ამბობს ის: მე პირადად არავეითარი საშიშროება არ მომელოდა, ვიყავი პრივილეგიურ მდგომარეობაში, აფასებდენ ჩემ შრომას; როგორც მწერლების უმრავლესობა, მე არ ვიყავი პარტიის წევრი და არც მთვლიდენ მე სტალინელათ. მე ვიყავი მაშ «კეთილი წარმართი», ე. ი. ადამიანი, რომელიც არ არის რეაქციონერი. ბოლო ხანებში მე დავრწმუნდი, რომ აღარ შემეძლო წერა არაფრის, საპროპაგანდო წერილების გარდა. ამის გამო მე გადაწყვიტე აღარ დავბრუნებულეიყავ სამშობლოში», დაასკვნის ავტორი.

1951 წელს ჩესლავ მილოსზიმ წაიკითხა მოხსენება კულტურისა და თავისუფლების კონგრესის მიერ მოწყობილ შეხვედრაზე აქ. საფრანგეთში*).

პოეტი ემიგრანტი მოგვითხრობს აქ, თუ რას განიცდის ინტელიგენცია პოლონეთში და აგრეთვე სხვა «სახ. დემოკრატიაში», როგორ იმორჩილებს მათ რუსის «კომუნისტური» რეჟიმი.

«სახ. დემოკრატის» მთავარ ქალაქებში—პრავაში, ბუხარესტში, სოფიაში, ბუდაპესტში და ვარშავაში არსებობს ცენტრი, სადაც თავს იყრის სპეციალური წრე და რომელიც შეიცავს მწერალთა სახლს, დიამატის (დიალ. მატერიალიზმის) ინსტიტუტს და საკონცერტო და საექსპოზიციო დარბაზებს, ოფიციალურ გამოცემლობას. აქ ატარებს ცხოვრებას ხალხი წიგნების კითხვაში, პიროვნულ ბრძოლაში, განუწყვეტელ რეზოლიუციების ხელის მოწერაში. ისინი არიან, ასე ვსთქვათ, გამოაკიდული ჰაერში, ღრუბლებში, უბრალო მცხოვრებლების მაღლა...

სტალინელი სისტემა არის ფილოსოფიური დიქტატურა და ეს «ჰაერის ხალხი» ბატონობს ყოველივეზე. ინტელიგენციის შრომის შედეგით იქმნება ბავშვების «მანტალიტე» სკოლებში და აგრეთვე წიგნებისა და გაზეთების მკითხველისაც. მისი ეს შრომა ეყრდნობა მოცემულ კონცეპციაზე, რაც უნდა მიღებულ იქმნას უსიტყვოთ. ინტელექტს აქ უყურებენ არა როგორც შემოქმედების ორგანოს, არამედ როგორც აღმასრულებელ იარაღს. ის უნდა იყოს სარგებლოანი და ნაყოფიერი მთავრობის სასარგებლოთ და მისი ბატონობის გასამაგრებლათ, ვისაც ეს არ შეუძლია იმას ინტელექტათ არ სთვლიან.

1945 წელში თითოეულ არტისტს ან მეცნიერს ედგა დილემა: წასვლის, გაქცევის ან თავის ქვეყანაში მუშაობის. ყველამ იცოდა, თუ რას მოითხოვდა მისგან მოსკოვი. მიუხედა-

*) ეს მოხსენება გამოიცა ბროშიურათ, სათაურით: «La Grande Tentation».

ვით ამისა საერთო აზრი იყო დარჩენა, ვინაიდან გაქცევა სისუსტის ნიშანი იქნებოდა. ყველა ფიქრობდა ესარგებლნა იმ შედარებითი თავისუფლებით, რომელიც პირველ ხანებში არსებობდა და მოეგვარებიათ კულტურული ცხოვრება, შეეძქნათ კარგი მუსიკა, გამოექვეყნებიათ კარგი შინაარსიანი წიგნები და ყოველივე საშუალებით წინააღმდეგობა გაეწიათ რუსის მოთხოვნილებასზე.

მას შემდეგ რაც მოხდა ეს ისეთი რთული რამ არის, რომ თავისუფალ დასავლეთისათვის ძნელი გასაგებია. ამიტომაც არის, აქ ჯონათ, რომ ყოველი მომქმედი მწერალი, არტისტი და მეცნიერი არის რწმენით სტალინელი. ეს, რა თქმა უნდა, ასე არ არის. უცხოეთში გაქცევა მათთვის ნიშნავს სოციალურ ფუნქციებზე ხელის აღებას. რა უნდა ქნან მათ სამშობლოს გარეშე? მეცნიერს კიდევ შეუძლია სადღე უაბოროატო-რიანი იზოვოს სამუშაო, მარა ის ხომ თავის ქვეყნისთვის არ იმუშავებს. ცნობილმა მსახიობმა ჟურნალები უნდა რეცხოს სადმე სასტუმროში, კომპოზიტორმა სულ ახლათ უნდა დაიწყოს თავისი კარიერა. რაც შეეხება მწერალს, მას აღარ ეყოლება საკმაო მკითხველი, რომ შესძლოს ნაშრომის გამოქვეყნება.

მარა ინტელიგენტს რა შეუძლია უცხოეთში სტალინიზმის წინააღმდეგ ან და მის სამშობლოს გასანთავისუფლებლათ? რა განმავლობას მოუპოვებს ის მის სამშობლოს სასარგებლოთ? ამას გარდა ხელისუფლება ყველას და ყველგან ექვის თვალთ უყურებს რკინის ფარდის იქიდან მოსულს და მისთვის ძნელათ გასაგებია, თუ ვისთან აქვს საქმე. და თვით ემიგრანტი კი განიცდის მორალურ დამცირებას. ამიტომ რჩება თითქმის ყველა. ბევრი მათგანი მოდის უცხოეთში, მარა თითქმის ყველა უკან ბრუნდება. ერთ მეგობარს უთქვამს ავტორისთვის: ვბრუნდები ჩემს კანცლაგერშიო, და ყველანი ასე მსჯელობენ, მარა მაინც ბრუნდებიან. «მე პირადად დავრჩი თავის თავთან დიდის ბრძოლის შემდეგ—ამბობს მილოსნი, ვინაიდან წინააღმდეგ შემთხვევაში უნდა დამეწერა ოდა «ხალხთა მამის» სადიდებლათ—ან და პოემა ფელიქს დნერჟინსკის შესახებ. ეს კი მე ვერ შევძელი».

მწერალი და მეცნიერი თუ ქედს მოიხრის რუსის წინაშე და დამორჩილებას გამოუცხადებს მას, გახდება ახალი არისტოკრატიის წევრი. ვინაიდან ეს ინტელიგენცია აუცილებელ საპირობებას წარმოადგენს ბოლშევიზმისთვის. მოსკოვს გადაწყვეტილი აქვს ყოველი ღონე იხმაროს და რაც არ უნდა დაუჯდეს ის მიიმხროს და მოიხმაროს. მას სპირია მათი სახელი, ცოდნა და სხვ.

რა ტაქტიკას ადგია მტერი, რომ მან მიხანს მიაღწიოს და გაიმარჯვოს?

ბოლშევიზმი არ მოქმედობს აქ ამ მხრით ისე ხეპრულათ და მხეცურათ, როგორც ეს მოხდა რუსეთში. აქ ტაქტიკა უფ

რო მოქნილია. ის იწყებს ასე: აძლევს რაც შეიძლება ბევრს და ჯერჯერობით მათგან სამაგიეროს არ მოითხოვს. ისე, როგორც მათ მიწა მისცეს გლეხებს და თავში მათგან არაფერი მოუთხოვიათ, ასევე მწერალს მისცეს შესაძლებლობა ებეჭუდათ მათი წიგნები, მუსიკოსებს დაუთმეს საკონცერტო დარბაზები, მეცნიერებს გაუღეს ლაბორატორიის კარები; საზოგადოებას კი ამდენი ხნის ომის შემდეგ სწყუროდა წიგნები, წარმოდგენები და კონცერტები. დაბეჭდილი მასალების გაყიდვა მატულობდა დღითი დღე. ინტელიგენცია სარგებლობდა შემთხვევით, რომელიც მათ ხელში იყო რამოდენიმე წლების განმავლობაში და აქვეყნებდენ, რაც მათ ეწერათ ომის დროს; მსჯელობდენ ესტეტიკაზე, სოციალურ საკითხებზე, თარგმნიდენ დასავლეთის ავტორებს და ამხიარათ ავსებდენ ომის მიერ შექმნილ დანაკლისს.

ამის შემდეგ მატულობს მოთხოვნილება, მარა ნელა ნელა ისე, რომ არ გამოიწვიოს ფსიქიური წინააღმდეგობა. ასეთი ტაქტიკა ძლიერ მნიშვნელოვანია. არ უნდა შეიქმნას ისეთი მდგომარეობა, როცა პაციენტს შეუძლია იყვიროს: «არა ეს არ შემიძლია»-ო. ქმნიან რა შესაფერ ატმოსფერას პაციენტი მიდის დათმობაზე: «ეს არაფერია—ამბობს ის—რატომ არ უნდა დავსწერო ეს სტატია, თუ ამის გამო შემეძლება ვსწერო ჩემი რომანი, რომელიც სრულებით არ იქნება მტრის «ხაზში». როცა ეს უკანასკნელი ამ შედეგს მიადწევს, შემდეგ ისევ შეუმჩნევლათ უმატებს სხვა მოთხოვნილებებს. მწერალი ამბობს: «ერთხელ უკვე დავსწერე ასეთი წერილი და რა საჭიროა ასეთი საქმისთვის ავსტეხო დავიდარაბა და ისტორია»-ო. ასე და ამ გვართ პაციენტს უმატებენ დოზას შეუმჩნევლათ, ისე, რომ ერთ დღეს მას აყლაპიებენ ვეებერთელა დოზას და ბოლოს ის—ვერც თითონ ატყობს—იწამლება, ეგება დაგებულ მახეში და გადადის... «ორტოდოქსალურ ხაზზე». ზოგმა, როცა შეამჩნია ეს მახე, თავს უშველა და გაიქცა, მარა უმრავლესობამ შესტოპა უნებურათ ბოლშევიზმის მყრალ მორევში!..



ოკუპანტი რაც შეიძლება ერიდება პირდაპირ «დაწოლას» და სარგებლობს მდგომარეობით. თქვენ არ იფიქროთ, რომ «სახალხო დემოკრატიაში» ვინმე აშკარათ უბრძანებს ინტელიგენტს დასწეროს, დახატოს ან და სამეცნიერო დარგში ამა თუ იმ გზას და მეთოდს დაადგეს. წინააღმდეგ, ყოველ წამს უმრავლებენ მათ, რომ არავინ არავინ ძალას არ ატანს, ყოველივე ნების ყოფითია. ამ პრინციპს იშველიებენ ბოლშევიკები არა მარტო ინტელიგენციის მიმართ. არავინ არ უბრძანებს გლეხებს კოლხაზის შედგენას, არა!... მას აღრჩობენ გადასახადებით, სტაცებენ პურს, აწვალებენ ბრიგადების საშუალებით და ქმნიან ისეთ მდგომარეობას, რომ გლეხი, გა

კონტრებული, დაშინებული იძულებულია კოლხოზის კარებს
შიადგეს. ასევე ინტელიგენტი ერთ დროს ამჩნევს და რწმუნ-
დება, რომ მან უნდა დასწეროს პოემა განსაზღვრულ სა-
განზე; ეს პოემა თითქოს იქნება დაწერილი თავის ნებით, სი-
ნამდვილეში კი ავტორი იძულებული ხდება ის დასწეროს.
არა და ყველამ იცის, თუ რა მოვლის ურჩხ.

რა თქმა უნდა გაიძვერათა ასეთ ტაქტიკას მტრისთვის
მოაქვს საუკეთესო შედეგები.

აი, ასე იმორჩილებენ ინტელიგენციას.

მაშ, გამოდის, რომ ნელა ნელა, შეპარებით, ცუდლუ-
ტობით შეიძლება ითქვას, გამოგაცილიან ყველაფერს: ჯერ
გავხდით ტანსაცმელს, ფეხსაცმელს, შემდეგ საცვლებს, გაგა-
ტიტვლებენ. მერე გამოგწუწუნებენ თუ კი რამე იპოვება ტვი-
ში, გრძნობაში, იქ—რითაც ადამიანს ადამიანი ეწოდება.
ხშირათ გაიძახიან (კომუნისტები)—ახალი ტიპის ადამიანი
იქმნებაო და ეს სავსებით მართალია: ის აღარ გავს ადამიანს
თავისუფალს, მოაზროვნეს, მგრძნობიარეს, ერთგულს, მოყვა-
რულს; ჰქრება მცნება სიყვარულის, მამაშვილობის, ძმობის,
მეგობრობის. რაიმე იდეალის—ადამიანი, თუ კიდევ ეს ადა-
მიანია—სავსებით გამოფუტურულია. იქცევა ის ავტომატათ,
«რობოტათ» და ეს ხდება ისე, რომ თვითონაც ვერ ამჩნევენ
ცვლილებას. ხდება მისი დეზენტეგრაცია, დაშლა, როცა ნე-
ბისყოფა დაშულია და კაცი მორალურათ და სულიერათ გა-
პარტახებული. და მართლაც «ახალი ტიპის» არსება იქმნება;
მარა ტიპი მაჩინჯის, რომელიც ჯერ კაცობრიობას არ უნა-
ხავს და არ მოსწრებია, უსულო არსების, უგულოს, აზროვ-
ნებას მოკლებული. და შენში რომ არ გაიღვიძოს რაიმე ცნო-
ბისმოყვარეობამ მოგათავსებენ ჭურში, რომელსაც დღეს
რკინის ფარდას ეძახიან და წარმოდგენაც არ გექნება იმაზე,
თუ რა ხდება სხვაგან. ჩაგინერგვენ თავში სიტყვით, პრესით,
ძალით, ხიშტით, ციხით და გადასახლებით, კატორღით,—
რომ მხოლოდ შენ ცხოვრობ ედემში, გარედ კი მეფობს რა-
ღაც ჯოჯოხეთური არსებობა, რომელსაც კაპიტალიზმი
ძალმომრეობით ქმნის.

ამის შემდეგ—კიდევ მოიპოვება ინტელიგენტები თავი-
სუფალ ქვეყნებში—განსაკუთრებით საფრანგეთსა და იტალი-
აში, რომელნიც ასეთ «დოქტრინას» იზიარებენ, ასეთ სახემ-
წიფოს, ასეთ რეჟიმს ხელს უწყობენ და ილტვიან აქაც დაწეს-
დეს იგივე «სამოთხე».....

რა არის ამის მიზეზი? ეს საკითხი მოითხოვს ცალკე გან-
ხილვას.

ა. ქ.

საკომუნისტო გუჯუხში^{*)}

«თქვენ და ჩვენ, ჩვენ და თქვენ»... იმეორებდა ა. ფ. კერენსკი პირველი შეხვედრიდანვე ჩვენთან ტეგერანზე. ყველაფრიდან სჩანდა რომ ეს დაპირისპირების იდეა სავსებით იპყრობდა მის არსებას. არ იყო საპირო დიდი ინტუიციის ქონა მივმხდარიყავით თუ რა იმალებოდა ამ აკვიატებული (თუ თავზე მოხვეული) იდეის ქვეშ. არა მშვიდობიანი განწყობილებით გვეწვია ის ამერიკიდან; გვეწვია დასანგრევად თავის გამოცდილი ხელით და ეს სავსებით დადასტურა ამბავთა შემდეგმა მსვლელობამ.

მართლაც—ვინ ანგრევდა, ან ვინ აშენებდა? ვინ იღწოდა გულწრფელად რომ რუსი და არარუსი ემიგრაციის თვალსაჩინო ძალების მომზრობა-მონაწილეობით, მკვიდრი საფუძველი ჩაეყარა საერთო მოქმედების შესაძლებლობისათვის? და ვინ იყო რომ ყოველივე ცდას ამ მხრით მუდამ ახალ-ახალ დაბრკოლებებს და სიძნელებებს უქმნიდა? ანდა, ერთხელ დამკვიდრებული ულტიმატუმების მეთოდით—საოცარი სიმტკიცით რომ აყენებდა საკითხებს ახალი, od hoc შექმნილი, საუკვო ღირებულების ჯგუფების მისაღებათ, რითაც ასუსტებდა და ამცირებდა მთელი წამოწყების მორალურ და ღირებულებითი წონას? ვინ სუბიექტიურათ და ობიექტიურად, ზოგჯერ შეგნებულათაც, არ მისცა საშვალება «შექმნილიყო» ცოცხალი და დიდი საქმე? ერთი სიტყვით—ვინ აშენებდა და ვინ ანგრევდა? პასუხი თითქმის თავისთავად იგულისხმება, მაგრამ მიემართოთ მაინც ისტორიას და ფაქტებს ილიუსტრაციისათვის.

ვისბადენი... თათბირი გაიხსნა ბანკეტით. ამერიკული კომიტეტის ევროპის დირექტორის მისალმების შემდეგ, სიტყვა ეძლევა ა. ფ. კერენსკის, რომელმაც მისთვის ჩვეული პათოსით—თუმცა არაშესაფერი რეზონანსით ჩემის აზრით—წარმოსთქვა სპეციფიური სიტყვა «ერთიანი და მთლიანი» იდეის განსავითარებლად, ცოტათი შეფერადებული ფედერალიზმით.

^{*)} ეს წერილი ეკუთვნის ნ. ცინცაძეს, დაბეჭდილი იყო «მაკაცის» ბილიუტენის მესამე ნომერში. ამაზე წინეთ კი ის მიიღო დასაბეჭდათ პარიზის რუსულმა გაზეთმა «რუსკაია მისლ» მა. წერილი აიწყო კიდევ რედაქციის შენიშვნით, მაგრამ გაზეთის შეკვრის დროს ჩამოერია ვილაც «უცხო და შინაური ძალები» და აიძულეს რედაქცია დასაბეჭდათ გამზადებული წერილი მოეხსნა. ჩვენს გაზეთში ეს წერილი იბეჭდება შემოკლებით.

საპასუხო სიტყვაში მე აღვნიშნე თუ როგორ არ შეეფერება მისი სიტყვა თანამედროვე ხანის სულსა და გულს, რომ ნაციონალური თავისუფლების იდეა ერთი მხრით და თანამედროვე საზოგადოებაში ჩაქსოვილი ტენდენცია ერთობისაკენ ლტოლვის მსოფლიო მასშტაბით მეორეს მხრით,—უნდა დასრულდეს სინტეზით: თავისუფალი და სუვერენული ხალხი უნდა გაზდეს საფუძვლათ ხალხთა თავისუფალი ასოციაციისა.

ამ პირველი შეხვედრიდან დარჩა შთაბეჭდილება, რომ კერენსკი შეეცადა გავეხადეთ მონაწილე მისი «პრედრეშენული» კონცეპციისა. მიუხედავად ამისა, ვისბადენი მაინც შეიქნა რუს და არარუს დემოკრატიის მოთანხმების ეტაპათ, თუმცა იქ შეთანხმებით არჩეული ერთაშორისო კომისია გახდა მსხვერპლი ნამდვილი საბოტაჟისა დღევანდელი ჩვენი განმეიქებლებისაგან. ვისბადენი ანაფემას მისცა ერთი მხრით ს.პ.მელგუნოვმა «რუს. დემ.»-ში, ხოლო მეორე მხრით კერენსკიმ «ნოვ. რ. სლოვ.»-ში. ერთიც და მეორეც სხვადასხვა სიტყვებით ფიცავდენ, რომ აღარ გაიმეორებდენ ექსპერიმენტებს ე. წ. «სეპერატისტებთან». ახალი თათბირის მოწვევის შესახებ კერენსკი პირდაპირ აცხადებდა რომ «ამ თათბირს არ დაესწრება არც ერთი რუსი-დელეგატი, რომელიც აფასებს თავის კეთილ სახელს და რუსეთის პატივს»-ო.

ამ სტრეიქონების ავტორს, როგორც ვისბადენის ყოფილ თავმჯდომარეს, ამერიკული კომიტეტის ვიდეტიური და ავტორიტეტული მხარის დაქვრით, წილად ხვდა აელა თავისთავზე მძიმე მოვალეობა ერთჯერ კიდევ დაეჯდინა ერთ მაგიდაზე «დეზერტირები» და «სეპარატისტები».

მიზანი თითქოს მიულწეველი,—მაგრამ ცდა მაინც უნდა გაკეთებულიყო. სოლიდარისტები, რომელთანაც იმ დროს დიდხანს ვაწარმოებდი მოლაპარაკებას—უკანასკნელ წუთებში განზე გადადენ. მელგუნოვი კი პირობათ აყენებდა, რომ შტარნებერგი ყოფილიყო მის მიერვე «შეჩვენებული» ვისბადენის გაგრძელება. მრისხანება გამიზნებული «ბატონისა» სათნობათ შეიცვალა და ამ «მეტაფორმოზამ» კი ძლიერ გავიადვილა მოსამზადებელი მუშაობა ახალი თათბირის მოსაწვევათ. ამ თათბირის (შტარნებერგის) მოწვევის სამზადისში დიდი აქტიური მონაწილეობა მიიღო ბ. ი. ნიკოლაევსკიმ. მას არ დაუხოვავეს ძალა და ენერგია, რომ ჩვენი მუშაობა ნაყოფიერად დამთავრებულიყო.

ჩვენი ურთიერთობის შტარნებერგის «ეტაპზე», თითქოს მტკიცეთ იყო შეგნებული ყველას მიერ, რომ საუიროა მოთანხმება, მაგრამ მაინც ვარჩიეთ შეგვექნა ერთაშორისო კომისია, რომელიც მომხდარ აზრთა გაცვლა-გამოცვლის საფუძველზე, შეიმუშავებდა პროექტს მომავალი თათბირის მოსაწვევათ. ამ ერთაშორისო კომისიის ხანგრძლივ მუშაობაში არა ერთ და ორ კრიზისს ჰქონდა ადგილი, რომლის ავტორე-

ბი მუდამ და ყოველთვის ჩვენი მომავალი «დომინანტები» იყვენ. დაბოლოს ამ კომისიის მუშაობა დასრულდა მიუნხენის ოქტომბრის შეთანხმებით.

მიუდგომელი მიმომხილველი, რომელიც ყურადღებით გაეცნობა ამ ეკლიანი გზის ყველა ეტაპების საბუთებს და მასალებს—ადვილად დარწმუნდება რომ «ქეშმარიტად დანის პირზე გვიხდებოდა სიარული»—როგორც იტყვიან. შეიძლება ითქვას, რომ სწორეთ სასწაულმა აგვაშორა იმ დროს საბედისწერო განხეთქილება.

ამ «საკოორდინაციო აღრევის» გამოცანა სულ ადვილად ახსნა შემდეგ თვით ს. პ. მელგუნოვმა: აღმასრ. ბიუროს ერთ-ერთ სხდომაზე, მისდამი მიმართულ შეკითხვაზე, მან, მისთვის ჩვეული გულახდილობით განაცხადა, რომ ხაკოდინდინაძე იმ ცენტრში მუშაობისათვის საჭიროა «დომინანტია!» ო. აი სწორედ აქ არის დამარხული ძალის თავი—როგორც იტყვიან. მართლდაც, სურვილი და მისწრაფება «დომინანტისა» წითელი ზოლით არის გაწოლილი ე. წ. «მელგუნოვის ტროიკა»-ს მთელ საქმიანობაში.

ამ რიგად, რაკი ნახულია ნამდვილი გასაღები შექმნილი მდგომარეობის ასახსნელად—შეგვეძლო ჩვენი თხრობა და ანალიზი დაგვესრულებია ამით... მაგრამ ზოგ რამეზე მოკლე პასუხი მაინც საჭიროდ მიგვაჩნია. (აქ ავტორი უპასუხებს კურგანოვ-მიხაილოვსკის, რომლებიც ამტკიცებენ თითქოს ძველი «კცაბის» ფორმულა ნაციონალურ საქითხში იყოს «არა პრედრეშენული», ხოლო ახალი ორგანო «მაკცის» სათანადო ფორმულას კი «ნამდვილი პრედრეშენული ხასიათი» ჰქონდეს. სათანადო მუხლების დადარებით ავტორი უდაოთ ამტკიცებს, რომ «კცაბის» სტატუტის ფორმულიროვკას შეაღწეოდ უფრო «პრედრეშენული» ხასიათი აქვს, ვინემ «მაკცისას»).

დაბოლოს,—განაგრძობს ავტორი—თუ ჩვენი მოწინააღმდეგენი მართლა გულწრფელად იცავენ ხალხების უდაო უფლებას თვით განაგონ თავისი ბედი და სხ. უნდა შეუბრუნდენ ამა თუ იმ სახით «დაყოფის» შესაძლებლობასაც. მაგრამ მელგუნოვის და კერენსკის გულწრფელობაში იძულებული ვართ იპვი შევიტანოთ, განსაკუთრებით მას შემდეგ, რაც უკანასკნელი ემუქრებოდა «ნაციონალებს» წითელი ჯარებით, რომელსაც უწოდებდა... «ჩვენს ჯარებს!».. ხომ არ აჩქარდა ის თავის მისწრაფებათა და გულნადებთა გამომქლავნებაში? ანდა, ხომ არ ფიქრობს ის ერთაშორის კვანძის განკვეთას იარაღის საშვალეებით?

საერთოდ კი უნდა ითქვას, რომ მთელი ეს სქოლასტიური ხმაური და ლაყბობა, რომელიც გაჩაღდა «პრედრეშენსტოვს» და «დაყოფის» ირგვლივ, მთელი ეს პოლიტიკური დოგმატიკა, ქვეყანაზე არავისათვის საჭირო არაა დღევანდელ მომენტში, საზიანოა კი ცოცხალი საქმისათვის. ორივე ფორ-

მულა არსებითად ერთი და იგივეა და ერთნაირად გამოდგება განმათავისუფლებელი ბრძოლის აპარატის შესაქმნელად, თუ კი არსებობს პარტნიორების გულწრფელი და კეთილი ნებისყოფა საქმისადმი.

ვისბადენიდან დაწყებული ყველა საერთო თათბირები სასურველად სთვლიდენ ერთხმად, რომ ჩვენს წამოწყებაში მონაწილეობა მიეღოთ უკრაინის იმ დემოკრატიულ ძალებს, რომლებიც თავს იყრიან უნრადას გარშემო და სომხურ პარტიის, დაშნაკუტუნის წრმომადგენლებს. სათანადო მისია—მათთან შეთანხმების მოგვარება—მუდამ მე მეკისრებოდა. აღნიშნულ ორგანიზაციებთან ხანგრძლივ მოლაპარაკების პროცესში ვავიარეთ რამდენიმე ეტაპი. უკანასკნელი იყო კარლსრუე და პარიზი. ყველა ამ შეხვედრების დროს და, საერთოდ, ყოველგვარი ასეთი წინასწარი მოლაპარაკების «მიხვევ-მობხვევაში», რომლის მიზანი იყო ორივე მხარისათვის მისაღებ ფორმულის გამოახვეა—ჩვენ ვხელმძღვანელობდით მხოლოდ ერთადერთი მიზნით: დაგვეთანხმებია უკრაინის, ბელორუსიის, სომხების და სხ. კვალიფიციური წარმომადგენლები მიეღოთ მონაწილეობა საერთო ანტიკომუნისტური ცენტრის მუშაობაში.

რა თქმა უნდა, არც ერთჯერ ამ მოლაპარაკების დროს არ ყოფილა და არც შეიძლება ყოფილიყო ლაპარაკი, შექმნილიყო რაიმე ხასიით ანტირუსული ბლღვი თუ გაერთიანება.

ორიოდე სიტყვა «პარიზის მემორანდუმზე». თუ დაუშვებთ რომ ამ დოკუმენტის ფონსა და ტონს ატყვიო რამდენიმედ არანორმალური ერთაშორისო სულისკვეთება, ეს აიხსნება იმით რომ მასში გამოძახილი კპოვა იმ ბუნებრივმა ფსიქოლოგიურმა განწყობილებამ, რომელიც წარმოიშვა და განვითარდა ერთაშორის დიდი ხნობით სრული განცალკევების ნიადაგზე; მაგრამ როგორც კი შესაძლებელი გახდა ერთმანეთის შეხვედრა საჯარო ფორუმზე და დაკავშირება ცოცხალ საქმესთან—აღნიშნული განწყობილება თანდათან ქრება და მისი დაძლევაც ადვილი ხდება. მაგრამ ბ.ბ. კერენსკების ახლანდელი ტაქტიკა, რომლებიც აქლარუნებენ სხვის თოფიარაღს, ამას ხელს უშლის რასაკვირველია, და, შესაძლებელია, რუსის ხალხის სწორად გაგებულნი ინტერესებისათვის, ის მეტად მავნებელიც შეიქნას, რადგან ის, უეჭველად, აღრმავებს და აძლიერებს არარუსთა მხარეზე ანტირუსულ განწყობილებას.

მელგუნოვ-კერენსკის პრეტენზია—უმეთაურონ ხალხების საერთო განმათავისუფლებელ ბრძოლას, მეტი რომ არა ვსთქვათ, არაფრით არაა დასაბუთებული. ამიტომ, ძალიან მინდა უთხრა მათ: «მეგობრებო! როგორათაც არ უნდა დაუდეთ.—ხალხთა განმათავისუფლებლად თქვენ არას გზით არ ვარგობართ».

და მე დარწმუნებული ვარ, როცა დაჰკრავს საათი გან-

თავისუფლებისა, რუსის ხალხი ადვილად გამოინახავს საერთო
ენას არარუს ხალხებთან. და როცა დაიწყება დრამატული
დღეები იმ «აღრეული დროისა», რომელიც არა ერთჯერ მო-
უგონებია ჩვენთვის ადმირალ სტივენს, მინდა ვირწმუნო, რომ
ისინი ერთმანეთს შესძახებენ: საერო ფრონტით დიქტატუ-
რის წინააღმდეგ! სხვაფრივ იქნება უბედურება, დიდი უბე-
დურება, ჩვენთვისაც და თქვენთვისაც, თქვენი თავისუფლე-
ბისათვისაც და ჩვენი თავისუფლებისათვისაც.

დაბოლოს ავტორი უკუაგდებას მეღვუნოვ-კერენსკის
ბრალდებას ორპირობაში არარუს წარმომადგენელთა მი-
მართ, მოჰყავს მთელი რიგი შემთხვევებისა თვით მეღვუნოვ-
კერენსკის ორპირობისა და დაასკვნის:

ჩვენ მოვდიოდით თქვენთან ნდობით, თქვენ გააქარწყლეთ
ის... ჩვენ მივიღეთ თქვენგან შესაფერი გაცვეთილი. თქვენ აღ-
მოჩნდით არაშორსმხედველი და სულ მოკლენი. «რუბიკონის»
გადალახვას თქვენგან არ გამოუწვევია თქვენში დიდი სინა-
ნული და გულის ტკივილი! თავისუფლების დროშა, რომლის
ტარება თქვენ სცადეთ ვითარცა თავისუფლების მოყვარულ
რუსის ინტელიგენციის მემკვიდრეებმა—თქვენი ხელიდან
გავარდა...

მწუხარებით აღენიშნავთ ამ ფაქტს და განავარძობთ არ-
ჩეულ გზას ხელის-ხელ ჩაკიდებით რუსეთის დემოკრატიის
იმ ნაწილთან, როგორც ძველის, ისე ახალის, რომელთაც ბე-
დმა არგუნა გასდოს რეალური და მკვიდრი ხიდი ერთა შო-
რის მშვიდობიანობისა და მეგობრობისა, რაც უდაო გადამ-
წყვეტი ფაქტორია ჩვენი ხალხების განთავისუფლების გზაზე...

3 რ ე ს ის მ ა ბ ი ე რ ი.

ე. წ. «ცენტრი»-ს გაზეთი «საქარ. დამოუკიდ.» ისევ გა-
მოჩნდა. ცხადია ჯერ კიდევ ცოცხალია. მე კი მისი სულის
მოსახსენებლად პანაშვიდის გადახდას ვეპირებოდი. რათა
შენდობოდა მას ყველა მისი შეცოდებანი, ნებისითი და უნე-
ბლიეთი.

შესანდობარი კი მართლაც ბევრი რამ აქვს. მარტო უკა-
ნასკნელი ნომერი (8) რად ღირს! ოთხივე გვერდი მთლია-
ნად, სხვადასხვა პირთა ხელისმოწერით. მომართულია მხო-
ლოდ და მხოლოდ ქართული პოლიტიკის ხელმძღვანელო-
ბისა და ჩვენი პარტიის წინააღმდეგ. ე. ი. იმათ წინააღმდეგ,
ვინც მთავარი ძარღვია ანტი-კომუნისტური ბრძოლისა. არც
ერთი წერილი კომუნისტების წინააღმდეგ! და ასე, ანტი კო-
მუნისტური ბრძოლა შეცვლილია სავესებით ანტი-მენშევი-
კურ ბრძოლათ!

საკვირველია. რატომ უნდა გამოდიოდეს ასეთი გაზეთი
უცხოეთში!

კამათს ამ გაზეთთან ჩვენ მუდამ გაურბოდით, რადგან მასთან კამათი არც სულს არგებს და არც მკითხველს. მარა ზოგი რამის აღნიშვნა კი მაინც საჭიროთ მიგვაჩნია.

პირველ ყოვლისა ბ. ი. რ. გაბაშვილი. ის როგორც რედაქტორი არკვევს, რასაკვირველია, დიდ საკითხებს. ამ უამბო მისი საგანია კავკასია და გვარწმუნებს, რომ «ქართლო-სიდან დაწყებული, 27 საუკუნის განმავლობაში საქართველოს მეფეები იცავდნენ კავკასიის მთლიანობას. ილია უავკავაძე და ნიკო ნიკოლაძეც ამასვე გრძნობდნენ და ქადაგებდნენ»-ო. იმაზე კი ერთ სიტყვასაც არ ამბობს, რომ რასაც ეს «მეფეები გრძნობდნენ და ქადაგებდნენ»—ახალმა საქართველომ კიდევაც «იგრძნო» და კიდევაც განახორციელა; რომ ჩვენ უკვე გვეონდა კავკასიის ფედერაცია, მისი მთავრობა და მისი საკანონმდებლო ორგანო—სეიმი; ხოლო როცა ის დაიშალა, იმავე ახალმა საქართველომ, პირველ დღესვე აღიარა აუცილებლობა კავკასიის ფედერაციისა და თუ მისი დამყარებლობა არ დასცალდა დაპყრობის გამო—დაათავა აქ, ემიგრაციაში, მანვე ხელისმომწერით, სამივე რესპუბლიკის უაღრესად პასუხისმგებელ პირებმა, დამუშავებული იქნა მისი საფუძვლები, რის შესახებ საჯარო მსჯელობაც იყო.

იცის თუ არა ყოველივე ეს ბ. ი. რ. გაბაშვილმა? რასაკვირველია იცის. და თუ იცის რატომ მუდამ წარსულისკენ იხედება და ეს გუშინდელი ამბავი არ მოიხსენია? იმიტომ რომ ყოველივე ამ ახალის მეთაურნი და ხელმძღვანელებნი იყვნენ სწორედ ისინი ვისაც დღეს ის და მისი ამაღა ასე წაკავშირებული ებრძვიან. მაგრამ ტყუილი ცდაა. ისტორიის წაშლა ყველა ჯურის გაბაშვილების ცდას აღემატება.

შინაური განყოფილება, როგორც სჩანს, აბარია ბ. ლ. ზურაბიშვილს, რომელიც კი არ კამათობს, არამედ პირდაპირ აცხადებს განაჩენს. «ემიგრაციის გაყოფა გამომდინარეობს ზნეობრივ საზომთა და ავტორიტეტის გაუქმებიდან»-ო, გვიხსნის ის (აღბათ მხედველობაში ყავს თავის წრე- გ. უ-). «ჩვენმა ცენტრმა გაუშუქა ქართულ ემიგრაციას «ვისბადენის» მიმართულების საშიშროება და მიაწვდია ამის შესახებ თავის შეხედულებას ხათანაძელ დაწესებულებებს»-ო! (ხაზი ჩვენია). საინტერესოა ვიცოდეთ—რა «დაწესებულებებია» ეს? «შეთანხმებისათვის ჩვენ მოვითხოვეთ მხოლოდ ერთი წინასწარი პირობა, რომ საბჭოს ან წერილობით, ან მოქმედებით დაეგმო «ვისბადენის ხაზი», მათ კი უარი განაცხადეს»-ო და ამიტომ ასკვნის: «აშკარაა ქართული საკითხისათვის უცხოეთში კიდევ ნაადრევია ოცნება ერთ ორგანოში ამ ორი მიმართულების მოთავსება. ამიტომ ნურავინ მოელის რომ ჩვენ რამე «მოსაზრებებს» ვუმსხვერპლებთ ეროვნულ პრიმატს»-ო.

ძალიან «ჩიქორთული» ქართულია, მარა ის მაინც გავიგეთ, რომ ბ. ზურაბიშვილს გაერთიანება და მისთვის მუშა-

ობა მიაჩნია «ოცნებათ» და გვაფრთხილებს კიდევ—«ნურა-
ვინ მოელის ამას». —ო და სხ.

დავიხსოვოთ ეს და გავეცნოთ მესამე თანამშრომელს.
ესაა ვინმე რა ე.

ასეთი უპასუხისმგებლო მოკალმე იშვიათად შეგვხვდ-
რიო. რას სწერს და რას არ იგონებს! მისი გადმოცემით 1912წ.,
კიევში, მომხდარა რაღაც კონფერენცია, სადაც მს. დ. იცაე-
დენ რუსეთის მთლიან ინტერესებს და გაუბოძეს: საინგილო
ადერბეიჯანს, ახალციხე-ახალქალაქი და ბორჩალოს მაზრა—
სომხებს. ჩვენ ვიცავდით მომავალ საქართველოს სახელმწი-
ფოს ტერიტორიას და ბორჩალოს მაზრას—ო.

მთელი ეს ამბავი თავიდან ბოლომდე შეთხზული და გა-
მოგონილია რაეს მიერ, ალბათ, იმ იმედით, რომ სიძველით
გასაღებდაო.

შემდეგო—განაგრძობს ის—«როცა საქართველო განთა-
ვისუფლდა, იგივე (ხაზი მისია) მენშევიკები ერეკებოდენ სო-
მხებს არა მარტო ახალციხე-ახალქალაქიდან, არამედ ბორჩა-
ლო-თბილისიდანაც, რაც ხუთი წლის წინად მორალურად
(ხაზი მისია) კიევში შეთანხმებით დათმობილი ჰქონდათ. აქე-
დან წარმოიშვა სომეხ-ქართველთა ომიც (არ გაგონილი ას
წლობით)»—ო და სხ.

ამითაც არ კმაყოფილდება და უმატებს კიდევ უფრო
უცნაურს. მას მოჰყავს ნამესტნიკის მოხსენებიდან ადგილი
«ხიზანთა საციხის»-ის შესახებ და ასკვნის: «როცა ჩვენ ვიცა-
ვდით საქართველოს ტერიტორიას პოლიტიკურად, მთელი
სოც.-დემოკ. პარტიის მეთაურობამ მხარი დაუჭირა რუსულ
პოლიტიკურ ვერაგულ პროექტს იმავე რეალური მოსახლე-
ობის პრინციპის მიხედვით. ამითაც იყო გამოწვეული შემდეგ
დამოუკიდებლობის დროს ომი ოსებთან»—ო და სხ.

ქვეყანამ იცის, რომ სომხებთან ომში საქართველოს არა-
ვითარი ბრალი არ უდევს და ეს ერთხმად დაადასტურა საქა-
რთველოს დამფუძნებელმა კრებამ (ამათში თვით ნაციონალ-
დემოკრატების დეპუტატებმაც). რომელმაც საგანგებო და-
დგენილებით მთელი პასუხისმგებლობა სომხეთს დააკისრა.
ახლა მაინც სავსებით გამორკვევულად უნდა ჩათვალოს რომ
ეს ომი იყო შედეგი უცხო ელემენტების პროვოკაციისა, გა-
მოწვეული ბნელი ზრახვებით. დღეს სომხებიც კი არ გვაბრა-
ლებენ ასეთ რამეს. და ყოველივე ამის შემდეგ ვიღაც რაე
წარბშეუხრელად აცხადებს—დამნაშავე საქართველო იყოვო.
ამ სახიზლარ ცილისწამებას ბეჟდავს ბ-ნი გაბაშვილი და შე-
ნიშვნასაც კი არ უკეთებს!

ის არც «ოსებთან ომის» ამბავს უკეთებს რაიმე შენიშვნას.
საინტერესოა—რატომ ეძახის რაე ამას ომს? უდაოთ ცნობი-
ლია, რომ ეს იყო არა ომი, არამედ აჯანყება, აჯანყება მოწყო-
ბილი მოსკოვის მიერ საქართველოს წინააღმდეგ. ტროცკიმ
მთელი წიგნი დასწერა იმის დასამტკიცებლად, რომ ოსების

აჯანყება ჩვენ კი არა, საქართველოს მთავრობამ გამოიწვიაო და ვინ იცის რა არ დააბრალა მას. ყოველივე ამის შემდეგ გამომდგარან რაე და გაბაზვილი და საქვეყნოთ ადასტურებენ ტროცკის ცილისწამებას, ესე იგი ამართლებენ მოსკოვს და ბრალს სდებენ თავის ქვეყანას! ტროცკი რომ ცოცხალი იყოს ასეთი მოწმობისათვის დიდათ დააჯილდოვებდა მათ!

მარა, აქ საკითხავია ერთი რამ: ჩვენში ნაციონალ-დემოკრატიული პარტია თავის რიგებში ბევრ საპატიო დამართლაც პატრიოტ წევრს ითვლიდა, და ნუ თუ ამ პარტიის ემიგრანტულ ნაწილში არ აღმოჩნდა რამდენიმე პირი მაინც, რომ თავის სამშობლო ქვეყანაზე ასეთი ცილისწამების წინააღმდეგ ხმა აიმაღლოს და საჯაროთ მისგან გაიმოჯნოს! როცა ჩვენ გვაგინებენ—ეს კიდევ პო, ივარჯიშონ რამდენიც უნდათ, მაგრამ თავის ქვეყნის პატივის და დიდების ასე ავლება და ტალახიანი ფეხით მისი ასე გათელვა—ნუ თუ მათში აღარ იწვევს ელემენტარულ აღშფოთებას მაინც! და თუ არ იწვევს—გვაქვს თუ არა საბუთი, ყოველივე ამის შემდეგ, მათ პატრიოტიზმში ექვი შევიტანოთ?

აქვე ორიოდ სიტყვა პირადათ ჩემზე: რაე სწერს, რომ 1920 წ. ხელშეკრულებით მე გადავეცი ბოლშევიკებს საინგილო. არაფერი ამის მსგავსი, რასაკვირველია. საინგილო შედის ზაქათილის ოლქში და ეს ოლქი კი სავსებით შეტანილია საქართველოს საზღვრებში (იხ. ხელშეკრულება*). შემდეგ: «სამი წლის წინათ რუს. «სოც. ვესტ»-ში დასწერა—საქართველოს არასოდეს დამოუკიდებლობა არ უქებნია»-ო. ესეც, რასაკვირველია, სავსებით მისი გამოგონილია. არაფერი ამის მსგავსი იმ წერილში არ არის. საქართველო ნახსენებიც კი არაა, რადგან წერილი სულ სხვა თემას ეხება—კიდევ რაღაცეებს მომაწერს, მაგრამ ისინიც ისეთივე სიმართლეა, როგორც ზევით აღნიშნული. ამიტომ მისი გაკიდება ზედმეტათ მიმაჩნია. სულერთია—არ გათეთრდება ყორანი, რაც უნდა ხეხო ქვიშითაო—ნათქვამია.

გაზეთის ქვედა სართული, თითქმის სავსებით, უპირავს ბ. ელ. პატარიძის წერილს, მედიდური სათაურით: ამერიკული კომიტეტის საყურადღებოთ. ბ. პატარიძე ყველაფერს უწუნებს ამერიკ. კომიტეტს. აძლევს მრავალ ღრმა აზროვან დარიგებებს და ბოლოს ნიშის მოგებით ათავებს: «ამერიკულ

*) «რუსეთი სცნობს საქართველოს სახელმწიფოში აუცილებლად შემავალათ, გარდა შავიზღვის (ჩერომორსკოი გუბერნიი) იმ ნაწილებისა, რომელიც აღნიშნულია ამ ხელშეკრულების პირველ მუხლში, შემდეგ გუბერნიებს და ოლქებს ყოფილი რუსეთის იმპერიისა: თბილისის, ქუთაისის და ბათუმის ყველა მაზრებით და ოლქებით, რომლებიც შეადგენ აღნიშნულ გუბერნიებს. და აგრეთვე ზაქათალის და სუხუმის ოლქებს». (მუხლი მე-IV).

კომიტეტის წევრებს საკმაო წარმოდგენა რომ ჰქონოდათ სახლვარ-გარეთ არსებულ ემიგრანტულ ძალებზე, მოსძებნიდნენ კომუნისტური რეჟიმისადმი იდეურათ უფრო გარკვეულად მოწინააღმდეგე პოლიტიკურ წრეებს როგორც რუსულ ისევე ეროვნებათა ემიგრანტებში (ე. ი. პატარიძე-კანტიმიორებს არა? გ. უ.), მათ გაიხდიდნენ ამ ბრძოლებში მთავარ დასაყრდნობ ძალად (აი რა აწუხებთ ამ უებრო პატრიოტებს. გ. უ.) და არა იმ მიმართულებათა წრეებს, რომელნიც კომუნისტებთან ერთად, ერთსა და იმავე იდეურ თესლსა და ძირებზე აღზრდილან, ერთად მოქმედება-ბრძოლაში მამწიფებულან, რუსეთში ჩასახულ კომუნისტებისათვის რბილი აკვანი მოუმზადებიათ და მისდამი ძველი ნათესაური გრძნობა ნაწილობრივ დღემდე შერჩენიათ—ო და სხ. და სხ.

კომენტარიები, როგორც იტყვიან, ზედმეტია, რადგან ჩვენი მკითხველი უამისოდაც მიხვდება, რომ ეს სტრიქონები სრულიად არაა დაწერილი საზოგადოებისათვის. «კომუნისტებთან ნათესაობაზე» დაყრდნობით, არა ერთხელ უცდიათ ჩვენს მოწინააღმდეგეებს თავის ბედის მოგვარება—მაგრამ ამაოთ. დარწმუნებული ვართ არც ახლა გაუმართლდებათ...

გწ. ურატაძე.

ევროპის გაერთიანება და მოსკოვი.

უკანასკნელ წერილში,—ევროპის მდგომარეობის შესახებ, ჩვენ ვასკვნიდით, რომ იდეა ევროპის სახელმწიფოთა გაერთიანების აქტუალური ხდება. სურვილი კი ასეთი გაერთიანების ძველთა-ძველია. ის რაც დღეს თვალწინ მიმდინარეობს, არა ერთჯერ წამოჭრილა სხვადასხვა ისტორიულ ხანაში. საგარეო საფრთხე თუ შიდა ეკონომიური და ტერიტორიალური მოწყობის საჭიროება იწვევდა სახელმწიფო მოღვაწეთა, თუ ამა თუ იმ პოლიტიკურ ჯგუფთა ცდებს,—ევროპის ქვეყნების ფედერაციის თუ კონფედერაციის საფუძველზე მოსაწყობათ. მე-15 და მე-16 საუკუნეებში თურქების შემოსევის საფრთხემ,—ძალების გაერთიანების არა ერთი პროექტი წარმოშვა. სანიმუშოთ საქმარისია მოვიხსენიოთ უნგრეთის თურქებისგან დაპყრობის შემდეგ ბოგემიის მეფისგან 21 მუხლისგან შემუშავებული პროექტი, რომელსაც თან ახლავს ფრიად სერიოზული დასაბუთებული მოტივები ქრისტიანულ ევროპის მიერ ერთ მთლიან კავშირის დასაარსებლათ. ბოგემიის მეფის ცდას თან მოსდევს პროექტები დესულის, ვილიამ პენის, მღვდლის სან-პიერის, და მე-19 საუკუნის ინდუსტრიალურ განვითარების საფუძველზე აღმოცენებული, კაპიტალური შრომა სან-სიმონის, რომელმაც ევროპის აზროვნებას უდიდესი იმპულსი მისცა. სან-სიმონისტებმა შეიმუშავეს ევროპის კონფედერაციის მოწყობის პრო-

ექტი და ამის ირგვლივ დიდი პროპაგანდა გასწიეს. მეორე რესპუბლიკის ხანაში ამავე საკითხზე გაიმართა დიდი კამათი მოაზროვნეთა, მწერალთა და პოლიტიკურ მოღვაწეთა შორის. ცნობილია ამ მხრივ საგანგებოთ მოწვეულ კონგრესზე ვიქტორ ჰიუგოს სიტყვები: «ჩვენ შევექნით ევროპის შეერთებულ შტატებს, მსგავსათ ამერიკისა, რომელიც გააბრწყინებს ძველ ქვეყნებს. სურვილი სხვების დაპყრობის, — გადაიქცევა მისწრაფებათ ახალ ახალ აღმოჩენებისა, იდეა ხორცს შეისხამს და შექმნის უდიდეს სამშობლოს, გარეშე საზღვრებისა. მოისპობა კაცთა მკვლელობა და სიძულვილს შეცვლის სიყვარული, ხოლო ბრძოლას ადამიანური მოპყრობა და დამყარდება ერთა შორის ჰარმონიული ურთიერთობა»-ო^{*)}.

სამწუხაროთ. მე-19 საუკუნის მანძილზე წარმოებულ ცდებს პრაქტიკული ნაყოფი არ გამოუღია და არსებული ზღუდეები არ შეურყვია. საჭირო იყო 1914 წლის ომისგან ქვეყნების განადგურება, მძიმე მატერიალური ტკივილების გადატანა, რომ ურთიერთ დაახლოვების საჭიროებაზე ზრუნვა კვლავ განახლებულიყო. ერთა ლიგის ფარგლებში დაარსდა ევროპის ეკონომიური საბჭო. სხვადასხვა რაიონული კავშირები, მაგრამ ამით რაიმე სახელმწიფოებრივ, პოლიტიკურ გაერთიანების საქმეს წარმატება არ უხილავს.

მე-16, მე-17 და მე-18 საუკუნეებში ევროპის გაერთიანების მთავარი დანიშნულება იყო გარეშე საფრთხის თავიდან აცილება და შინაური სადაო საკითხების მშვიდობიანი გზით მოგვარება.

1919 წლიდან ვიდრე 1939 წლამდე, პოლიტიკურ საკითხების გარდა უდიდეს ყურადღებას იპყრობს ეკონომიური ურთიერთობის ნორმალურ დამოკიდებულებაში ჩაყენება. მეორე დიდი ომის შედეგებმა და საერთაშორისო ასპარეზზე გამარჯვებულთა შორის საბჭოთა რუსეთის შემოჭრამ შექმნა სრულიად ახალი პირობები, რაც ევროპის გაერთიანებას წინ ეღობება და უქმნის მას მძიმე და განსაკუთრებულ მდგომარეობას... ეს გარემოება ნათელი გახდება თუ გავიხსენებთ, რომ საბჭოთა რუსეთმა მემკვიდრეობით მიიღო პეტრე დიდიდან დატოვებული ანდერძი შესასრულებლათ, სახელდობრ გასვლა და გამაგრება ხმელთაშუა ზღვაზე, დარდნაღის ხელში ჩაგდებათ. გასვლა და გამაგრება წყნარ ოკეანეზე მიიღო ციმბირის გზით, რომელიც ნიკოლოზ მეორემ მოსინჯა მაგრამ დამარცხდა, გზის გაკაფვა ატლანტიკის ოკეანისკენ ბალტიის და ევროპის გზით. ვერც ერთმა მეფემ ეს ამოცანა ვერ შეასრულა. ამას თან ერთვის ამოცანა სოციალური. — ანდერძი ლენინის, რაც გამოიხატა მის მიერ გათვალისწინებულ, კომუნისტურ რუსეთის და კაპიტალისტურ ქვეყნების დაჯახების აუცილებლობაში. მაშასადამე მოსკოვის საგარეო პო-

^{*)} იხ. Victor Hugo, savie, son œuvres — Fer. Gregh.

ლიტიკა ეწყობა ორ ხაზზე: ნაციონალურ და პოლიტიკურ-სოციალურზე, პეტრე დიდის და ლენინის ანდერძის განსახორციელებლათ. კომუნისში გახდა იარაღი რუსეთის გეგემონიის მოსაპოვებლათ ევროპაში და მით მთელ მსოფლიოში. სამისო გზა და ხიდი მას ფართეთ აქვს გაშლილი ყოველგან, ყველა სახელმწიფოში, რაც არასოდეს არც ერთ სახელმწიფოს რაიმე მსგავსი არ ქონებია. ესაა მისი ერთგულ თანამოაზრეთა ორგანიზაციები ადგილობრივად, რომლებიც უდიდეს სამსახურს უწევენ მას ზემო-აღნიშნულ ამოცანათა შესასრულებლათ. ჯერ-ჯერობით მან განიცადა დამარცხება საბერძნეთში, რითაც ზმელთა შუა ზღვაზე გასაღები მისთვის გადაიკეტა. სამაგიეროთ ის გაბატონდა აღმოსავლეთ ევროპაში და მით მოიპოვა მაგრათ დასაყრდნობი ადგილები. აქედან ცხადია მას არ სურს უკან დაიხიოს, მის სფეროში მოქცეულ ერებს თავისუფლება მიანიჭოს, მათ ექსპლოატაციანზე ხელი აიღოს. მას შიშს გვრის დასავლეთისკენ საკუთარ სამხედრო ძლიერების შესუსტება. საბჭოთა იმპერიის გაძლიერებაში კი უდიდესი საფრთხე დაბადა დანარჩენ კაცობრიობისთვის, რომლის წინაშე ფართეთ გადაიშალა ნიმუშები მოსკოვის აგრესიული პოლიტიკისა: 1946 წელს დაპყრობითი ზრახვები ირანზე, აღმოსავლეთ ევროპის ქვეყნებზე გაბატონება, ჩეხოსლოვაკიის ბედი, მარშალის გეგმის წინააღმდეგ გალაშქრება და მით დასავლეთ ქვეყნების ეკონომიური გაუმჯობესებისთვის ხელის შეშლა, «კომინფორმის» დაარსება, პოტსდამის ხელშეკრულების დარღვევა, ერთი წლის განმავლობაში ბერლინის ჩაკეტა, გუშინდელ მეომარ სახელმწიფოთა შორის საზავო ხელშეკრულების დადების სისტემატიური უარისყოფა, «სატელიტებში» სამხედრო ძალების დაბანაკება, ერთა კავშირში—ვეტოს უფლების გამუდმებით გამოყენება, ერთა შორის შეთანხმების ჩასაშლელათ, 1950 წლიდან, დახმარება კომუნისტურ თავდამსხმელთა მიმართ კორეის რესპუბლიკაზე და სხ.

ბუნებრივი იყო, რომ მოსკოვის შემოტევითი პოლიტიკას და ზემოხსენებულ აგრესიულ ხასიათის ნაბიჯებს მოჰყოლოდა თავისუფალ ქვეყნებისგან თავდაცვითი ზომების მიღება. დაარსდა ატლანტიკის კავშირი ამერიკის აქტიური მონაწილეობით. ეს ორგანიზაცია დღეს წარმოადგენს რეალურ ფაქტორს. თავის მთავარი მხედრული ხელმძღვანელობით, მთავარი საბჭოთაი და სხვა სამხედრო და ტექნიკური სექციებით^{*)}. მოსკოვს არ დაუყოვნებია ალიაქოთი არ აეტეხა და მისი დაარსება აგრესიული მიზნით არ აეხსნა, ხოლო ევროპის გაერთიანების პაქტისთვის, რომლის რატიფიკაცია გვიანდება, გააფრთხილებს ბაძოლა არ გამოეცხადებია.

ცივი ომის უდიდესი გრძელდებოდა, რომ სტალინმა თ-

^{*)} იხ. Organisation du traité de l'atlantique-Nord.

ვის ბოროტი სული საიქიოს ჩააბარა. საბჭოთა შინაური მდგომარეობა მოითხოვდა მომავლებას, კრემლის ახალ ბატონებს არ დაეიწყებიათ ლენინის რჩევა: «პერმანენტულ ბრძოლაში ხდება შესვენება, სხვადასხვა ფორმულების გამოყენება, ორ ქვეყანათა შორის დროებითი თანაარსებობის წესების დასამყარებლათ, ასჯერ უფრო ძნელია ასეთი ბრძოლის წარმოება, ვიდრე ომი ორ სახელმწიფოთა შორის». მოსკოვიც შეუდგა ამ «დროებითი წესების შემუშავებას» და მისი საგარეო პოლიტიკის სრული დემონსტრაცია მოხდა ბერლინის კონფერენციაზე. მოლოტოვმა წარმოადგინა გეგმა ამ ქვეყნად მშვიდობიანობის ჩამოსაგდებათ; მაგრამ მივსა საუბედურათ მისი გეგმის ნამდვილი ზრახვები განცხრილულ იქნა და მისი მიზნები გადაშლილ იქნა მთელ კაცობრიობის წინაშე, საიდანაც გამოჩნდა მოსკოვის სურვილი, ევროპის კოლექტიური თავდაცვის მოსაშლელათ, მოკავშირეთა შორის შუღლის ჩამოსაგდებათ; ევროპიდან ამერიკის განდევნა და ევროპის სახელმწიფოთა ცალ-ცალკე ძლიერ მოწინააღმდეგის პირში მიცემა, მათთვის ჩეხო-სლოვაკიის ბედის მომზადება. გერმანიის იზოლიაციაში მოქცევა, მისი ნეიტრალიზაცია და ევროპიდან მისი ჩამოშორება. მოსკოვის გეგმას უმთავრესად ნიშანში ქონდა ამოღებული ატლანტიკის კავშირი. ამ გეგმას დახვდა თავისუფალ ქვეყნების მაგარი ფრონტი, ურყევი ნებისყოფა და შეკავშირებული გამოსვლა. მოურიდებელ კრიტიკის ცეცხლში გატარდა მოსკოვის გეგმა და იგი კატეგორიულად უარყოფილ იქნა. დემოკრატიული ქვეყნების კავშირი ბერლინის კონფერენციიდან გაძლიერებული გამოვიდა. თუ ამ კონფერენციიდან დამარცხებული წავიდა მოლოტოვი, მისმა პოზიციამ უდიდესი ზიანი მიაყენა გერმანია-ავსტრიის სასიცოცხლო ინტერესებს: «რუსის ჯარისკაცი რჩება იქ სადაც არის»-ო განაცხადა მოლოტოვმა და ამ ქვეყნების საკითხიც დარჩა გადაუჭრელი, ისინი დარჩენ საოკუპაციო პირობებში. დასავლეთ ქვეყნების ცდებმა მოსკოვის აგრესიული მიზნები ამ ქვეყნებზე ვერ მოსტეხეს; ერთხელი კიდევ დამტკიცდა, რომ მოსკოვის მსოფლიოზე გაბატონებისთვის ბრძოლა, რიცხავს თავისუფალ ერთა კავშირის გამაგრებას, მის რიგების განმტკიცებას, ხალხთა ერთი მეორესთან მშვიდობიან დაახლოვებას. სანამ მოსკოვის დიქტატურა იარსებებს მანამდე, არა თუ ევროპის გაერთიანება შესაძლებელი იქნება, შეუძლებელია თვით მთელი კაცობრიობის დაწყნარება.

3. ხარკველაძე.

P. S. ეს წერილი უკვე ასაწყობათ იყო მიცემული, რომ მოსკოვმა ამცნო ქვეყნიერებას ატლანტიკის კავშირში მისი შესვლის შესაძლებლობა.

ეს კავშირი დაარსებულია თავდაცვის მიზნით, ერთა და ადამიანთა უფლების დასაცავათ. მისი დაარსება სწორედ მო-

სკოვის აგრესიულმა ნაბიჯებმა გამოიწვია. ვერ შესძლო რა თავისი გეგმის გატარება ბერლინის კონფერენციაზე, ეხლა ცხვრის ტყავში გახვეული ფიქრობს თავისუფალ ერთა თავდაცვის კავშირში შესვლას. მოსკოვის ამ ნაბიჯმა საერთო განცვიფრება გამოიწვია. მას ყველგან აღმაცერად შეხედეს. დღევანდელ საერთაშორისო პოლიტიკურ ჟიდილში შეუძლებელი არაა, მოსკოვის მოჩვენებითი ფერისცვალება არა ერთჯერ მოხდეს, ამით მისი საგარეო პოლიტიკის შორეული მიზნები არ იცვლება, პირიქით, იგი ემსახურება ამ მიზნების დაახლოვებას.

პ. ს.

ნოე ჟორდანიას გარდაცვალების წლის თავი.

პ ა რ ი ზ ი.

კვირას, 17 იანვარს, ოთხის ნახევარზე, ლასკაზის დიდ დარბაზში, გაიხსნა სამგლოვიარო სხდომა ნოე ჟორდანიას გარდაცვალების წლის თავის აღსანიშნავად.

პრეზიდიუმის მაგიდა იატაკამდის დაფარული იყო ქართული დროშით. მის შუაგულში სამფეროვან ყვავილებში ჩასმული იყო განსვენებულის დიდი სურათი. ქართულმა გუნდმა მშვენივრად იგალობა სახელმწიფო ჰიმნი—დიდება, რის შემდეგ ვრცელი შესავალი სიტყვით მიმართა დამსწრეთ მთავრობის წევრმა ბ-ნმა ევ. გეგუქაორმა *); რომელიც დაათავა ასე. «გაუმარჯოს საქართველოს და დიადი იყოს ხსოვნა მისი დიდი პრეზიდენტის ნოე ჟორდანიასი».

ევ. გეგუქაორის სიტყვის შემდეგ ქ-ნი დრაგაძე როიალზე ასრულებს შოპენის სამგლოვიარო მარშს, რასაც დამსწრე საზოგადოება ფეხზე ადგომით ისმენს.

პირველი სიტყვა მოხსენებისათვის ეკუთვნოდა მთავრობის წევრს ბ. კ. კანდელაკს, რომელიც, სამწუხაროთ, ავადმყოფობის გამო ვეღარ დაესწრო კრებას და მისი ვრცელი მოხსენება: «ნ. ჟორდანიას, როგორც პოლიტიკური მოაზროვნე და სახელმწიფო მოღვაწე»—წაიკითხა შემოკლებით ლ. ფაღვამ, სრულად კი დაბეჭდილია იმავე «მებ. საქ.» მე-18 №-ში. ეს მეტად შინაარსიანი და საინტერესო მოხსენება თავდება ასე: «ქართველი ვრი გაერთიანდა ეროვნულ თავისუფლების ნიადაგზე და დღესაც, გაერთიანებული საერთო უბედურებაში, იგი ერთსულოვანია ეროვნულ თავისუფლების და ეროვნულ დამოუკიდებლობის მოთხოვნაში. იგი იბრძვის და იბრძოლებს სრულ გამარჯვებამდის იმ იმედით, რომელიც თავიდანვე აღიარა ნ. ჟორდანიამ, როგორც კანონი გარდაუვალი: «კაცობრიობა ვერ აცდება ერთა თავისუფლებას»-ო...

*) ყველა სიტყვები ვრცლად არის დაბეჭდილი «მებრძოლი საქართველო»-ს მე-18 ნომერში.

ნაციონალ-დემოკრატიული პარტიის სახელით ღრმა პატივისცემით გამთბარი სიტყვა მიუძღვნა განსვენებულს ბ. შ. კალანდაძემ, რომელმაც დაათავა ასე: «ძაფი, ნერვი არ ყოფილა, მასში არა მებრძოლი, წვეთი სისხლი არ ყოფილა მასში არა ქართველი»-ო.

თეთრი გიორგის მოძრაობის სახელით ილაპარაკა ბ-მა კ. სალიამ, რომელმაც თავის სიტყვა დაათავა ასე: «ერთ დღეს ბათუმის ნავსადგურს მიადგება გემი და გადასვენებს უცხოეთში მწუხრად ნამყოფ ნოე ჟორდანიას ნეშოს საქართველოს მხით გამთბარ მშობლიურ მიწაზე, რომელიც სიყვარულით მიიღებს მას და დაუშვებდრებს საუკუნო განსვენებას».

საქ. სოც.-ფედერალისტების სახელით ილაპარაკა ბ. ნ. ურუშიაძემ, რომელმაც დაათავა ასე: «შარშან ჩვენმა მოხუცმა ბელადმა ჩაიმუხლა და დროშა ჩვენს ეროვნულ მთავრობას გადასცა... დაგვშორდა დალილი, მაგრამ იმედიანი, რადგან იცოდა, რომ ჩვენ ფიცით შეკრულნი, საერთო საქმეს არასოდეს ვუღალატებდით. ჩვენ წინსვლაში დიდი პრეზიდენტის ნათელი სახე კვლავ წინ მიგვიძღვის და გვამხნევებს».

შემდეგ ლევან ფალავა მოუთხრობს კრებას განსვენებულის ცხოვრების უკანასკნელ დღეებს, თუ რაზე ფიქრობდა და რას განიცდიდა, როგორ ემზადებოდა სიკვდილთან შეხვედრას და სხ. ამ მოთხრობამ, როგორც შინაარსით, ისე გადმოცემით ისეთი შთაბეჭდილება მოახდინა დამსწრეებზე, რომ ბევრს თვალები ცრემლით ავესო.

ბ-მ გ. კერესელიძემ გააცნო კრებას თავის მოგონებები პრეზიდენტ ნოე ჟორდანიას შესახებ და დაათავა ასე: «მიუხედავად იმისა, რომ მე დიამეტრალურად საწინააღმდეგო ქართულ პოლიტიკურ დაჯგუფებას ვეკუთვნოდი, მაინც უდიდესი პატივისცემა მქონდა ამ დიდი ადამიანის და დარწმუნებული ვიყავი, რომ ყოველ თავის მოქმედებაში ის მხოლოდ და მხოლოდ ქართველი ხალხის ინტერესებით ხელმძღვანელობდა»-ო.

სსდმ-ა დაასრულა ბ. ევ. გეგეჭკორმა მიმართვით: «ბატონებო, კმარა სიტყვები, ეხლა საქმეს შეუდგეთ»-ო. დამსწრენი ფეხზე წამოდგენ და ისევე გაისმა საერთო გუგუნი ეროვნული ჰიმნისა:

... დიდება სამარადისოთ, ქართველ მხნე ერსა.

სასაფლაოზე.

საერთო პანაშვიდის შემდეგ, 4 საათზე, «ნოეს წრე» მთელი თავის შემადგენლობით, ეწვია ნოეს სასაფლაოს ვანეში და საფლავი ყვავილებით შეამკო. აქ მოვიდნენ ზოგი ახლობელი ამხანაგებიც. სასაფლაოდან დამსწრენი ამხ. ინამ მიიწვია თავის ბინაზე, სადაც სამგლოვიარო ტრაპეზზე, ამხ. პ. სარჯველაძემ, გრ. მოდებაძემ და ტ. წულაძემ წარმოსთქვეს მოკლე მგრძნობიარე სიტყვები.

დამსწრეთა თხოვნით ამხ. გრ. ურატაძემ უამბო მათ რამდენიმე ეპიზოდი ნოეს კერძო ცხოვრებიდან და მასთან პირადი ურთიერთობიდან. ამხ. ინა მოუყვა დამსწრეთ თუ როგორ გაეცნო ის ნოეს და როგორ შეუღლდნენ შემდეგ...

№.

მ ი უ ნ ხ ე ნ ი.

კვირას, 31 იანვარს, «ქართული ეროვნული გაერთიანება»-ს თაოსნობით, შესდგა გერმანიაში მცხოვრებ ქართველთა საერთო კრება, საქართველოს პირველი პრეზიდენტი ნოე ჟორდანიათა გარდაცვალების წლის თავის აღსანიშნავად.

კრებას თავმჯდომარეობდა ბ-ნი დავით ურატაძე, რომელმაც თავის მოკლე, მაგრამ შინაარსიანი შესავალი სიტყვით, მოაგონა დამსწრეთ განსვენებული პრეზიდენტის ამაგი გაწეული 60 წლის განმავლობაში ქართველი ხალხის საკეთილდღეოთ და სთხოვა კრებას ფეხზე ადგომით პატივი ეცათ მისი ხსოვნისათვის.

შემდეგ ის სიტყვას აძლევს ბ-ნი ნიკო იმნაიშვილს, რომელიც ახასიათებს ნოე ჟორდანიათა როგორც ეროვნულ მოღვაწეს და სოციალდემოკრატიული პარტიის მეთაურს, როგორც იდეოლოგს და როგორც პოლიტიკოსს.

ნოე ჟორდანიათა მეთაურობით—ამბობს ის—ქართველმა ერმა მოიპოვა თავისუფლება და დამოუკიდებლობა. ის იყო დამოუკიდებელი საქართველოს მესაქე. დამოუკიდებლობის დაკარგვის შემდეგ ქართველი ხალხი განაგრძობს თავისუფლებისათვის ბრძოლას იმავე ნოე ჟორდანიათა მეთაურობით და მის მიერ ნაჩვენები გზით. ნ. ჟორდანიათა მეთაურობით შეიქნა დიდი სოციალური და პოლიტიკური მოძრაობა—საქარ. სოც.-დემოკ. პარტია. მან გადმოიწერა საქართველოში საღად ვაგებულები მარქსიზმი თავისი დემოკრატიულ-სოციალისტური იდეალით. მან თავიდანვე გადაჭრით უარყო ის ბარბაროსული, ანტი-დემოკრატიული ვაგება, რომელსაც წარმოადგენს ბოლშევიზმი. ორატორი იხსენიებს 1951 წლის განახლებული ინტერნაციონალის კონფერენციის დეკლარაციას, რომელიც უარყოფს ყოველგვარ დოგმატიზმს და მოუწოდებს სოციალისტურ პარტიებს განამტკიცონ ნამდვილი დემოკრატიულ-სოციალისტური პოლიტიკა და ასევე ის. რომ ნოე ჟორდანიათა სწორედ ასეთ ნიადაგზე ააშენა საქარ. სოც.-დემ. პარტიაო.

შემდეგ მოხმენილ იქნა ბ. მინდია ლაშაურის ვრცელი მოხსენება—«ნოე ჟორდანია, როგორც მამულიშვილი». სამწუხაროთ, უადგილობის გამო, იძულებული ვართ მხოლოდ ზოგიერთი ადგილები მოვიყვანოთ ამ საინტერესო მოხსენებიდან.

«მართალია—ამბობს ის—ნოე ჟორდანია უხვად არის ნაზიარები მარქსისტულ მოძღვრებას, მაგრამ ნოე ჟორდანიათა

ბუნება ქართულ სინამდვილეში ტრიალებს და არას დროს არ სცილდება ქართულ სინამდვილეს და ევროპიული მოძრაობა სურს გადაამყნოს ქართულ ნიადაგზეო. საქართველო და მისი სინამდვილეა მთავარი საზრუნავი მისი მწერლობისა, როგორც ქართველი პუბლიცისტი¹სა. ნ. ჟორდანიას მეტად აღელვებს რუსეთის ტლანქი პოლიტიკა ჩვენი ერის მიმართ და სწერს: «ამ საუკუნეში ჩვენ სხვანაირ გარემოებაში ჩავდექით. მართალია, ომს აღარავინ გვიშვრება, მაგრამ მაგიერში უომროდ, უიარალოდ, ტკბილის სიტყვებით გვიძვრებიან ოჯახში, სკოლაში, საზოგადოებაში... გვიჩხრეკენ გულს, სულს, ყველაფერს და რად იხარჯება ამდენი შრომა? ეგების ქართველობა უარპყოსო». მაშასადამე «ნ. ჟორდანიას დროშაზე აწერია ეროვნება და საქართველო»—ასკვნის ბ. ლაშაური.

«სამწუხაროთ—სწერს ნოე—ჩვენი მწერლობა ერთიანად რუსული მწერლობის გავლენის ქვეშ არის, იმ ქვეყნის, რომელიც მოქალაქეობრივად ჩვენსავით უკან ჩამორჩენილია და მაშასადამე გზას მერმისისას ვერ გვიჩვენებს»-ო.

«ამაშიო—ამბობს ბ. ლაშაური—მოცემულია მთელი გაახრება იმისა, თუ როგორ შორს იდგა ნოე ჟორდანია რუსული ნილილიზმიდან, და გეზი ქართული სინამდვილისაკენ ჰქონდა აღებულო». შემდეგ ის აღნიშნავს რევოლუციის მსვლელობას, ამიერ-კავკასიაში მომხდარ ამბებს, ოსმალეთის შემოსევას. მოჰყავს ნოე ჟორდანიას მოწოდება ხალხებისადმი იარაღით თავის დაცვისა და განაგრძობს: «ამ მძიმე ვითარების დროს ყველა პოლიტიკური პარტიების გულისყური ამ აღამიანისადმი არის მიმართული და იგი თავისებური სიღინჯით, საკითხის აწონ-დაწონით შეუდგა დამოუკიდებლობის განხორციელებისათვის მზადებას და კიდევ განახორციელო»..... «აწ უკვე არა ბაგრატიონმა, არამედ სოციალისტმა ნოე ჟორდანიამ გადაფურცლა ერის ისტორია და ის მეფური დიდებით აღიმართა თავისუფალ საქართველოს სათავეზე... აღბად, «ქართლის ცხოვრების» მომავალი მემატინე ამ უკვდავ ძეგლის ფურცელს შემდეგი სიტყვებით გააგრძელებს:

«გიორგი მეთორმეტედან საქართველო, როგორც სახელმწიფო მსოფლიო რუქიდან ამოიშალა. მაგრამ 1918 წელს, 26 მაისს იგი კვლავ აღსდგა და მისი პრეზიდენტი იყო ნოე ჟორდანია»-ო.

«1921 წელს, თებერვლის შავბნელ დღეს რუსეთი თავს დაგვესხა. იპყრობს საქართველოს. ბოლშევიკურ რუსეთს სურდა არა მარტო საქართველოს დაპყრობა, არამედ ნოე ჟორდანიას ხელში ჩაგდება, რადგან მან იცოდა თუ ნ. ჟორდანიას სახით ვისთან ჰქონდა საქმე და მართლაც, ნ. ჟორდანია დიდი ქართველი იყო, დიდი მამულისწეილი, და დიდი პიროვნება. რომელმაც თავის ერს შეუქნა სახელი. ნ. ჟორდანია ერის დიდების მწვერვალზე ავიდა როგორც უგვირგვინო

გვირგვინოსანი. ქართულმა პოეზიამ კი მას ნოე აღმაშენებელი უწოდა».

«დამარცხდა საქართველო..... ქართველი პრეზიდენტი ისევ ევროპას ევლინება. აქ, ემიგრაციაში, მან კვლავ ეროვნული დროშა ააფრიალა და არა პარტიული. ქართული, რადგან რა დღესაც მას ქართველმა ერმა თავისი ბედი ჩააბარა, იმ დღიდან იგი ერის კუთვნილებდა. იგი აქაც ერის ტრუბადურია, რომელიც რაზმავს მას და რწმენას უნერგავს».....

«ჩვენი მოხუცი წავიდა, მეტს ვეღარ ვიხილავთ მის ბიბლიურ სახეს, მაგრამ სამოქმედო პროგრამათ გერჩება მისი უკვდავი სიტყვები: «დაგვმარნეს, მარა ავდექით და ხიფიფხიფის ველზე დავდექით. რით? მხოლოდ ერთი იარაღით: ამაყი ხულით და ძლიერი ნებისყოფით. ჩვენ ვვხვდებით თავი ჩვენვე ვგვეკუთვნოდეს და ვგვეკუთვნება... საქართველომ აქვს თავის ხაკუთარი პოლიტიკა, ხაკუთარი კულტურა და წინეობა. ამ ხიმავრეში ის ჩაჯდა».

«შინაურ უთანხმოებათა თანხმობით მოგვარება, მთელის შეგუება და მორიგება ნაწილთან». აი ის დიდი შენობა, რომლის მშენებელი იყო ნოე ქორდანი. ამიტომ უყვარდა იგი და დღესაც უყვარს ყველა ქართველს... ნოე ქორდანი არავის ჩამოუგდია საქართველოში... დაპყრობილი საქართველო, მთაში თუ ბარში, ქუჩებში თუ სარდაფებში ასე დამღეროდა თავის პირველ პრეზიდენტს:

«გაგალ მინდვრათ გაზაფხულზე
მოგკრეფე ვარდსა იასაო,
ტკბილი კოცნა შეუთვალათ
ნოე ქორდანიასაო».

«ერთი ეპოქა დამთავრდა, მაგრამ მშვენიერი ეპოქა! ნოე ქორდანის სახელი საუკუნოდ დარჩება ქართველი ერის გულში. დიდება ჩვენს პრეზიდენტს!»

«ვაშა მამულიშვილს!»

დაბოლოს საქართველოს მთავრობის იუსტიციის ყოფილმა მინისტრმა, რაჟდენ არსენიძემ გადასცა დამსწრეთ და გააცხოველა ის განცდები, რომლითაც ქართველი ხალხი გაიმსჭვალა 26 მაისის აქტის გამოცხადებით. მან მოიგონა ის დაუვიწყარი, ნეტარი დღეები, რომელიც განიცადა ერმა დამოუკიდებლობის აღდგენით, ეს იყო—სთქვა მან—ქართველი ერის ხელ-ახალი აღდგომა, 117წლის შეწყვეტილი ისტორიის გაგრძელება და სხ.

ამის შემდეგ გაისმა მშვენიერი ხმებით გუგუნი ქართული ჰიმნისა, რომელიც დამსწრენმა ფეხზე ადგომით და დუმილით მოისმინეს.

მოსმენილ იქნა აგრეთვე ჩვენი ქვეყნის სხვადასხვა კუთხის ქართული სიმღერები, რომელიც რადიოსადგურის ქართულ სექციას მოუხერხებია ჩაწერა უშუალოდ თბილისის სადგურის მოსმენით. ეს სიმღერები, რალაც იდუმალი ძაფე

ბით აკავშირებდა დამსწრეთ თავის საყვარელ სამშობლოს-
თან და ერთი წუთით მაინც ავიწყებდა იმ დუხპირ ცხოვრე-
ბას, რომელსაც აქ განიცდიან.

დაბოლოს მოსმენილ იქნა «შაგნეტეფონზე» რადიოსად-
გურ «განთავისუფლება»-ს გადაცემები—«საქართველოს დე-
მოკრატიული რესპუბლიკის პრეზიდენტის, ნოე ჟორდანიას
გარდაცვალება» და «26 მაისის 36 წლის თავი».

აღსანიშნავია, რომ ამ საღამოზე ზოგი ისეთი ქართვე-
ლი შეხვდა ერთი-მეორეს, რომელსაც ქუჩაში შეხვედრისას
გვერდს აუვლიდა. ყველა დიდათ კმაყოფილი იყო და თუმცა
საღამო დამთავრდა, მაგრამ კიდევ დიდხანს არ დაშლილა...
დამსწრე.

P. S. ნოე ჟორდანიას გარდაცვალების წლის თავის აღ-
სანიშნავად გადახდილ იქნა აგრეთვე პანაშვიდი ბერძნების
ეკლესიაში.

ნ ი უ ი ო რ კ ი.

7 თებერვალს, ნიუიორკში, «საქართველოს დამოუკიდე-
ბლობის აღდგენის ამერიკ. საბჭოს» მეთაურობით გაიმართა
ნოე ჟორდანიას გარდაცვალების წლისთავის აღსანიშნავათ
მოგონების დღე.

კრებაზე ვრცელი მოხსენებით გამოვიდა ბ-ნი ლ. არვე-
ლაძე. მოხსენება მთლიანად დაბეჭდილია ნიუიორკის ქართულ
გაზეთ «ჩვენი გზა»-ში (№ 3).

სამწუხაროა, ადგილის სიმციროს გამო, იძულებული
ვართ მოვიყვანოთ მხოლოდ ზოგიერთი ადგილები ამ მეტად
საინტერესო მოხსენებიდან.

«ერთი წლის წინედ—იწყებს მომხსენებელი—უცხო მი-
წაზე სული დალია ჩვენი საუკუნის უდიდესმა ქართველმა ნოე
ნიკოლოზის ძე ჟორდანიამ, რომელიც ქართველ მატინეში
«დიდი ნოე» ს სახელით შევა. ბედითი სვემ, ჩვენ ასე გვარგუ-
ნა. ყოველ ეპოქას უნდა ავეფორიაქებინეთ. უკუღმართ დროს
უნდა მოეშალა ჩვენი ცხოვრების ჩარხი და ბევრი ღირსეული
შვილი ჩვენი ქვეყნისა უცხო მიწას უნდა შეექამა. ამ უბედუ-
რებას, ერთხელ დაკანონებულს ჩვენს თავზე, ვერც მეოცე სა-
უკუნეს საქართველო გადაურჩა, მხოლოდ იმ განსხვავებით,
რომ, თუ წინად ქართველთა სხეულთა აზიის ქვეყნების მიწა
პოხიერდებოდა, ესლა—ევროპის და ამერიკის მიწაც პოხი-
ერდება»..... «ჩვენი მთლიანობის სიმბოლო, საქართველოს
ეროვნული და პოლიტიკური მეურვე, მისი თავისუფლების
პატრიარქი ერთი წლის წინ მოგვეშორდა ხორციელად. ხოლო
სულიერად იგი მუდამ ჩვენთან იქნება, სანამ ქართველი ერი
იარსებებს. განახლებული საქართველო და ნოე ჟორდანიას
სახელი ისე გადაეჯაჭვა ერთმანეთს, რომ მას ვერც დრო და
ვერც უამი ვერ განაცალკევებს. ახალი საქართველო და დიდი

ნოე ორივე ერთად შევიდა საქართველოს ისტორიაში, შარავანდედით გაბრწყინებული და ძვირფასი დიადემით თავმოართული».

შემდეგ ავტორი ეხება საქართველოს მდგომარეობას რევოლუციის ხანაში, აღნიშნავს სიძნელეებს დამოუკიდებლობის ხანისას და ასკვნის: «ღვაწლი ნ. ჟორდანიას მიერ გაწეული იმდენად დიდია, რომ მისი აწონა და აწვევა არ შეიძლება». და თავის ვრცელ მოხსენებას ბ-ნი არგვლადე ათავებს ასე: «როცა გაივლის ათი საუკუნე და ქართველი ხალხი იღვსასწაულებს 26 მაისის ათასი წლის თავს, დაფნის გვირგვინით შემკობა ნოე ჟორდანიას შეხვდება, მის ქანდაკს, რომ ერგება წილად. ბედმა მას არგუნა პირველი პრეზიდენტის როლი. მაგრამ იგი იყო არა მარტო პირველი პრეზიდენტი, არამედ როგორც დიდი ქართველი მამულიშვილი, როგორც მსოფლიო მნიშვნელობის პუბლიცისტი და მოაზროვნე, ქართველი ხალხი ჩვენ შემოგვანატრებს მაშინ, რომ მომსწრენი ვიყავით დიდებული 26 მაისისა და ჩვენი პირველი პრეზიდენტისა, რომლის მოღვაწეობის ხანაში მოგვიხდა ცხოვრება და რომლის დიდებული ხსოვნის წინაშე მოწიწებით ვიხრით დღეს თავს!»

ნ. კ. ა. გ. ე.

17 იანვარს, უკრაინელების ეკლესიაში, გადახდილ იქნა პანაშვიდი საქართველოს პრეზიდენტის ნოე ჟორდანიას გარდაცვალების წლის თავზე.

დიმიტრი გუნია.

ნოე ჟორდანიას ერთი ნეკროლოგი^{*)}.

ჟურნალისტიკაში მიღებული არ არის საკუთარი ნაწარმოების რეცენზიის წერა. მაგრამ უნდა გავაკეთო გამონაკლისი, ვინაიდან საქმე ეხება ჩვენი დაუვიწყარი მასწავლებლის ნეკროლოგს. რომელიც მოთავსებული იყო ერთ-ერთ უმნიშვნელოვანეს ჟურნალში. ეს გახლავთ ავსტრიის სოციალისტური პარტიის ყოველთვიური თეორეტიულ-პოლიტიკური ორგანო «დი ცუკუნფტ», რომელიც გამოდის ვენაში და რომელსაც ბევრი სთვლის—ჩემის აზრით სამართლიანად—საუკეთესო სოციალისტურ ჟურნალად, რომელიც დღეს დღემიწაზე გამოდის. ის ცენტრალურ ხელმძღვანელ ორგანოს როლს ასრულებს არა მარტო ავსტრიის სოციალისტური პარტიისთვის, არამედ აგრეთვე გერმანიის სოციალდემოკრა-

^{*)} სამწუხაროთ ეს ნეკროლოგი ავტორისგან დამოუკიდებელ მიზეზის გამო იბეჭდება დაგვიანებით.

რ ე დ.

ტიისთვის, რომელსაც ნაციზმის და მეორე მსოფლიო ომის კატასტროფების შემდეგ—განსაკუთრებული პირობების გამო—ჯერ კიდევ არა აქვს ჯეროვანად ჩამოყალიბებული პარტიული პრესა.

აქვე უნდა აღინიშნოს რომ ავსტრიის სოციალისტური პარტია დღეს უაღრესად ანტიბოლშევიკური პარტია არის. ის გულახდილად აღიარებს რომ მისი წინანდელი ილიუზიები ბოლშევიზმის შესახებ უსაფუძვლო გამოდგენ და თანამედროვე მსოფლიო პოლიტიკის ყველა მნიშვნელოვან საკითხებში გადაჭრით თავისუფალ დემოკრატიულ დასავლეთის მხარეზე დგას.

«დი ცუკუნფტ»-ის გამომცემელია ცნობილი სოციალისტი ჟურნალისტი ოსკარ პოლაკი, ერთ დროს ოტო ბაუერის და ფრიდრიხ ადლერის მარჯვენა ხელი. საგარეო-პოლიტიკური რედაქტორი არის ბენედიქტ კაუციკი, საერთაშორისო სოციალდემოკრატიის დიდი მასწავლებლის კარლ კაუციკის შვილი.

ავსტრიის პრესა დღეს მეტად დატვირთულია თვით ავსტრიის საკითხებით, როგორც მთავრობის პარტიისა; ამას გარდა ავსტრიის პოლიტიკა მეორე მსოფლიო ომის შემდეგ—თვით მოკავშირეთა რჩევით—მოსკოვის მიმართ შედარებით ფრთხილი არის, რომ იქნებ ელერსოს სახელმწიფო ხელშეკრულება ყველა ამის გამო, ჟურნალი «დი ცუკუნფტ» საერთაშორისო სოციალიზმის ლიდერებიდან მხოლოდ უუდიდეს პიროვნებებს უძღვნის თავის ფურცლებს; განსაკუთრებით, ფრთხილობს როცა საქმე ეხება აღმოსავლეთის პოლიტიკოსებს, რომელთა სახელის გაგონება მოსკოვის განსაკუთრებულ განრისხებას იწვევს.

მიუხედავად ყოველივე ამისა «დი ცუკუნფტ»-მა დიდი სიამოვნებით მიიღო და მოათავსა ჩემ მიერ მოწოდებული ვრცელი ნეკროლოგი ნოე ჟორდანისი.

ნეკროლოგი გამოვიდა სათაურით: «დიდი ქართველის ხსოვნას». გამოვიდა გასული 1953 წლის აპრილის ნომერში. როცა სტალინიც უკვე მკვდარი იყო. ბევრი ცნობილი ჟურნალისტი სტალინს უწოდებდა უდიდეს ქართველს, მაგრამ სოციალისტურმა ჟურნალმა ამ სენსაციის მოყვარულ მწერლებს ყურიც არ ათხოვა და ჩემი წერილის გამოქვეყნებით აუხსნა მათ, თუ ვინ იყო დიდი ქართველი.

შინაარსის შესახებ სიტყვას არ გავაგრძელებ. მკითხველი თავისთავადაც მიხვდება. რომ ნეკროლოგში მოთხრობილია ნოეს მთელი მოღვაწეობის შესახებ. მოთხრობილია იმ ბედნიერი დღეების შესახებაც, როცა საქართველოს მთავრობის თავმჯდომარემ და სოციალდემოკრატიული პარტიის მეთაურმა მიიღო ვეროპის სოციალისტების დელეგაცია და უჩვენა მას თავისი ტურფა, თავისუფალი სამშობლო და მისი ზელმძღვანელობით შექმნილი დემოკრატიული და სოცია-

ლური რესპუბლიკა. რასაკვირველია განსაკუთრებული ხან-
გასმით არის აღნიშნული საქართველოს ტრაგედია, დაწყებუ-
ბული 1921 წლის თებერვლით, და ნოე ქორდანიას დაულა-
ლავე მუშაობა უცხოეთში, როგორც თავის ერის უფლებე-
ბის დასაცავათ, ისე ბოლშევიზმის რეაქციონური და იმპერი-
ალისტური არსების ფარდის ასახდელათ.

წერილი თავდება შემდეგი სიტყვებით:

«საქართველოს უგვირგვინო მეფე, «დიდი ნოე», როგორც
მას თავისი ერი სიყვარულით უწოდებს, გარდაიცვალა მწარე
დევნილობაში, შორს თავისი მშვენიერი, საყვარელი სამშო-
ლოდან. ნოე ქორდანიას დევნილობაში გარდაცვალება ხელ-
ანლა მოაგონებს მსოფლიოს ქართველი ერის ტრაგედიას,
რომელიც უკვე 32 წელი გრძელდება, და რასაკვირველია არა
მარტო ქართველი ერის ტრაგედიაა. ის მძიმე ბრალდებაა
კრემლის დიქტატორების წინააღმდეგ და სერიოზული გაბრ-
თხილება მსოფლიოს მიმართ».

აქვე უნდა აღვნიშნო, რომ იგივე ნეკროლოგი მოთავსე-
ბულ იქნა კლაგენფურტის ყოველდღიურ სოციალისტურ გა-
ზეთ «ნოე ცაიტ»-ში.

ნიკო იმნაიშვილი.

საით მიდის რუსეთი, მაგრამ საით მიდის სოციალიზმი? *)

ამ სათაურით «Revue Socialiste»-ის ორ ნომერში (1953 წ.)
დაბეჭდილია ორი საინტერესო წერილი. ერთი ეკუთვნის პიერ
რიმბერს: «საით მიდის რუსეთი», მეორე, როგორც პასუხი—
მარსო პიერის:—«მაგრამ საით მიდის სოციალიზმი».

რიმბერი ფართე ანალიზს უკეთებს, 1917 წლის რევოლი-
უციამდე არსებულ რუსეთის ეკონომიურ მოდგომარეობას
და ამბობს: რუსეთის დრამა 1917 წ. მდგომარეობდა იმაში,
რომ შეუძლებელი იყო 24 საათის განმავლობაში აგრარული
ქვეყანა გადაქცეულიყო ინდუსტრიალურ ქვეყანად და მიწაზე
მომუშავე მსოფრებნი—ინდუსტრიალურ მუშებათ.

იმ მომენტიდან, როცა რუსეთი, როგორც ეკონომიური
ფაქტორი, გახდა თანაბარი სხვა ქვეყნებთან—ბრძოლა მისი
არსებობისათვის იღებს სულ სხვა ხასიათს: ის ხდება აგრე-
სიული და ეს აგრესიობა თანდათან გაძლიერდება მის ეკონო-
მიურ განვითარებასთან ერთად. ამიტომ მისმა მთავრობამ

*) ვებეჯდეთ ამ წერილს იმ მიზნით, რათა ჩვენს მკით-
ხველს გავაცნოთ უცხოელ სოციალისტების აზრი ჩვენი დრო-
ის ზოგ საპირბოროტო საკითხებზე.

რ ე დ.

უნდა მისცეს ხალხს მიზანი—ბრძოლა იმ სახელმწიფოებთან, რომელიც მას გარს ატყუია.

ყველაზე უმთავრესი საკითხი, რიმბერის აზრით არის—შესძლებს თუ არა საბჭოთა ხელისუფლება უარპყოს აგრესიული ნაციონალიზმის პოლიტიკა ინტერნაციონალურ სფეროში და აწარმოვოს სხვა პოლიტიკა და იქვე უპასუხებს: რომ ეს შესაძლებელი იქნეს, მან უნდა ძირიანად შესცვალოს თავის ეკონომიური პოლიტიკა და შინაური რეჟიმი, მაგრამ ამავე დროს დასავლეთმაც უნდა შესცვალოს მის მიმართ თავის პოლიტიკაო.

შემდეგ ავტორი გადადის რუსეთის ინდუსტრიალურ და აგრარულ განვითარების ანალიზზე და სწერს: უკვე 1939 წლიდან რუსეთს აღარ ჰყოლია აგრარულ მცხოვრებთა უმრავლესობა, ის უკვე ინდუსტრიალური სახელმწიფო იყო. ამიტომ მიწის მუშაობას აღარ შეეძლო ერჩინა მცხოვრებნი. 1928 წლიდან—1939 წლამდე ქალაქის მცხოვრებთა რიცხვი 27,6 მილიონიდან გაიზარდა—55,9 მილიონამდე, ე. ი. გაიზარდა მეტი ვინემ 100 პროცენტით. ცხადია, მიწათმოქმედების პროდუქციას აღარ შეეძლო დასწეოდა არამიწათმოქმედ მცხოვრებთა რიცხვის სწრაფ გადიდებას. ამაშია რიმბერის აზრით, საბჭოთა ტოტალიტარიზმის უმთავრესი მიზეზი. ის ისწრაფვის დააჩქაროს მიწათმოქმედების ინდუსტრიალიზაცია, რათა მან შესძლოს თავის დანიშნულების შესრულება. აქედან გამომდინარეობს იქ გამეფებული რკინის დიქტატურაც. მიწათმოქმედებას არ შეუძლია ჰქონდეს ისეთი სწრაფი შედეგი, როგორც ინდუსტრიას. ამით აიხსნება სატელიტებთან საბჭოების დამოკიდებულებაც. მას არ შეუძლია გაუშვას ისინი თავის გავლენიდან, რადგან მას ესაუბრობდა მიწათმოქმედების რესურსები. მეორე მხრით—ქალაქის მცხოვრებთა რიცხვის გიგანტური გადიდება სხვა პრობლემებსაც აყენებს საბჭოთა ხელისუფლების წინაშე. მეტი, ვინემ პროპორციონალური განვითარება ინდუსტრიისა, შეუძლებელია საშინელი დისციპლინის გარეშე. სწორედ ამან გამოიწვია ხუთწლიელების შემოღება.

საბჭოთა ხელისუფლების წინაშე იდგა ორი დილემა: ან შესულიყო მსოფლიო ეკონომიკაში და მოეწვია უცხო კაპიტალი, ანდა გაეძლიერებია საკუთარი ინდუსტრიალიზაცია. მან აირჩია მეორე გზა. ამან გამოიწვია შინაგანი ბრძოლა, რომელიც დამთავრდა სტალინის გამარჯვებით. ამ პოლიტიკის შედეგი საბჭოებისათვის აღმოჩნდა ნაყოფიერი. მისი ინდუსტრია ვითარდება გიგანტური ნაბიჯით, მაგრამ ეს კიდევ არაა საკმარისი. მას კიდევ დიდხანს დასუბრდება გაჰყვეს ამ რითმს,

რაც შეუძლებელია რკინის დისციპლინის გარეშე. რამდენად ვითარდება ინდუსტრია, იმდენად იზრდება მისი მოთხოვნილებანიც და საბჭოებს არ შეუძლიათ იცხოვრონ მუდამ განკერძოებულად. მაგრამ ჩვენს პირობებში—როგორ შეიძლება ამის განხორციელება? პასუხი ამაზე ეკუთვნის, რიმბერის აზრით, არა მხოლოდ რუსეთს, არამედ დასავლეთსაც.

რა პირობებში შეუძლია საბჭოთა რუსეთს არ აწარმოვოს ინტერნაციონალური მასშტაბით არა-აგრესიული პოლიტიკა—კითხულობს და უპასუხებს იქვე: მან უნდა შეანელოს ინდუსტრიალური განვითარება და შეაჩეროს მეტად სწრაფი ზრდა ქალაქის მცხოვრებთა, დაეხმაროს კიდევ მათ სოფლად დაბრუნებაში, გაავითაროს მოხმარების საქონელთა პროდუქცია და შეზღუდოს შეიარაღების გაძლიერება. შეუძლია კი წავიდეს ის ამ გზით? დადებითი პასუხი ამ საკითხზე არის დასავლეთის მუშათა კლასის ხელში—უპასუხებს ის. რუსის ხალხს სურს რეჟიმის შეცვლა, მაგრამ ეშინია ძველის დაბრუნების. ამიტომ მას უნდა გარანტია, რომ ეს არ მოხდება და ასეთი გარანტიის მიცემა კი შეუძლია მხოლოდ დასავლეთის მუშათა კლასის მოძრაობასო და სხ. და სხ.

რიმბერის საპასუხო წერილში მორსო პივერი ამბობს: რიმბერის ყველა დებულებანი, მისი ახსნა რკინის დისციპლინის აუცილებლობისა და ტოტალიტარიზმისა ამართლებს სტალინის დანაშაულს. და თუ მართლა ამ რუსეთმა შექნა სტალინი—ჩვენი ჩარევა სრულიად შეუძლებელია. მაგრამ ჩვენ არ ვართ პესიმისტები. 1917 წ. რუსეთი არ ყოფილა მარტო, მაგრამ პროლეტარიატის ინტერნაციონალური პოლიტიკა იმ დროს არ იყო თავის სიმძლევზე; დასავლეთის პროლეტარიატის იმ დროის არა აქტიური რევოლიუციონური სოლიდარობა—უმთავრესი მიზეზი იყო სტალინის კონტრ-რევოლიუციისა. ჩვენ უნდა ვიჩქაროთ გვექნეს კავშირი დამორჩილებულ მასებთან, როგორც რუსეთის, ისე სხვა ქვეყნების. ჩვენ უნდა გავგლიჯოთ, რაც არ უნდა დაგვიკდეს, რკინის ფარდა, რადგან ჩვენ მარტო მეთვალყურე კი არა ვართ, არამედ მონაწილენი ამ დრამისა. სტალინიზმი ეს არის ჩვენი დასჯა. მაგრამ საით მიდის რუსეთი და საით მიდის სოციალიზმი? ამის პასუხს მორსო იძლევა მეორე კითხვით—საით მიდის რუსის ხალხი—ომისკენ თუ სოციალიზმისაკენ. რუსეთის ხალხებს არ უთქვამთ უკანასკნელი სიტყვა და ეს სიტყვა—ასკვნის ის—დიდათ არის დამოკიდებული პროლეტარიატის ინტერნაციონალური სოლიდარობისაგან და სხვ.

0. 7

„ცნობის ფურცელი“.

მივიღეთ «საქართველოს დამოუკიდებლობის აღდგენის ამერიკული საბჭო»-ს საინფორმაციო რვეული «ცნობის ფურცელი» № 4.

რვეულში მოთავსებულია ვრცელი წერილი ბ-ნ გ. კობ-ძე-ს ხელის მოწერით სადღეისო თემაზე: «საერთო ხელმძღვანელობა». ავტორი გაბედულათ ებრძვის იმ ყალბ აზრს, რომელიც უარყოფს ჩვენი ქვეყნის იურიდიული უფლებების მატარებელ ორგანოებს და პირებს და ცდილობს შექმნას ისეთი სხვა რამ, რომელიც დიდათ საზიანო იქნება ჩვენი ქვეყნის ინტერესებისათვის და მისი განთავისუფლების ბრძოლისათვის. საბუთი რომ დღევანდელი ხელმძღვანელობა სოც.-დ. პარტიის წევრებიდან შესდგება და ამიტომ მიუღებელიაო —ავტორს მიაჩნია არა სერიოზულად. მას მოჰყავს მთელი რიგი მაგალითებისა, სადაც ეროვნულ ცხოვრებას ხელმძღვანელობდენ თუ ხელმძღვანელობენ სოციალდემოკრატები, მაგრამ არსად არამც თუ რაიმე ზიანი მოუტანიათ თავის ქვეყნისათვის, პირიქით, დიდათ აუმალლებიათ და სასახელოთ დაუცავთ ეროვნული ინტერესებიო. სოციალდემოკრატები იყვენ ფინეთის სათავეში, მაგრამ როცა ამ პატარა ერს ვე-ღებერთელა საბჭოთა კავშირი დაეტაკა—განა ვაჟკაცურად არ დაიტყვეს ერი და თავიანთი სისხლით არ მორწყეს სამშობ-ლოს მიწაო—ეტყვის ის მოწინააღმდეგეთ. მას მოჰყავს არა ერთი ასეთი მაგალითი, მოჰყავს გერმანიის სოც.-დემ. პარ. მეთაურის შუმანერის საჯარო განცხადება: «ჩვენ ჯერ გერმანელები ვართ და შემდეგ სოციალდემოკრატებიო». მოჰყავს საქ. სოც.-დემ. პარ. მოღვაწეობიდან მთელი რიგი სერიოზული მაგალითები მათი ერისა და ქვეყნის წინაშე დამსახურე-ბისა და ერდგულებისა და გაკვირვებით კითხულობს: «განა ამის დავიწყება თუ უარყოფა შეიძლება იმ მოტივით რომ ჩვენი ქვეყანა საბჭოებთან ბრძოლაში—დამარცხდა!» ის აღნი-შნავს მთელ რიგ ობიექტიურ მიზეზებს ამ დამარცხებისას და ასკვნის: «ყველას არ ძალუძს ქვეშაირი ისტორიის დაწერა ახლო წარსულისა! ამ წარსულის აღმწერელი უნდა იყოს მიუ-დგომელი, სინდისიერი, არავის მოძულე და პატიოსანი. ასეთი პიროვნების მიერ დაწერილი ისტორია დაიჯერებაო».

სრული სიმართლე და ხალასი ქვეშაირიტებაა, მაგრამ ჩვენი ავტორი შეცდება თუ ასეთი პიროვნების ძებნას დაი-წყებს ემიგრაციის იმ წრეში, რომელიც ყოველივე იმას, რაც ჩვენი ქვეყნის დამოუკიდებლობის დროს მოხდა, უღებდა ქე-შმარიტების აღდგენის მიზნით და არა მეთაურთა სიძულვი-ლით და შურისძიებით.

წერილის მეორე ნახევარი ეხება იმ ორგანიზაციული ფორმის ძიებას, რომელსაც შეუძლია დააკმაყოფილოს ყველა. მის სხეულში ამის შესახებ საჭიროა ზოგიერთი შესწორების შეტანა, რაც ჩვენ წინეთაც აღგვინიშნავს, მაგრამ ეს არაა ძნელი დასაძლევია; როცა თანამშრომლობის და საერთო მუშაობის გულწრფელი სურვილია—საერთო ფორმის გამონახვა სულ ადვილია და ამ ნიადაგზე აზრთა სხვაობის დაახლოება და შეთავსება დიდ შრომას არ მოითხოვს...

რვეულში მათავსებულისა მრავალი საინტერესო ცნობები ადგილობრივი ცხოვრებიდან.

ბ-ნი გრ. დიასამიძის თავმჯდომარეობით შემდგარა «საბჭოს» წლიური კრება, რომელსაც განუხილავს თავის გამგეობის წლიური მოქმედება—მუშაობა, მოუსმენია მოხსენებებები, დაუმტკიცებია წარდგენილი ანგარიში და აურჩევია ერთხმად ისევე ძველი გამგეობა, ბ-ნი ლადო არველაძის დამატებით. გამგეობაში შედიან: აბაშიძე ვახტანგ, არველაძე ლადი, გაუონია ისიდორე, კობახიძე გივი, ნანუაშვილი ვანო, სულხანიშვილი ალექსანდრე და ლობოვრიძე გიორგი. სარედაქციო კოლეგიაში: ალავიძე ნესტორ, არველაძე ლადო, დიასამიძე გრიგოლ, გოლდმანი ილია, ნანუაშვილი ვანო და კობახიძე გივი.

კრებამ დაადასტურა აგრეთვე სია ახალი წევრებისა.

ბ. უ.

გ ე რ მ ა ნ ი ა.

(ჩვენი კორესპონდენტისაგან)

7 იანვარს ამერიკულ კომიტეტმა მიუნხენის ერთ-ერთ დარბაზში მოაწყო ბანკეტი რადიოსადგურის «განთავისუფლება»-ს არსებობის ერთი წლის აღსანიშნავათ. ბანკეტს დაესწრენ ამერიკულ კომიტეტის რწმუნებული მრ. კეილი რადიოსადგურის დირექტორი Mr. ვილიამსი და მთელი სადგურის შემადგენლობა.

სადგურზე მომუშავე ყველა რედაქციების სახელით ამერიკული კომიტეტისადმი მისასალმებელი და სამადლობელი სიტყვის წარმოთქმა დაევალა ქართული რედაქციის მთავარ რედაქტორს რაჟდენ არსენიძეს. მისი სიტყვა იქნა დაჯილდოებული მხურვალე ტაშით.

ბ. ბ. კეილიმ და ვილიამსმა განსაკუთრებით მადლობა გამოუცხადეს ბ. არსენიძეს მისი სიტყვისათვის.

ბ. კეილიმ თავის სიტყვაში აღნიშნა, რომ შესაძლებელია ახლო მომავალში რადიოსადგურის პოლიტიკური ხელმძღვანელობა კვლავ პოლიტიკური ორგანიზაციების წარმომადგენლებს გადაეცეს...

ამასთან დაკავშირებით ქართული ემიგრაციის საყურადღებოთ უნდა აღინიშნოს, რომ ჩვენი რედაქციის მუშაობა იპყრობს ჯეროვან ყურადღებას, როგორც ადგილობრივად სადგურის ხელმძღვანელებისა, ისე ამერიკულ კომიტეტის ცენტრალურ სამართველს პასუხისმგებელ პირების მიერ. სწორეთ ამ დღეებში მოვიდა დასკვნები და დაფასება ამერიკიდან რადიოსადგურზე არსებულ რედაქციების მუშაობის შესახებ. კომიტეტს ყავს ნიუორკში სპეციალური მეთვალყურე ამ მიზნისთვის. და სწორეთ ამ პირის დასკვნის თანახმათ ქართულ რედაქციას პირველი ადგილი უჭირავს სხვა რედაქციებთა შორის—განსაკუთრებით კი საერთაშორისო პოლიტიკურ მოვლენების დაფასებებში... ხშირად ჩვენი რედაქციის სკრიპტებს დირექცია უგზავნის სხვა რედაქციებს სახელმძღვანელოთ.

იმედი უნდა ვიქონიოთ, რომ ის ავტორიტეტი და პატივისცემა, რომლითაც სარგებლობს ამ ქამათ ჩვენი რედაქციის შემადგენლობა და განსაკუთრებით კი მისი მთავარი რედაქტორი რაქდენ არსენიძე მომავალშიდაც შენარჩუნებული იქნება...



2 იანვარს მიუნხენის «ვალდფრიედჰოფ»-ის სასაფლაოზე დასაფლავებულ იქნა ეროვნულ-დემოკრატიულ პარტიის ერთი მეთაურთაგანი ალექსანდრე ასათიანი. განსვენებულის დასაფლავებას ქართველების გარდა დაესწრენ: უკრაინული ნაციონალური რადის წარმომადგენლობა, ჩრდილო-კავკასიელები, აზერბაიჯანელები, კახაკები და იდეალ-ურალელი თათრები. სხვადასხვა ორგანიზაციებისგან და პირებისგან იყო წარმოგზავნილი გვირგვინები და მათ შორის: პარიზის ქართველთა ასოციაციიდან, სოც.-დემოკრატებისგან, სოც.-ფედერალისტებისგან და «ქართველთა ეროვნულ მთლიანობის» ორგანიზაციიდან.

სიტყვები წარმოსთქვეს: ბ. ბ. გ. მაღალაშვილმა, ჩრდილო-კავკასიელებისაგან ა. კანტემირმა, აზერბაიჯანელებისგან დრ. ორლისმა, უკრაინელმა დრ. იურჩენკომ, პარიზის ქართველთა ასოციაციის დავალებით რაქდენ არსენიძემ და სოც.-დემოკრატების სახელით ალ. კორძაიამ.

აქ არ შეიძლება არ აღვნიშნოთ, რომ ბ. გ. მაღალაშვილის მიერ იყო ყოველგვარი ზომები მიღებული განსვენებულისთვის სიცოცხლის შესანარჩუნებლათ, მაგრამ საცოდავის ორგანიზმი ისე დასნეულებული აღმოჩნდა განუკურნებელი სენით, რომ გერმანიაში ცნობილ ქირურგ პროფ. ფრეის ცდამაკი სასურველ შედეგს ვერ მიახწია. ამ სამწუხარო შემთხვევის გამო სპეციალურად პარიზიდან ჩამოსულ პატივცემულ ქართველ მოძღვრის მამა ილია მელიას წირვა-ლოცვამ

და მიცვალებულისთვის წესის აგებამ მშობლიურ ენაზე კარ-
გი შთაბეჭდილება დასტოვა დამწრე საზოგადოებაზე.

21 იანვარს მიუნხენში დაასაფლავეს უკრაინის პრეზი-
დენტი ანდრეი ლევიცკი. მიუხედავად ცუდი ამინდისა, დასა-
ფლავებას დაესწრო დიდალი საზოგადოება. დამსწრეთა შო-
რის მრავლათ იყვნენ წარმოდგენილნი, როგორც საბჭოთა
კავშირიდან (რუსებიც), ისე სატელიტ ქვეყნებიდან გამოხიზ-
ნულნი ემიგრანტული წრეები. წარმოდგენილი იყვნენ აგრე-
თვე ბავარიის მთავრობა და ამერიკული კომიტეტი...

გერმანულ პრესას და რადიო სადგურსაც წარმოეგზავ-
ნათ თავისი კორესპოდენტები. ევროპის სხვადასხვა ქვეყნე-
ბიდანაც ჩამოსულან უკრაინული დელეგაციები, რომ უკა-
ნასკნელი გამოსათხოვარი სალამი მიუძღვნან თავის პრეზი-
დენტს...

განსვენებულის კუბოს ამშვენებენ მრავალი გვირგვი-
ნები და მათ შორის ქართველი ემიგრაციიდანაც. საეკლესიო
ცერემონიას და წესის აგებას ასრულებს ადგილობრივი უკ-
რაინული სამღვდლოება მიტროპოლიტ ნიკონორის მეთაუ-
რობით. თანახმად ეროვნული რადის აღმასრულებელი კომი-
ტეტის დადგენილებისა, განსვენებულ პრეზიდენტის ხსოვნის
პატივსაცემლად დაშვებული იყო სასაფლაოზე მხოლოდ ორი
სიტყვა: უკრაინულ მთავრობის თავმჯდომარის ბ. დრ. ვიტ-
ვიცკის და პარიზის ბლოკის რწმუნებულის. პარიზის ბლო-
კის სახელით კი სიტყვის წარმოთქმა დაევალა ჩვენს თანამე-
მამულეს ალ. კორძაიას. ქართულმა რედაქციამ კი ტყვეო-
ბაში მყოფ ქართველ ერს რადიოსადგური «განთავისუფლე-
ბა»-ს საშუალებით გადასცა ცნობა უკრაინის პრეზიდენტის
ანდრეი ლევიცკის გარდაცვალების შესახებ.

სტ. ვიტვიცკის წყნადი.

ჩვენმა ამხანაგებმა რაჟ. არსენიძემ და ალ. კორძაიამ მი-
იღეს ემიგრაციაში ახალად არჩეულ უკრაინის პრეზიდენტის
სტეფანე ვიტვიცკისაგან შემდეგი წერილი:

«დიდათ პატივცემულნო ბატონებო, მეტად გმადლობთ
თქვენი თბილი გრძნობიერი მოლოცვის და იმ კეთილი სურ-
ვილების გამო. რომელიც მე გამომიცხადეთ თქვენი პარტიუ-
ლი ორგანიზაციის და პირადათ თქვენი სახელით. ჩემი მის-
წრაფება იქნება. რომ კეთილი განწყობილება უკრაინელ და
ქართველ ხალხს შორის უფრო მეტად იქნეს განმტკიცებული
და განუყრელი.

გთხოვთ მიიღოთ ჩემი თქვენდამი ღრმა პატივისცემა».

ქართველობა უცხოეთში.

სამგლოვიარო სხდომა.

კვირას, 14 მარტს, მიუნხენში, «ქართულ ეროვნულ გაერთიანებაში» გამართა სამგლოვიარო სხდომა, საქართველოს დაპყრობის 33 წლის შესრულების გამო. სხდომაზე წაკითხულ იქნა მოხსენებები: 1) 25 თებერვალი—დავით ურატაძე, 2) მოგონება 25 თებერვალზე—დ. საღირაშვილი, 3) დასკვნები 25 თებერვლის შესახებ—რაჟდენ არსენიძე. მოხსენებების შემდეგ მოსმენილ იქნა «მაგნეტოფონის» საშუალებით რადიოსადგურ «განთავისუფლება»-ს სამგლოვიარო გადაცემები საქართველოს დემოკრატიული რესპუბლიკის დაპყრობიდან 33 წლის შესრულების გამო.

სეიმის ხათვისტრეში.

ამა წლის 31 იანვარს, შესდგა სომოს ქართული სათვისტომოს საზოგადო წლიური კრება. მოსმენილ იქნა გამგეობის და სარევიზიო კომისიის მოხსენება საანგარიშო წლის ჩატარებული მუშაობის შესახებ. მადლობა გამოუცხადა გამგეობას და აირჩია გამგეობის ახალი შემადგენლობა: ი. სალუქვაძე, ვ. რიქვაძე, გრ. კვარცხავა, მ. ჯიქუარაძე და ი. ზედგინიძე.

კ. ჩუბინიძის «მოვლენა».

დაიბეჭდა და გამოვიდა ვალიკო ჩუბინიძის «მოვლენა»: წიგნი მშვენივრად არის გამოცემული, შეიცავს მრავალ ცნობებს ანტიკომუნისტურ ბრძოლის, როგორც ლეგალური, ისე არალეგალური ისტორიიდან და შეიცავს 450 გვერდს. რეცენზია დაიბეჭდება შემდეგ ნომერში.

ექიმ გ. ხეჭოლაძის მოხსენება.

11 აპრილს, ექ.კ. ხეჭოლაძემ წაიკითხა მოხსენება შემდეგ თემაზე: «ადამიანის ადგილი ბუნებაში—მოხუცებულობა და გაახალზდავება». მომხსენებელმა ადვილად გასაგები მაგალითებით ფრიად დააინტერესა საზოგადოება.

პ ა ნ ა მ კ ი დ ი.

ამხანაგი ნიკო იმნაიშვილი გვთხოვს გამოვაცხადოთ. რომ კვირას, 23 მაისს, ქართულ ეკლესიაში გადახდილი იქნება წირვა და პანაშვიდი მისი უდროოდ დაკარგული ძმის ნიკიტა პავლეს ძე იმნაიშვილის გარდაცვალების წლის თავის აღსანიშნავად.

ძისამართის გამცველა.

ყოველგვარი მიმოწერა ქართულ ეროვნულ საბჭოს და მისი ორგანოს «მებრძოლი საქართველო»-ს რედაქციის მიმართ უნდა გაიგზავნოს დროებით შემდეგი მისამართით:

M-r N. Ourouchadzé

13, rue Edgar-Quinet à Montronge, Seine, France.

წერილი კვლავის მიმართ

სიამოვნებით გადავიკითხე «ჩვენი დროშა»-ს ნომრები. ის უსათუოდ გამოხატავს ქართველი ერის მისწრაფებებს უცხო უღლისგან გასანთავისუფლებლად და საქართველოს დამოუკიდებლობის აღსადგენათ. უსურვებ რედაქციას მხნეთ მუშაობას. მიიღეთ ჩემი წვლილი ჟურნალის ფონდისთვის ორი დოლარი.

ესე მანწკავა.

პანოვერი.

«ჩვენი დროშა»-ს ფონდი.

ბიუროს მიერ არჩეულ კომისიის წევრებმა ქალბატონ არიანა ურატაძისამ და ქალბატონ მათიკო სტურუასამ გადმოგვეცეს შემომწირველთა მეორე სია: სტამბოლიდან ი. ბიბინიშვილი, ვ. როკვეა და ს. მ.—თითომ 50 ლირა; პ. სარჯველაძე, ქ-ნი დუშ. ელიგულაშვილი, ვ. ლონტი, გრ. კერესე-სელიძე—თითომ 2.000 ფრ.; რუსუდან სტურუა, ტ. წულაძე—თითომ 1.000 ფრ.

სულ 150 ლირა და 10.000 ფრანკი.

სოფოდან: გრ. კვარცხავა, დ. კვერღელიძე, ი. სალუქვაძე—თითომ 1000 ფრ.; დ. ქიშერიძე, დ. უიშვილი—თითომ 500 ფრ.; ი. ზედგინიძე—400 ფრ.; ს. პირაქაძე, ვ. სალუქვაძე, მ. უღენტი, შავდია—თითომ 300 ფრ.; გ. შავდია, მ. ჯინჭარაძე—თითომ 250 ფრ.; გრ. ივერიელი, ე. აბულაძე, შ. ქურციკიძე—თითომ 200 ფრ.; ვარ. სალუქვაძე, გ. სალუქვაძე, ლ. სალუქვაძე—თითომ 100 ფრ.

სულ 7.000 ფრანკი.

პანოვერიდან: ესე მანწკავა 2 დოლარი, ჩიკავოდან 5 დოლარი, სპარსეთიდან გრ. მოდებაძის სახელზე—დოლარი, ანტონ ჟორჟოლიანისაგან 1.000 ფრ., ამერიკიდან პ. კვარაცხელიასაგან 1.000 ფრ.

სულ 12 დოლარი და 2.000 ფრანკი.

შემოწირულების შეკრება გრძელდება. რედაქცია მადლობას უცხადებს შემომწირველთა და კვლავ მოუწოდებს ჩვენი ჟურნალის მკითხველებს გაიღონ თავიანთი წვლილი.



ფული და დასაბუქდი მასალები უნდა გამოიგზავნოს შემდეგი მისამართით:

P. Sardjveladzé.

35, rue de l'Aude 35. Paris (14)